


I KIMÁNYILO KYÁBWĀNALÒLI

IKI KIBEBELÌGWE

 . . . ukukomania ulubunju ulu mu Ngamu ya Ntwa Yeso, kangi ukufuma pa kwiputa fiyo. Kangi ulubunju ulu, une ngāsumwike nukwandanana mma. Une nāli mu luko lumo nākābile, ukusumuka, kangi une ngusakikisya aligwesa amenye nongwa ya fiki, itolo lilino.

² Une ngwisa kukaya, ulubunju lumo, pamo ikilo kimo, kangi u mpalamani gwāngu ālīmīle mu lubīngilo, umwēne nu mwānundīnwāna gwāke unnini. Unkasi gwāke yo nāsi nkyūmba kya bupāpilo kula ku kipatala. Popāpo umwēne āli na i—i ngili nkiboko kyāke, kifuki ubutali *ubu*, na u—u busīmbe ubunini pa yēne, akēnda kamo, kangi akāndu akanini kāyobile, “Mwisukulu Branham bo mumo, une ngwitika, ukufwana 3:43 pamo 4:43, Okutobala pa lya 11.” Polelo, mabraketi amakulumba amanywamu pa pāsi, alinkuti, “Ugwe uli nkusipo ukukīnda ugwe kwinogonela.” Popāpo une ndi nu bwābūke bwandagilo lilino ukutūsa panini patalipo ku lubūnju. Uko kotalusya, Nkundwe Wright, akabalilo kako ugwe—akabalilo kako ugwe kuyaga mwisukulu?

³ Kangi polelo une ngusakikisya ikyo mu luko kikundēyēla une, polelo, Kalumbu Kidd, ulubunju ulu, panongwa ya kisita kuya nsumukano akabalilo kāko ugwe gwālisileko ukufumila ku Ohio. Une naloliloli ngwipilika ukufwana ifyinja kalongo nkusipo, une ngwinogona, palema, ukufuma apo. Loli, mumo umwe mwesa mukumanya ukuti une ndinagwe u mwisukulu unnini panja pala, ukufwana amapaundi mahano-na-mabili pamo lwele, ikindukimo bo ikyo, a kāna akanini akanyali ukukīnda-bōsa aka une ngētilēmō siku. Alinkuti, “Umwene ikuboneka itolo bo yu mwīsikūlu gwake.” Popāpo . . . Kangi une ndinkukēta itolo kūko umwene ābukile, kūko Billy ābukile.

⁴ Popāpo, ikilo kya mmayolo, ukwīsa ukusuluka mu holo, ukufuma pāpo nāmālisīsyē ingōlèlo syāngu, une nalyagéne ni kibugutīla kya bīnāngu basubiligwa bākufūma ku Georgia nu kusyūngutīla, kangi uswe twesa twāli panja pala ukukēta utwīnītu utunini. Kangi abene bo bamogi. Lilino, abene bo itolo . . . Une akabalilo kosa ndinkwipilika ikindukimo ngati, “Billy, ugwe kutīla ukuti ugwe kubukaga ukukonyola abene, ugwe umenye. Abene bo banini fiyo.” Kangi une ngwitika ikyēne āli Kalumbu Beeler alinkuti . . . Une nālisibile ukwinogona . . . Umwene aalisibile ukwinogona ikyo yōpe, loli, ukufuma apo, umwene aasyagenie ukuti abene bakabongotokaga nubupepe

fiyo. Polelo, une ngwinogona ikyo kyo kufwana kitalusye.

⁵ Mmayolo pamusi une nāli nu lusako ulwa kuya ukusuluka kwa kamo mwa twāya twa bakalumbu apa ugwa kipānga, akāya ka mwanundindwana gwāke; kangī une ngwinogona umwene yope ali apa pa kipanga, kūko abēne bāli ni ulunīni ulusekelo lwa lisiku lyakupāpigwa kuli u Nkundwe Neville. Kangi umwēne āli ni līngi iliyēngo lya bulendo umwēne ākilēnie mmayolo. Kangi polelo uswe tukuyoba kwa Nkundwe Neville, “Ilisiku lyanaloliloli lya lisiku-lyakupāpigwa,” aligwesa gwa uswe, panongwa yakuti umwene yo nkundwe unnunu fiyo. Kangi, ena, umwene ākīndīle itolo malongo-mabili-na-fihano, pakayabo kanini, popāpo polelo bo une. Kangi popāpo uswe itolo twākilēnie ikyēne, akabalilo kakibili. Uko ko... Lilino uko ko kwīsa ukuya nnyāmbāla nkāngāle, akabalilo kāko ugwe kubūka ukukilania u bung’wāle bula akabalilo kābubili, umwe mumenye.

⁶ Une ngukumbukila ulubunju lula Frankie Weber ukwisako kuno. Kangi umwēne āli yo mpalamani gwa kifigo ikikōnge kwa uswe apa; umwanundindwana gwāke ikwītūgāla kula lilino. Umwēne ali mu Florida. Kangi Frankie na une twābūkile ku sukulu palikimo. Kangi Frankie ābīkile ikyābupi kya lisiku-lyakupāpigwa lwāke. Kangi une nālumbililaga polelo ukufwana i fīnja fitatu pamo fina. Une nālongolīle Frankie kwa Ntwa Yeso. Kangi umwene alinkubika nkati i sumuni sinda-gwa-sinda. Une ngwinogona ukuti une nali malongo-mabili-na-mabili. Kangi umwene alinkubika nkati i sumuni sinda-gwa-sinda. Une ndinkwinogona, “O, mwe, ngimba ugwe kusanusya ukumbula une ukuti Frankie Weber ali malongo-mabili-na-fihano mbukusi? Whuu! Mwe, une ngutila akabalilo kako une ngukafika malongo-mabili-na-fihano.” Lilino une ngwitendekesya ukubikamo nkati batatu ba abene, nalōli lululu. Polelo ikyene—ikyene itolo kitikwēga akēne katali ukwisa ukuboneka.

⁷ Akabalilo kāko une ngukēta ukukilania apa nukumbona Nkundwe na Kalumbu Kidd mu malongo lwele gābo kangī bakāli bikubūka na bamaka, Une ngwinogona, “Ntwa Yeso, nswaga une panongwa ya kwīlumbusya, kuli malongo-mahano-na-fibili.” Kangi abene... Ugwe gwe malongo lwele, kangī Nkundwe Kidd yo malongo-lwele-na-kimo. Ngimba uko kutalusya? Malongo-lwele-na-kimo. Kangi abene bakāli mu butumigwe. Kangi une ngubabula umwe, ikyo kikutupa uswe ubukifu, bule ikyene? Naloliloli kikubōmba. U Ntwa yo naloliloli nnunu kwa uswe.

⁸ Lilino, kilipo itolo kimokyēne ikindu ikibibi iki une ngutila, ukuya nu lukomano kuno ulwa lubunju lumo, kangī ikyo kyo... Ikyēne kyo kinyali, kikipilikigwa ngati kyo kīndu ikikosyasoni ukuyoba. Loli une ndinabo abinangu bingi aba bikwisa, kubutali fiyo, ku—ku ngomano.

Une ndikubabona abaEvans apa, lōli abēne bali apa pabuyobumo, une ngusakikisya. Abēne batikupōndwāmo lumolwēne. Kangi umwe mumenye mamailosi malinga abēne bikwendesya u Ndungu guligosa ukupilika ukulumbilila? Amamailosi aba mia kalongo-na-matatu. Abēne bakabagila ukutēndēka ubwendo ubunandipo ukukīnda malongo-ntāndatu ukubuka malongo-mahano-na-mabili amadola pa ndungu, ukubūka ku kipānga, uko ko kotalusya, akabalilo kāko abēne bikufyūka apa ni kikolo kyābo kyōsa, ikikolo kyābo, ukubūka ukukilania apa, ukuhōmba.

⁹ Lilino, comma kyēne ikyo, lōli apa alipo unkundwe unnini ukufuma pāsi mu Alabama, ikwendesya kifuki ubutali bwakufwāna u ndungu guligosa. Nkundwe...O, mwe! Nkundwe “Welt”? [Unkundwe ikuyoba, “West.”—Nsimbi.] Bwingililolisuba. Une...Umwene ikuboneka ngati ndumiana, kwa une. Umwene yo—umwene yo tāta, alinakyo ikipambo kya bāna. Loli umwene akabalilo kosa ikungumbusya itolo une, umwene yo ikiboneka-nkeke, umwene nu nkasi. Nkundwe West.

¹⁰ Nkundwe na Kalumbu Palmer itugesye ku nyuma kula, ukufuma pāsi ku Macon, Georgia.

Kangi—kangi Kalumbu Ungren, abēne akabalilo kōsa bali apa, ukufuma kula ku Memphis, Tennessee. Ngimba abene bali apa ulubunju ulu? Une—une...Abene bwila bali. Kalumbu Ungren na—kangi ikibugutila ukufuma kula ku Memphis, Tennessee, kubutali, ena, kunyuma ku nyuma.

Kangi balipo abangi. Une itolo...Abene bo itolo babibi, ukukolela. Bamo mwa bene, kubutali kula mu Kentucky. Bamo, kubutali mmwanya ukusyūngutila Chicago. Kangi bamo bikufuma Chicago, kangi pamwanya pa Chicago ukusyūngutila mōsa.

¹¹ Pandungu, une nāpilikísye ālipo unnyāmbāla apa injila yosa ukufuma ku California, kangi umwene itolo āli na kayabo kanini ukwitugasya; ālondaga ukumbona une. Ena, une nāfinyisigwe, ukufuma pa lukomano. Kangi u nyāmbāla yula alinkugomokela, kisita une ukunkēta umwēne.

Uyūngi yumo ālisile muno ukufuma ukukilania mu Illinois, kubuyobumo. Linga u nyāmbāla yula ali apa ulubūnju ulu, gala gāli amanunu fiyo amanyāfu fiyo amaapulo une ndilemo siku. Kangi umwēne ālindwālile une ikilūndu kya maapulo.

Kangi yumo mwa bakundwe ukufuma kula ku Georgia, une ngusubila umwene āli, pamo kubuyobumo, ālindwālile une ikikulumba ikinywāmu ikinyāmbi kya amapekani, kifuki *ubu* ubunywāmu, ifikalang’asa fya kalatasi. Kangi, o, une nalōlilōli mbagile ukulya agēne!

¹² Lululu lilino, une ne, ena, une ndikuluya ifyākūlya ifisāngulusye mma mmasika aga, ngābōmba ukufuma ukubūka ukusōkāpo kwa māma gwāngu. Une ngulondalonda u Ntwa

kuli i—i mboniboni imbya. Itolo ukulya ifindu ifitōfu, kangi ifya luko ulu une. . . tunini bo mūmo une mbagile ukuya nu būmi nafyo; ndāgile amapaundi malongo-mabili ga busito. Iki kyo. . . Lilino, une ndikupika-findu mma. Une ndiku. . . umma. Ikyo, itolo ukubōmba ikyo, ikyo kikaya kupa ikyo kwa Ntwa. Ugwe kulōnda ukupa u Ntwa ikinunu-fiyo ikyāko ugwe ulinakyo. Komma i. . .

¹³ Une nalyāgigwe ngumbona Nkundwe Sumner na bala kunyuma kula bope. Balipo itolo bingi fiyo. Une. . .

Ngati, pa Ndungu ugu gwakindaga, une nayobaga ku bandu aba—aba batugesye na mama, ni findu. Kangi u kalumbu unsūbiligwa nalōli āli kula. Une nālībibe ku ngamu ya nkikulu yula. Lilino, linga umwene ali apa ulubunju ulu, une ngwilambika. Yumo mwa bene āli Kalumbu Beeler, kangi uyungi yula āli Kalumbu nu Nkundwe Steffy. Kangi bingi fiyo! Une. . .

¹⁴ Umwe mummenye une kanunu kifwene ukumanya ukuti une ndikusanusya ikyene, akabalilo kako une ngukilania i ngamu pamo ngukisania u mundu. Mūmo bayilile ubusūbiligwa abēne bōsa bāli! Kangi utubalilo tumo itolo ikwītūgāsya apa, une nisakutēndēka ukuyoba isya munduyumo itolo ikwīsa mu līnogōno lyāngu. Loli une. . . Panongwa ya ikyo, une ngusanusya ikibugutila kyosa, aligwesa, muketile, ikyene kyo itolo kinunu fiyo. Kangi polelo, aligwesa, unganigwa, gwākisa kwa uswe. Kangi uswe naloliloli tukupālisya ikyo.

¹⁵ Kangi lilino, ulubunju ulu, uswe tukugelaga ukusegelela ku Lisyu Iya Kyala kangi. Lilino, une ngulōnda ukutēndēka ubuyobelo ubu, ukuti ikyēne kisakuyaga kyapabwelu fiyo, ukuti une—une itolo ndikwīsa ku lukomano lulilōsa itolo ukukētigwa. Une ndinkwisa pala itolo ukuyoba, “Ena, une ngulonda lumo ukwiputa kwa Ntwa ukumba une i—i Ndumi iyi yisakupelaga itolo abandu ukwipilika naloliloli kanunu kangi ukulalata.” Uswe tufumile ukuya nafyo fingi fya ifyo, loli, kangi uswe tukupālisya ikyo. Ikyo kyo kyosa kinunu. Muketile? Ikyo kyo kinunu. Muketile? Loli iki une ngulonda ukumanya, kyo, “Ntwa, Ugwe lōngolēla aminogono gangu mu kindukimo iki kisakuyaga butuli ku bandu, iki kisa kubika abēne kifukiko kwa Kyala, ikyo kisa—ikyo kisa—ikyo kisa kubōmba ikindukimo kuli abēne, ukuti—ukuti, komma fiyo nubwīngi nukuti ukubayēnga abēne mōsa mwambepo, lōli ukuyēnga abēne mōsa mu bumanyi nu bufūndigwe bwa Kyala, ukuti abēne bisakumanya akīmilo akabalilo kāko u ndugu ikwīsa.”

¹⁶ Une nayobaga kwa kalumbu uyu ali apa ikuyatila undungu ugu, Kalumbu Palmer. Umwēne alinkuti, ālōndāga ukumanya mūmo une nītugalisyā ngamo siku nkīsu iki. Ikyēne kyo, ugwe itolo kwīngila muno, kangi, ena, akabalilo kalikōsa une kutika ikikoga une nguya mbine itolo bo mbimbibi bo une ngufika nkati. Ikyēne kyo itolo nalōli kyāmbūngo mu kikoga muno. Uswe

tumenye ikyo. Loli Kyala ali na bana bingi ukusuluka muno. Kangi polelo limo mwa masiku aga . . .

¹⁷ Une ngulõndesya u Ntwa lilino, ukusyāgania i Ndumi iyanaloli iyakutalula ukufuma kwa Kyala. Muketile? Kangi une, nu butuli bwa Kyala, une itolo ngulõnda ukukindilila mpaka Umwene ikwisa, ikyo kyo mpaka Umwene ikutendeka ubuyobi bumo kwa une. Kabuno une ngwipilika ukuti kubagile ukuyangapo. . . Kilipo ikindukimo iki kitendekisye ukuboneka ukusyungutila apa, kangi une ngulõnda ukumanya iki ikylene kili. Une ngulõnda ukumanya mbutalule ukufuma kwa Kyala, ukuti une mbagile ukuyoba ikylene yo ISI SYO IKUTI U NTWA. Muketile? Kangi polelo—polelo umwe mubagile, umwe, abāndu, polelo mwisakumanya ukuti ikyēne—ikyēne kikaya une mma. Popāpo, une ngulõnda ukugela ukutēndēka ikyēne lūlo, ukuti, pamo, ukupilika ukufuma ku Mwēne tāsi.

¹⁸ Panongwa yakuti, linga Umwene ikubika a Masyu Gake mu—mu mundu, ena, polelo ikyēne kikaya mundu yula kangi mma; ikyēne yo Mwene. Polelo linga u nnyāmbāla ikuyoba ikyēne, mwa mwēne, polelo ikyēne kitisakufūnja na kalikōsa mulimōsa. Loli linga Umwene yo, i Lisyu Iya Ntwa, lili mu nnyambala, Ilyene likwisa panja, kangi polelo ikylene kisa kuyaga—ikylene kikuyaga itolo katikati kitalusye. Ikyo kyo iki uswe tutumiligwe mu li Bangeli, kula ukufwana nu ntu gwa 20 gwa Kukumbusya-indagilo, une ngwitika, Ilyene Iyāyobile, ena, “Kētēsya, kangi linga yumo ikuyoba mu Ngamu ya Ntwa, kangi ikylene kitikwisa ukuboneka, polelo komma ukupilikisya ku mundu yula.” Muketile? “Loli linga abene bikuyoba ikylene kangi ikylene kikwisa ukuboneka, polelo ugwe kinunupo kupilika ikylene,” muketile, “nongwa yakuti ikylene kikufumila kwa Kyala.”

¹⁹ Umo mo mūmo Kyala ayilile. Umwēne alinalo ulubātiko Lwāke ulwabwila lulambalikigwe apa mu li Bāngéli. Uswe tumenye ukubala ikyo mōsa. Loli filipo ifindu fimo, ifi—ifi ku Kipanga kangi ku kabalilo ni findu, ifi Umwēne akaya nafyo fisimbigwe muno mu i Bāngèli, popāpo Umwene ikubika i Lisyu Lyake mu mundu yumo kangi abene bikuyoba Ilyene pankyeni, muketile, yoba Ilyene panja. Popāpo, polelo, injila iya kulōnga u mūndu yula ikusyāgania kali ikyēne kikuboneka mu njila abēne bikuyoba ikyēne. Polelo, linga ikylene kikubomba, polelo kikūmilisya ukuboneka injila iyo, ena, polelo uswe tumenye ukuti ikyo kikufuma kwa Ntwa. Polelo uswe—polelo uswe tuli nu lusubilo, polelo, ukwitendekesyela ku findu ifi fikwisa.

²⁰ Une ngulõnda ukubala amabuyo mabili pamo matatu mu Masimbo ulubunju ulu. Kangi une ngulõnda ukubala, tāsi, ukufuma mwa Būku gwa Kusōka, kangi une ngwitika isya ntu gwa 4 gwa—gwa Kusōka, ukwānda nu kwānda.

²¹ Kangi lilino une mbagile ukufumusya akabalilo kako

umwe mwitendekisye ukubala a Masimbo aga, Une mbagile ukufumusa iki une ngulonda ukuyoba kwa umwe, iki u Ntwa ābīkīle pa ndumbula yāngu ukuyobapo, ulubunju ulu. Une ngamanya iki Umwene isakubombaga ni kyene, ku bandu; lumo ukuya kitaluligwe ku mūndu yumoywēne apa, lumo umunduyumo pānja mu kīsu kya tepi, ubuyobumo ubūngi. Loli une ngulonda ukufumusa, ulubunju ulu. . .

²² Une ngwinogona, ulubunju lwa Ndungu ugu gwākīndāga, une nālumbilile pa *U Nkēti Gwābwānalōli*. Kangi ulubunju lwa pa Ndungu ulu, u Ntwa itikisyege, une ngulonda ukulumbilila pa *I Kimānyilo Kyābwānalōli Iki Kibebeligwe*.

²³ Une . . . Nkundwe Palmer āmbulaga une, ikilo kya mmayolo, ulubunju lula ulwa Ndungu ugu gwakindaga une nāyobīle pa kimanyisyo. . . pamo alinkuti Une nāyāga pakuyoba, u Ndungu ugu, pa “Indungisanio ina sya Kipanga.” Kangi akabalilo kako une nābukile nkilo. . . Une utubalilo twingi ngukisimba ikyene. Fiki. . . Une ngamanya kali ugwe kufimbilisigwa ukubomba kila pamo mma. Lōli une ndinafyo ifindu fingi fiyo, ukugela ukwinogonela. Une ngwēga ikindukimo, une ngufimbilisigwa ukuyibika iyēne pāsi pa kapatu ka kalatasi. Muketile? Kangi une ndinkubūka kukukikēta ikyēne, kangi iki une nāsanusyāga pa ikyo kikālī katikati indungisanio ina. Une nāyobīle injila yila, nalōli. Lōli iki une nāsanusyāga, kyālī, “U luko luna lwa sikali ya Kipānga.” Kangi ukubomba ikyo, une ngufimbilisigwa ukwega ikilūndiko kya isyambukulu palikimo. Kangi lumo akabalilo akangi akakōnge une nguyaga na ikyo. Lōli ikyēne kikwēga akanini akīngipo akabalilo ukukīnda une nālinako, akabalilo ka kufūnda, ukukyāga ikyēne, panongwa yakuti ugwe kufimbilisigwa ukugomokela nu kugāga amasiku, na fyōsa bo ifyo.

Panongwa yakuti, mwesa umwe, mwesa mukupilikisya ukuti ikyene kyo kulikōsa. Fiki, uswe tukulonda ukuya basisimikisye naloliloli isya findu ifi bo uswe tukālī ukuyoba ifyene. Ifyēne kifufimbilisigwa ukuya fitalusye. Panongwa yakuti, uswe twīmīle apa, ukukolelela ububōmbelāmo-mbōmbo ubwapamwanya-fiyo ubu bukoleleligwe nkīsu-kyōsa: u ndūmbilili. Undumbilili, kangi gwabwanaloli ukukīnda fyosa, gwakutalusya, uswe tukufimbilisigwa ukuya injila iyo. Uswe tukufimbilisigwa ukusubila pa Kyala ukubomba ikyene.

Lilino, mwa Buku gwa Kusōka, untu gwa 4:

Kangi Mōse alinkwamula kangi alinkuti, . . . keta, abene batisa kunyitika une, pamo nukupilika ku lisyu lyāngu: kabuno abene bisakuyobaga, U NTWA nalōli akakubonekela ugwe.

Kangi u NTWA alinkuyoba ku mwene, Ngimba kyo fiki iki kili nkiboko kyako? Kangi umwene alinkuti, I ngili.

Kangi umwene alinkuti, Sopa iyene pasi. Kangi umwene alinkusopa iyene pasi, kangi iyene yilinkuya njoka; kangi Mōse alinkubopa ukufuma pankyeni pa iyene.

Kangi u Ntwa alinkuyoba kwa Mōse, Sōsya pānja ikiboko kyāko, nukuyēga iyēne nu nswigala. Kangi umwene alinkusosya ikoboko kyake, kangi alinkuyikola iyene, kangi iyene yilinkuya ngili nkiboko kyake:

Ukuti abene babagile ukwitika ukuti u Ntwa Kyala ugwa bisabo, u Kyala gwa Abraham, u Kyala gwa Isaki, na Kyala gwa Yakobe, nalōli abonike kwa ugwe.

Kangi u Ntwa alinkukindilila pakuyoba kumwene, Bika lilino ikiboko kyako nkipambaga kyako. Kangi umwene alinkubika ikiboko kyake nkipambaga kyake: kangi bo umwēne nalōli āsosisyemo, ketaga, ikiboko kyake kyali nu bukoma kifwanenge matalala.

Kangi umwene alinkuti, Bika ikiboko kyako mu i kipambaga kangi. Kangi umwene alinkubika ikiboko kyake nkipambaga kyake kangi; nu kusopola ikyēne ukufuma mu kipāmbāga kyāke, kangi, kēta, ikyēne kya lyāndwike kāngi ukuya bo nyōfu gwāke ugāngi.

Kangi ikyēne kisakwisa ukuboneka, linga abēne batisakukwītika ugwe, pamo ukupilikisya ku lisyu lya kimanyilo ikyākwānda, ukuti abene bisakwitikaga ilisyu lya kika ikikonge.

Umwe mukuketesya ifimanyilo fibili, kangi i . . . ikimanyilo kilikyosa kyali ni lisyu. Unko une mbale ilinandi lya 8 kangi:

Kangi ikyēne kisakwisa ukuboneka, linga abēne batisakukwītika ugwe, pamo nukupilika ku lisyu lya kimanyilo ikyākwānda, ukuti abene bisakwitikaga ilisyu lya kika ikikonge.

Kangi ikyēne kisakwisa ukuboneka, linga abēne batisakukwītika kāngi mma ifimanyilo fibili ifi, nukupilika ku lisyu lyāko, ukuti ugwe gwisa kwēga ukufuma mmīsi ga kisōko, nu kōna agēne pa . . . kisu ikyūmu: kangi a misi aga ugwe kwegaga ukufuma ku kisoko kisakuyaga lilopa pa kisu ikyumu.

²⁴ Kangi lilino mwa Mwikemo Yohani, untu gwa 1 kangi ilinandi lya 6, uswe tukubala ilinandi aga, pamo ili linandi ili. Mwikemo Yohani, untu gwa 1 kangi ilinandi lya 6. Kangi . . .

Aalipo unnyambala uyu atumiigwe ukufuma kwa Kyala, uyu ingamu yo aali Yohani.

. . . u nnyāmbāla ātumìgwe ukufuma kwa Kyala, uyu ingamu āli Yōhani.

²⁵ Kangi mwa Ezekieli 24:24, une ngunyonywa ukubika i Lisimbo ili nkati, ukupinya ikylene ukufuma ku Lwitikano Ulukūlu, ku basololi, ku Lwitikano Ulupya; ukuti umwe mwisakupilikisya ikyēne kyo njila yōsa ukukīndāmo, ukufuma Kusoka, u bwāndilo mpaka bumalikisyo.

Kokuti Esekiyele yo kwa umwe i kimanyilo: ukufwana na fyōsa ifi umwēne abōmbile umwe mwisakubōmba: kangi akabalilo kako iki kikwisaga, umwe mwisakumanya ukuti Une ne Ntwa KYALA.

Lilino unko uswe twinamisye imitu gyitu itolo pakabalilo ku Mwene lilino mu njila ya lwiputo.

²⁶ Tata Kyala, uswe tukwisa mu Ngamu ya Kyala gwa Abraham, Isaki, na gwa Yakobe: Yeso Kristi, ungolofu. Uswe tukwisa, ukumanya ukuti Umwene isakutupilika uswe, panongwa yakuti uswe tukwisaga komma ukuya mundu yumo uyu isaga itolo mu nyumba iyi, loli uswe tukwisa nubukifu nu lwitiko, tukwitika ukuti iki Umwene aafingile, kila Umwene ikubombaga. Polelo uswe tukusuma, umwisyugu, Ntwa, ukuti Ugwe kwegaga aligwesa gwa uswe twe tulipo, injila yosa ukufuma kukigemo mpaka kunyuma kwa nyumba iyi, ukukililāmo mmabuyo gōsa, kangi igula indūmbūla yiliyōsa kangi būta ubupilikilo bwītu, ukuti i Lisyu lya Kyala ugwabumi libagile ukwisa panja ukufuma ku Mwanya, ulubunju ulu, nu kōneléla mu ndumbula syītu, ukuti uswe tubagile ukwitika, bo uswe tukupilika i Lisyu lya Ntwa kangi ukuya mūmo libāligwe kwa uswe mu mbulukutu syitu ulubunju ulu. Kangi uswe tukukupalisya Ugwe panongwa ya Lisyu Lyako. I Lisyu Lyako lyo Bwanaloli.

²⁷ Kangi lilino, bo uswe tukukēta isala imbībi sikusegelela, bōsa ubugāsi bwa Kyala bukulūndikigwa mmyānya. Kangi ikyēne kyo kifuki akabalilo kokōsa ukuti kwisakubagila ikīndukimo ukuboneka ku kikolo iki iki kikipikile Ugwe, ukuti kubagile ukuyako ikipufulo kimokyēne ikikulumba iki kyābagile ukwēga ikikolo iki lōsa ukusōkapo pa māpu ga kīsu, nu kutīlisya kunyuma kwa ikyēne, kwa kīsu ikisitakyala iki kyo kikunyonywa ukubōmba lūlo. Kangi ukumanya ukuti, mbuyo bwa kusegelela kifuki kwa Kyala, abene bikuboneka ukubūka kubutalipo ukusōkako. Tumenye ukuti u Būku gwa Busetuli na mōsa ukusuluka ukukīndamo a Masimbo galāgusisye ilisiku ili, polelo unko uswe twēge ubusoke, Ntwa, komma ukuya bakololofu nu kulāmbalāla bātūlo, mūmo ikyēne kyāli. Uswe tuli sumuka nu kwīyugānia twībēne.

²⁸ Uswe tuli yaga nu bupilikisyo, umwīsyūgu, ngati uswe tukayīlāmo siku pabutasi. Indumbula syītu siliyaga pa moto, ukufuma pa lisiku ili, ukuti apēne pisakuyapo u moto umwākāno mu myoyo gyītu ugu gwisya kupyāgila ukukīndamo nkīsu iki, Ntwa, kangi ubukēti bwa būmi kulikōsa kūko uswe tuli.

²⁹ Sayaga ababine na bonywa, aba bo bafũmbwe, fyōsa-fibili pakati pĩtu kangĩ panja pa pakati pĩtu, abāndu Bāko, kulikōsa.

³⁰ Sayaga i Lisyu Lyako, Ntwa. Kēmesya u mbōmbi Gwāko, kangĩ ababōmbi Bāko aba bikupilikisya, ukuti, palikimo, uswe tubagile ukutwāligwa kifukiko ku lwāgānio lwa kubonekela Kwāke, ukukĩnda nasiku pabutasi mbūmi bwĩtu. Komma kwene ukuti une ngwĩputĩla aba balipo apa, lōli panongwa ya bala bābo bisakupilikāga i tepi ukusyũngutila pa kĩsu, ukuti abēne babagile ukutwāligwa mu Kipānga kya Kyala gwābūmi. Kabuno uswe tukusyagania yilipo i njila yimoyene ntiga iyi uswe tubagile ukuya mbakasya ya Kipanga iki, ikyo kyo ukwisila mu kupāpilĩgwa kwa Mbepo, polelo uswe tōsigwe nu Mbepo yumoywene mu Mbili gumogwene. Une ngusūma, Kyala, kuli yumo na aligwēsa gwa bala ukusyũngutila i kĩsu, aba Ugwe kwīsa kwēga u lwīmiko kwa Gwīmwēne. Kangi uswe tuli tendekesya imyoyo gyitu, mpaka nu kukuuta kumo ukusyungutila ikisu, uswe tubagile ukukuta, “Pope nalūlo, isaga, Ntwa Yeso.” Uswe tukusuma iki mu Ngamu ya Yeso Kristi. Amen.

³¹ *I Kimányilo Kyābwānalòli Iki Kibebelìgwe.* Abanyambala balōndile kuli i fimanyilo, injila yosa ukufuma kwa Farao mpaka umwisyugu.

Kangi Yeso ātubūlile uswe isya a—a kabalilo bisakuyāngako abalōndēsya ba fimanyilo, kangĩ alinkuyoba, ukuti, “Ingulilo imbibi, iyabulogwe yikulondalonda ikika. Loli, palema, abene babagile ukwambilila ikimanyilo.” Kangi i ngulilo yila yabagile ukwambilila ikimanyilo kya busyūke; iyi yo yāyaga u nyōnywa, mbībi, kangĩ i ngulilo yabulogwe yisakupĩgwa i kimanyilo kya busyūke.

³² Lōli mūmo i Lisimbo ili lilambalele pankyeni pa uswe, mwa Ezekieli untu gwa 24 kangĩ ilinandi lya 24, u nsololi uyu ātēndikìgwe ukuya kimanyilo. Kangi ikyo kyo kimanyilo iki une ngulōnda ukuyobapo.

³³ U nnyāmbāla uyu āpeligwe kimanyilo kwa Israeli. Kangi mōsa ukusuluka ukikīndāmo a Masimbo, Kyala abōmbile abasololi Bāke ukuya fimanyilo. Kangi abēne akabalilo kōsa babebelìgwe. Abēne bikuboneka batikukikolamo siku i kimanyilo kila. Abēne bo akabalilo kōsa bikulōndēsya i kimanyilo kya fitima.

Bope na ba Farisai ba masiku ga Yeso, balinkuti, “Tunāngīsya uswe ikimanyilo ukufuma ku Mwanya.”

³⁴ Loli Yeso alinkubakumbusya abene ukuti abene bikuyaga ni kimanyilo. “Umwe mutalile muli ni kimanyilo.” Alinkuti, “Umwe mubagile ukumanya imyanya. Umwe mubagile ukuketa pa kimanyilo kila. Umwe mukuyoba, ‘Linga ukwene kukesefu, mwamabingo, kilabo isakuyaga kabalilo kabibi.’”

³⁵ Linga abene angali bākibwene ikika, abene angali bambwene Umwene, kangi bamenye ukuti Umwene ali kika kya Kyala ku bene; panongwa yakuti isololi syābo isyakufwāna nu Mwēne syāfwānikisigwāga pankyēni pa māso gābo. Lōli pōpe abēne balinkulōnda i kimanyilo.

³⁶ Kyo kyakuswīgīsyā nki ikyēne kili ukuti abāndu bisakubōmba ikyo, ukuti bīsa kulōndēsya i kimanyilo akabalilo kāko i kimanyilo kili palapala na bēne, palapala nkāti mwa bēne. Lilino, Israeli āfikile mu kayīlilo aka.

³⁷ Kangi utubalilo tumo ulufulasyo ulu i kimanyilo kila kikufīmbilisigwa ukukīndamo lo lwakuswīgīsyā; ulufundo ulu Yeso ābukilemo, ukusisimikisya ikimanyilo kya Kyala, ukuti Umwene āli Mesiya.

³⁸ Uswe tukusyāgānia apa, u nsololi unkeke uyu ukwisila mu ngamu ya Esekiyeli kingikingi alinkuya ikimanyilo, akabalilo kōsa. Mumo umwene ālifūndile mwene! Ubuyo bumo apa uswe tukwaga kuko umwene alambalalaga pa lubafu lwake ku masiku bamia batatu na malongo mahano na mana. Kyala ālimbūlile umwēne ukwēga i ndima simo ni mbānge, ukubīka ikyēne kyōsa palikimo, ukukupiya ikyēne lōsa, nu kukilāmbalika ikyēne kifuki u lubafu lwāke, nu kubūka ukulāmbalāla pa kipālo, nu kulāmbalāla pa lubafu lwāke lwakukīmāma, pamwēne, kisita kusanuka, kuli amasiku bamia batatu na malongo mahano na mana. Inogona isya ikyene. Kangi polelo alinkuti, “Sanukila ku lubafu ulungi kangi lambalāla pala amasiku malongo mana kangi.”

³⁹ Kangi Umwene āyobīle apa, “Iki ugwe uketile, Ezekieli,” alinkuti, “panongwa yakuti ugwe kupāpa ubusāmbuke bwa bāndu, ilisiku lililyōsa nīsa Une ukubala i kyīnja kuli abēne.” Ukuya, ukuti, ilisiku lililyōsa umwēne ālāmbalēle pala, lila lyāsanwīsyē i kyīnja kimo abēne bikuyaga mu butumwa, kangi ukuti ubusāmbūke bwābo bwīsakukūmbukigwāga kwa Kyala, kangi Kyala āngāli atikupilika i nyīpūto syābo kangi mma.

⁴⁰ Lōli u lufūndo ulu unyāmbāla yula āfīmbilisigwe ukukīndamo, nongwa ya fiki kila kyāli kyākulōndīgwa? Bīngi baswīgīle, nongwa ya fiki ikīndu bo kila kyābagile ukuya kyākulōndīgwa kuli u nyāmbāla ukubōmba. Iyene yo nongwa yakuti abandu bala batisakubala i Lisyu, kangi abene batisakwiputa. Polelo, Kyala gwapamwene, kangi Umwene ikutuma unsololi Gwake ukuya kika. Abandu batisakubala. Abene batikupasya ukubala. Kangi abene batisakwiputa, panongwa yakuti abene bo fiyo...balinafyo i findu ifingi ifyakubomba. Abene bakabagila ukwega akabalilo ukwiputa. Kangi i Bāngéli lyo lyakukima ku bēne. Ilyēne likaya nu lukino lwākufwana kuli a masiku gālilino, pamo amasiku galigōsa.

⁴¹ Umwe mumenye, une ngwitika umwene āli Pauli āyobīle, “Umwe mwe bākalāta ba Kyala, bikubaligwa na bandu

bosa.” Kyala ikubombela abāndu ukuya fimanyilo, ukunāngisya ifimanyilo Fyāke. Kangi utubalilo twingi ikimanyilo kila, kangi akabalilo kalikosa, fiyofiyo, pene papo ikylene kili na bandu abasunguligwe, ikimanyilo kila kyo kikubebeligwa kangi ukulōndesigw’ubusobi, ukyūgīligwa, ukutāigwa panja.

⁴² Kangi ukwēgelēligwa, mópe mu Lwītikáno Ulukúlu, mmasiku ga basololi, abēne bēgigwāga bāndu basyuta mūntu. Abēne bīnogonāga abasololi bala bāli banyenyemusigwe bāfigili, ukuti abēne ikindukimo kyāli kisobi na līnogonèlo lyābo. Kangi abene bābakētaga abene ukwisa ukufuma ku matengele kangi—kangi ukubomba ifika, kangi polelo ukusanukila ku matengele kangi. Kangi abene bālīsibile ukubaseka abene, panongwa yakuti abene bakamenye i Lisimbo.

⁴³ Yeso ābabūlile aba Farisai, akabalilo kamo, ukufwana nu busyuke. Abēne balinkuti, “Uswē twāli i...U lulagilo lukuyoba ukuti linga unkūndwe ikufwa nu kuleka u nkasi kisita—kisita bāna ku mwēne, ukuti u nnugūna gwāke yo ikwēgāga u nkasi yula nu kukusya abāna ku gwāke, u mfwāno.” Kangi alinkuti, “Uswē twāli na yumo uyu āli na bakundwe bahano-na-babili. Kangi ugwākwānda yumo ālyēgīle unkasi, kangi umwēne alinkufwa, ukuleka uluyūngu nalumo. Kangi polelo u nkundwe gwake alinkummwega umwene, kangi polelo umwene alinkufwa; kangi mpaka gwa kihano-na-kibili. Kangi kubumalikisyo u nkikulu alinkufwa.” Alinkuti, “Lilino, mu busyuke,” alinkuti, “lilino, ngimba unkasi gwa ywani umwene ikuyaga, gwa bala bahano-na-babili?”

⁴⁴ O, une ndiganile i Lisyu lila! Yeso aayobile, “Umwe naloliloli mukusoba, kisita kumanya a Masimbo na maka ga Kyala.” O, mūmo Umwēne āngāli ikwāsya ikyo mōsa umwīsyūgu linga Umwēne īmaga apa! “Umwe naloliloli mukusoba, kisita kumanya a Masimbo kangi na maka ga Kyala.” Amaka ga Kyala galilanile mu Lisimbo. “Umwe naloliloli mukusoba nubukulumba.”

Polelo Umwēne alinkukīndilila ukuyoba, “Mu busyūke abēne nakamo batikwēga pamo bikupēgīgwa mu bwēgi, lōli abēne baliti bo Bāndūmi.” Umwēne akāyobile abēne āngāli bikuya Bāndūmi, lilino, lōli abēne bikuyaga baliti Bāndūmi, inyāmbi ya kugonana yikuyaga pānja pa bēne. Abēne batikwēga pamo ukupa mu bwēgi.

⁴⁵ Uswē tukwitugasya mu lisiku lya kayilo, pamo, gakufwa, amasiku ga kitangalala kyakufwa. Lōli kula kukwīsa i lisiku akabalilo kāko kuliko i Kitāngalāla ikisitakufwa kikwīsa, kangi i Kitāngalāla ikisitakufwa kila ko kūko abatabuligwa bisakwītūgāla. Bala aba batabuligwe, kangi bali. . . U būmi ubu bukusōkāmo mu mbili ugu, ukugomokela kwa Kyala uyu apēle ubwēne, bwisakugomokelāga kāngi ukufuma ku Mpiki gwa Būmi, ilisiku limo, ukulagila bwilanabwila.

46 Mumo unnyambala untubwa uyu, unsololi unkeke, ikupa u bumi bwake bosa ukuya kimanyilo ku bandu bake, ulwa lufundo ulu abène bayaga pakwāmbilīla, panongwa yakuti abène bāli iki uswe twābagile ukukōléla “basitakupasya.” Abène bakālōndāga nakimo ikyakubōmba na Kyala. Abène bakālītike abasololi bala, kangī abène itolo babūgilāga abène. Kangī, loli, palubafu, kangī kali bo bwinginki abene bakālondaga ukwitika ikyene, Kyala āketīle ukuti abene bali nakyō ikyene, mulimosa.

47 Yezebeli akālondile ukwitikisya ukuti Ahabu āli ntīmi gwāke, lōli umwēne āli. Kyala ākētīle ukuti umwēne ali ni kimanyilo, mulimosa.

Momūmo kiyīlile i kisu iki umwisyugu. Kyala ungolofu kangī ugwabwanalolindumbula Kyala, ukwisila mu Lisyu Lyake, alinkutoligwa ukwitikisya kalikosa, aka uswe tukwītēdekēsya ukuboneka, kisita kuya ni kimanyilo ku buyubumo. Umwene akabalilo kosa āli nakyo ikyene. Lilino, uswe tukufimbilisigwa ukukilonda ikyene. Kangī une nsisimikisye ukuti abandu aba bali nu bupikilisyo ubununu ubwa Lisimbo bamenye akakētelo.

48 Noa aali kimanyilo mu lisiku lyake, ku bandu, ubwa kwisa kwa bulongi. Noa mu lisiku lyake abiikigwe ukuya mumilisi. Umwēne āli nsololi. Umwēne ālītikisigwe ukuya yumo uyu akāli nalyo ilīnogonēlo ilinunu. Kangī u nyāmbāla yula alinkūtika mōsa, kuli ikyīnja ukwīsa ikyīnja, ikuyēnga i ngalaba, akabalilo kāko kukayako na mīsi pa kisu lōli iki kyāli mu nyībūko. Kangī umwēne ālagwīsyē ikindukimo iki kyāli kyākusekigwa, ku līnogonēla lya mbili. Umwēne alinkuyoba, “Kukwīsa a mīsi ukufuma ku mwānya.”

49 Kisita kwilamwa, ukuti bingi babagile ukuyoba ku mwene, “Nāngisya une kūko ikyene kili.” Sayansi yābagile ukuyoba, “Une mbagile ukusisimikisya ukuti gakayako amisi mmwanya mula.”

Lōli, pōpe, linga Kyala ālimbūlile umwēne ukuti ukwēne kwīsāga ukufuma ku myānya, Kyala isakukēta ku kyēne ukuti i Lisyu Lyāke lyābonike.

50 Kangī akabalilo kōsa kukālīko na mīsi nagamo mbuboneko, akabalilo kōsa kukālīko nasiku i libīngo mmyānya, nasiku kwātīmilēmo i litōnyelo, kula nasiku kukālīko u luko lwa kīndu bo fula, palema, akabalilo kosa, Noa ātendekaga i ngalaba kuli i fula. Ikyēne kyāli buketi bwabūmi ukuti u nsololi uyu ālītike iki umwēne āyobelaga ngapo, kabuno umwēne ātēdekāga ukwītēdekēsya kuli ikyēne.

51 Kangī umūndu aligwēsa uyu nalōli ikwītīka iki ugwe kuyobapo, ugwe kwītēdekāga ku kyēne.

52 Ndimililaga une papapa apa, itolo i miniti. “Pisiku lila lya Noa,” mumo Yeso aayobile, “momumo ukwene kwisakuyilaga pa kwisa kwa Mwanundumiana gwa mundu.”

Linga ifipanga, umwisyugu, bikwitika iki abene bikuyobelapo, abene bikubombaga iki abene bikuyoba.

⁵³ Bulebule twabagilaga uswe ukuyēnga imikulumba imisōnge gya miyūmba, na mamiliyoni ga madola m'miyūmba, kangu ukubālasānia kwa fipāngānio ni findu bo ifyo, nukulūmbilila ukuti Kristi ikwisa pa kabalilo kalikosa? Ngimba uswe tubagile bulebule ukukindilila, ukukēta pa filūndilo fyitu nukubabona abēne bikupaguka ukufuma ku maka ga Kyala kangu ukubuka mu bwapanja, nukutwala ikylene nkipanga nukufulugania ikylene palikimo, kangu uswe tukukyitikisya ikylene? Panongwa ya bufumuke, kangu panongwa ya bwīnogonelo bwa bandu kangu ingīndāno syakipanga-kipaguke, ukugela ukukīndapo-ukukula i kipāngānio ikinine, ngimba uswe twābagile bulebule ukubōmba iki uswe tukulūmbilila? Kangu i kisu kikukēta ikyo, abēne bamenye ikyo, mpaka ubwīpūti bwisile ukuya i kīndu ikya itolo kiliti itolo ukuya gwa lubātiko lumo, pamo ukwīngila ku kibugutila kya kindukimo. Bwīpūti . . .

⁵⁴ U bupoki bwa Kristi bukaya kibugutila kimo. Ubwēne bukaya kwīngila ikindukimo. Ubwēne bo bwēndelēmo bwa bwītūgalilo.

⁵⁵ Lilino, Noa ātwālāga iki umwēne āyobelaga ngapo. Umwene alinkuti, “Gukuya ngapo u mōgēsyo ugwa bulōngi pa ngulilo iyi inniongafu. Kangu Kyala isakōnelelāga ukufuma ku myānya, ifula, kangu Umwēne isakōgēsya i kisu kyōsa.” Kangu akabōmbāga itolo kila umwēne, lōli umwēne ātēndekāga i njila ya kubopelamo nu kubasūma abāndu ukwisa ku yēne. Loli abene balinkusita kupilika ku mwene.

⁵⁶ Loli, Noa, ukuya nsololi, āli kimanyilo ku ngulilo yila, i kimanyilo iki kyāyobeligwe u bubibi, u nyāmbāla uyu ālinogoneligwe ukuya nyāmbāla nsyūtāno; ukutēndekēsya ikindukimo, iki kula—kula kukāliko nu bukēti kulikōsa, pamo bukālīmo siku, ukuti yābagilēmo siku ukuyako imbōmba ya yēne.

Lōli iyo yo njila abāndu bikufwāna bikwīnogona umwīsyūgu. Abēne babagile ukwīnogōna isya kikīngo kya fyakugwakugwa. Kyo kinununki kya kikīngo kya fyakugwakugwa kikuyaga pakubōmba ugwe akabalilo kāko patisakuyapo ni kipiki pamo ilyālābwe pa kisu?

⁵⁷ Uswe tulinakyo i Kikingo kya fyakugwakugwa, u Nkristi alinakyo. Mumo une njobiile, u Ndungu ugu gukindile, pamo ninogwine pa buyobumo mu nsebwe, “Ikyēne kikaya Kikīngo *kyāfyākugwakugwa*, Ikyēne kyo Kikīngo *kyākugwīla-nkati*, kūko uswe tukugwa nkati mu Kyēne, ubukūpāme, na fyōsa ifya ndumbula syitu, kangu gōsa gwa moyo gwītu, kangu lyōsa lya linogōno lyitu, mwa Kristi, i Ngalaba ya Kyala ya buponesyo.”

⁵⁸ Lōli, Noa, ugwabunyenemusi, inogoneligwāga mu lisiku lila, ukwisila mu butoyofu bwa bulūmbilili, nu kubōmba

i kimanyilo pankyēni pa bāndu, ukubapa abēne ukusoka, alinkukemela i kīsu. “Alinkutobesya i kīsu, ukwisila mu kuyēnga i ngalaba,” akabalilo kāko gakālīko na mīsi nagamo kuli iyēne ukwēlēlāmo. “Umwene ātobīsye i kisu,” i Bangeli lyāyobile, Bahiburi, untu gwa 11. “Umwēne ātobīsye i kisu nu kupoka i nyūmba yāke mwēne, ukwisila mu kwītēndekēsya,” kangi ukuya kimanyilo kya Kyalā, ikya bulōngi ubu bwisaga bwa lisiku lila. Kyo kindu kyalwimikonki!

⁵⁹ Ifyinja fyapankyēnipo, pala palinkwisa ikimanyilo ikingi. Uyo aali Mōse, u nsololi. Ikyo kyaali kika kya Kyalā kwa Israeli. Abēne bāli fyīnja bamia bana mbupinyigwa. Kangi Kyalā ātendekisye ikimanyilo ku bēne, itolo bo lukīsa u lubāngo. Kangi umwene aali kimanyilo kya lubāngo lwa Israeli, kangi ikimanyilo kya bulongi ku Igupti.

⁶⁰ Noa aali kimanyilo kya lubango kwa bandu bake, kangi ikimanyilo kya bulongi ku kisu ikitagigwege, unsitakwitika. A mīsi galagala aga galakīlisye i kīsu nu kumilwīsyā i kīsu yāli yo njila yēne ya kupokela Noa. I kindu kyene iki kyabagile ukumpoka umwene kyaali bulongi.

I kindu kyēne iki kisakupoka i Kipānga umwīsyūgu bo bulongi, Kyalā ukwāla u bulōngi ku lugelēlo.

Loli Noa alinkulumbilila kilakila. Umwene alinkuya kimanyilo.

⁶¹ Kangi lilino Israeli, bo-fikīndīle fyinja abamia bana, abene balinkwanda ukukūta kuli u lubāngo. Kangi Kyalā atikwīsetulamo siku Mwēne nu kwīnāngīsya Mwēne mpaka abāndu Bāke bītendekisye ukwambilila iki Umwene ikunāngīsya.

⁶² Lilino, o, kyo kiliku iki kibagile ukuyobigwa palapala pala, linga ikylene kyaali, mumo fikuti Kyalā akilekīle ikisu iki bwasi! Abēne bamēnye kanunupo. Ikalatasi sya nōngwa sifumwīsye ikyēne, ukusyūngutīla kangi ukusyūngutīla kangi ukusyūngutīla. Ifimanyilo fya Kwīsa Kwāke fitwālīgwe. Kangi abēne kingikingi bikubūka mulamula nkyēne kifwēne abēne bikusūla ikyēne. Abēne bo basita kulēya kulikōsa. Uswe tuli kubumalikisyo.

⁶³ Kyalā ikutuma itolo abasololi Bake akabalilo kako abandu bikulonda u nsololi. Kyalā ikutuma ikimanyilo Kyake akabalilo kako abandu bitendekisye kuli i kimanyilo. Loli, ikindu ikylene kyakuti, abandu kipala... Abene bikufika ku buyo ubu abene bikulonda ifyakwīpilika, pamo abene bisakulonda fimo, “Tubonesya uswe ikimanyilo ukufuma ku Mwanya.” Loli akabalilo kako Kyalā ikutuma ikimanyilo, polelo abene batikulonda ukukipilikisya ikylene. “Popāpo ikyēne kyo kifisīgwe ukufuma ku fisige fya bamahala na bakomu, ukusetuligwa ku twāna utu twīsa kumanyila.” Abene bikukibebela ikylene, ikimanyilo.

64 Mumo Israeli abaagile ukumanya, akabalilo kako umwana ugwanaloli yula apapigwege, akabalilo kâko abêne bakêtile mmwanya kula kangî bākêtile ukwisila mu a—a kabalilo ka fyinja abêne bitûgala ngamo, “Abandu bako bisakuyaga nhesya ku fyinja bamia bana, nkisu ikihesya, loli polelo une nisakubatwalaga abene panja.” Abene babâgisénie ukumanya akabalilo kâli kifuki, kangî akabalilo kâko abene bākêtile ukuti umwana ugwanaloli apâpígwe. Ikyo, yópe u mâma na tâta, Amram na Yoshebedi, akâtilaga ingomelesyo sya mwalafyale, kangî abêne balinkumbîka umwêne mulamula pânja mu kisoko kûko i ngwîna syâlîmo; komma na yimoyêne ya syêne yâbagile ukunduma umwêne. Abene baketile kyalipo ikika, loli abene balinkukisûla ikyene. Abene bakalitendekisye ku kyene.

Kyala alinkuntwala umwene mulamula nkati nukumbika umwene mulamula mu nyumba ya Farao, nu kundeka Farao akusyeye umwene nukumpa umwene ubumanyili bosa ubu umwene âbagile ukuyanabo, ukunangisya (Kyala) mumo Umwene ikubombela ifindu, kangî polelo alinkumwêga umwêne ku lubafu-lwa-kunyuma kwa lulangalanga, ukundeka umwêne îbwe fyôsa ifya ikyêne.

65 Farao âmmanysyâga umwêne polelo. Kyala âmmanysyaga umwêne. Farao âli ni fyinja malongo mana ukumânyisya umwêne, polelo Kyala âlyêgile ifyinja malongo mana ukummanysya mwêne, ukundeka umwêne îbwege fyôsa ifya ikyêne. Ukumanyisya kwa mùndu; kangî ukumanyisya kwa Kyala.

Farao âmmanysye u mwanundumiana ukuya ndongosi, umwimilili, kuli gwâbwîte, ugwakulwa, kuli uyûngi u Farao gwakwisa uyu âbagile ukukolelela Igupti mu mabuyo gâke agapamwanya, ukubîka pâsi fyôsa ifisu ifingi nu kufipela ifyêne fihômbège isôngo kwa Farao. Loli Kyala alinkummwegela umwene ku nyuma ya lulangalanga, alinkwêga fyosa ukufuma ku mwene. Kangî alinkunnângisya umwene, mu maminiti mahano, pa lusingi ulunyeke, ukuti Umwene aali Kyala gwabumi. Kangî alinkwega ulutende losa ukufuma mwa umwene; alinkutendekesya umwene. Umwene ali kika.

66 Kyala ikulonda abandu Bake ukwiputa. Kangî akabalilo kâko Israeli âhômbigw'isôngo fiyo, mu kayîlo ka lukô, mpaka abêne bakâbagile ukubûka pabutalipo, akabalilo kâbo kâli kafwânikisigwe, kangî imisigo gyâbo gyâlâmbalêle pabutalipo ukukînda mûmo abêne bînogonelâga, polelo abêne bikwânda ukwîputa. Kangî akabalilo kako abandu bikwanda ukwiputa, polelo Kyala andaga ukupilika. Akene kâli kabalilo ka Lisyu lya Kyala ukuboneka.

67 Kangî polelo, akabalilo kako Amram kangî Yoshebedi bâketile ukuti akene kâli kabalilo ka Lisyu ukufwanikisigwa, abene babukile ku lwiputo, kwa Kyala. Kangî ikyene kyo bwila

bala babo bikwiputa yo yumo uyu ali nu nsigo, uyu yo yūyo ikwegapo i kindukimo. Abēne bo bala aba bikwīpūtila, aba babīkīgwe na Kyala ukubōmba lūlo.

⁶⁸ Uswe twāyobaga ulubunju ulu ku kigemo kya kalembusya akabalilo kāko uswe twābopelāga ukukīndamo mu nkati umbabulano gumo na fyosa bo ifyo, ukuti twīse ku kipānga. Kyālipo kyāyobīgwe isya u nnyāmbāla yumo uyu ālinakyo, ugwakubutali ukufuma kuno, uyu āgomokīle ku ku kukwesa ingambo ukufuma pápo umwene ābumbulusigwe ukufuma ku kansa. Une ndinkuti, “Ko kupelakisa kuki.”

⁶⁹ Popāpo polelo yumo āyobīle ukulāta kangī alinkuti, “Ikyo kyo kindu ikibībi ukukīnda-fyōsa ukusōkako, iki kilipo, ukukwēsa i ngambo.”

⁷⁰ Une ndinkuti, “Une mmenye ikyene. Panongwa yakuti, ikyēne kyo mōhēsī.” Kangī une ndinkuti, “Umwene yo—umwene yo setano.” Kangī une ndinkuti, “Kangī ugwe ukabagila ukukileka ikyene pene papo amaka ga Kyala gali pa ugwe.”

Une mmenye isya binitu babili mbumi bwāngu ubwākwānda, bosa babili ba abēne bālōndāga ukuya banyāmbāla ba Kyala.

Yumo mwa bēne, mbimbibi bo une nundōngolile umwēne kwa Kristi, umwēne alinkwānda ukwāsya i ngāmbō. Umwēne ākwēsāga ifuko ihano pamo ntāndatu pīsiku, itolo ukwītūgāsya kangī itolo ukwāsya yimo ukufuma pa yīngi, ilisiku lyōsa ilitali. Kangī umwene alinkugela ukwāsya iyingi, kangī i Kindukimo kilinkusita kumwitikisya umwene ukubomba ikyene. Umwene alinkwenda ukubuka ku bupīyilo, kisita kumanya ukuti a Masimbo gikukemela ifindu fila, nu kwīgūla lōsa ikipīyilo nu kugutila u mfuko mu bupīyilo. Kangī kila kilinkumasya ikyēne.

⁷¹ Kūko, umwinitu uyungi uyu ālōndāga ukuya Nkristi, kangī umwēne āgelīle ikinunu-fiyō ikyāke. Umwēne alinkukūta panja kwa Ntwa. Umwēne alinkusileka isyēne, ku milungu mibili pamo mitatu. Kangī akabalilo kāko umwēne ikwīsa ku mwēne, nkayīlo kala, umwēne āsōkilépo pa līnogōno lyāke. Kangī umwene alinkwisa ku mwene, nukwakwaga mwene panja pa lubingilo lwa kumbenu, ukutika pa kayabo ka kitini, ukufuma pa ntu gwake. Ukubopela mu nyūmba, mbimbibi fīyo, nu kukamata i ngāmbō syāke, kangī alinkukwēsa u mfuko gumogwēne bo akāli umwēne ukusōka nnyūmba a mayolo gala, itolo yimo palapala ukufuma pa innine. Muketile?

⁷² Yumo ākōlēlīgwe. “Nayumo umundu abagile ukwisa ku Myangu penepapo Tata Gwangu ikunkwaba umwene, kangī bōsa aba Tāta ambele Une bisakwisaga kwa Une.” Ngimba u kusoka kwāsanusya fiki? Ubwene bwali Bumi, kwa yumoywene. Umwene aketile Ikyene. Ugwe ukabagila ukukibona Ikyene pene papo Kyala ikusetula Ikyene. “Ikyene kifisīgwe ukufuma ku

maso, abamahala na bakomu, kangi kisetuligwe ku banike ku luko ulu lukumanyilaga.” Uko ko kutalusya.

⁷³ Amram kangi Yoshebedi amenye akene kâli kabalilo. Isala yâli kifuki ku kiboko.

⁷⁴ Kangi une ngulonda ukuyoba iki akabalilo kako une nguyobapo isya ikyene. “Ikyène kikaya umwène uyu íganíle, pamo umwène uyu ikubopa; ikyène yo Kyala uyu ikunângisya ikisa.” Uko ko kutalusya. Ikyène yo Kyala.

⁷⁵ Polelo, umwisyugu. . . O, unko iki kîngíle nubusolofu! Linga, umwisyugu, Kyala akukólíle ugwe, kangi ugwe gwalipâgwile gwimwene ukufuma ku findu fya nkísu, kangi a maka galwímíko ga Kyala gakukemesisye ugwe ukufuma ku findu fila, ugwe ubagile ukuya mundu unsangaluke ukukinda uyu ali nkisu. Balipo maelifu-elifu aba bâbagíle ukubômba ikyène linga abène bâbagíle, lôli abène bakabagíla. Ikyène kikaya kya bène ukuya nakyó ikyène. Ili lyo lisiku akabalilo kako i Kipanga kikukôleligwa panja, ukupaguligwa. Ikyene kyo kikindane, iki ikyene kyâlisibíle ukuya. Éna.

⁷⁶ Akabalilo kako abandu bikwanda ukwiputa, akabalilo kako Israeli andege ukwiputa kuli u nsololi, Kyala áli nu nsololi. Kyala ali nu nsololi, akabalilo kosa, panongwa yakuti Kyala yo akabalilo kosa kunyela kumokwène pankyeni pa bene. Umwène álinagwe u nyâmbâla yula atêndekesigwe, lôli Umwène ágülilâga abându ukubuka kukwîpûta, a bându ukulônda ikyène.

⁷⁷ Mumo kifwênemo une mbagile ukuyoba ukuti ikyo kili umwîsyûgu! Iki uswe tukufûmbwa umwîsyûgu akaya yo mmanya-luyigo, akaya u nyâmbâla uyûngi ku kipânganio kimo ikikulumba, uyu ukwêga ifibugutila fyôsa ukupângania palikimo. Iki uswe tukulondigwa umwisyugu yo nsololi atumigwe ukufuma kwa Kyala, ni Ndumi iyi yisakukemela ikisu. Kyala abagíle ukuya nu nnyambala yula, linga abandu bítendekisye kuli ikyene. Umwe mumenye iki une nguyoba. Umwène alinayo, lumo ali nu mwène pabuyobumo nkísu, lôli abându bikufimbilisigwa ukukilônda ikyène. Kyala itolo atikukanyisya ifindu pa mmilo gwako. Ugwe kufimbilisigwa ukukilonda ikyene. “Basayigwa bo bene aba bikuya ni njala ni kyumilwa kuli ubugolofu, kabuno abene bisakwikutisigwaga.” Uko ko kutalusya.

⁷⁸ Ukufuma pâpo Môse âlyâganisigwe. . . Ukufuma pâpo abându, ndigi, bâménye ukuti abène bafûmbílwe ukuya nu ndongosi, abène balinkwânda ukwîputíla. Abene balinkwanda ukwiputa kuli u Kyala ukubatumila abene u ndongosi, pamo umunduyumo ukubatwala abene panja. Kangi Umwene alinkubatumila abene unnyambala, unsololi. Kila kyali kika Kyake. Lilino, linga unnyambala uyu akali nsololi mma, linga umwène âfyúkíle mmwanya, alinkuti, “Une ne gwabwíte

gwāmahala,” u Israeli āli nu bwābūke ukwīlāmwa u nnyāmbāla yula. Panongwa yakuti, Kyala, nkabalilo kalikosa, kisita kutoligwa, ikutuma unsololi. Yoba akabalilo kamo mwi Bangeli aka kālimo siku. Ikyene kyo kabalilo kosa nsololi uyu Umwene ikutumaga na ISI SYO IKUTI U NTWA.

⁷⁹ Yópe Davidi, mwēne, unkulumba-ukukīnda ugwamahala uyu Israeli ālimo nagwe siku, kangi, pōpe, Davidi āli nsolóli. Naloliloli, umwene aali. Umwene aali nsololi, Davidi.

⁸⁰ Umwēne āgulilaga abandu ukuya ni kinyonywo mu ndumbula syabo ukupilika unsololi uyu Umwene ayaga pakutuma.

Ena, kyālipa ikibugutila iki kyāyobile abēne bābōmbīle, ikyo kikāli mma. Ikyēne kyāsisimikísye pankyeni ukuti abēne bakāli batalusye. Abēne itolo bānyenyemusigwe mu kitima. Kangi i Bāngèli lyāyobile, “Ikilūndilo ikifuluganike kyābūkile na bēne.” Ngimba ikyene kyabombile fiki? Ukutwala ulutamio panja mmatengele. Kangi akabalilo kosa, ifiswigo fikubombigwa. O, une ngunyonywa ukuti une nābagile ukutēdeka iki ikwīngila nkati, kanunu. Akabalilo kalikōsa aka Kyala ikutuma ikindukimo, kikuyapo kimo ikyamatīngo, ikyākwēgelèla kyamumbili kya ikyēne, kikubūka ni kyēne. Akabalilo kalikōsa, bwīla ikindukimo, u kwīpela-bwītiki bwa ikyēne; ikyo kikwītūgasya mula itolo kanunu na bāndu.

Loli unsololi ugwanaloliloli ugwa Kyala ikwitugala na ISI SYO IKUTI U NTWA. Umwene atisa kusókamo siku ukufuma mu Lisimbo lila linga umwene atumigwe na Kyala.

⁸¹ Mōse alimile katikati pa Lisimbo. Kyala aatile, “Une ngubatwalaga abene panja.” Umwene alinkuyoba kwa Mose, “Une ndumile ugwe ukubomba imbombo yila.” Kangi Mōse āli nu bwendelemo. Umwene ālyāgéne na Kyala. Umwene āli ni Lisyu lya Ntwa.

⁸² Inongwa iyi Kyala ikutuma abasololi yo nongwa yakuti abene bali ni Lisyu lya Ntwa. I Lisyu lya Ntwa likwisa ku basololi. Kangi linga umwene akaya nalyo i Lisyu lya Ntwa, polelo umwene akaya nsololi.

⁸³ Filipo fi filūndiko fya fyākwēgèla fyamumbili ukugela ukuyoba abēne bo basololi, mōsa ukusuluka ukukīndamo mu ngulilo, loli abene bwila bikusókako ku Lisyu lya Ntwa. Loli unsololi ugwabwanaloli ikusyāla katikati pa Lisyu. Lilino, komma ukwiibwa ikyākwāndisya kila. U nsololi ugwanaloli ikusyāla na ISI SYO IKUTI U NTWA.

⁸⁴ Yeso ātusokīle uswe mmasiku ga bumalikisyo iki kikubonekaga. Loli u—u gwambombo ugwabwanaloli, u nsololi ugwanaloli, akatoligwamo siku ukuya lulalula na ISI SYO IKUTI U NTWA.

85 Mōse alimile na Ntwa. Umwene ali kimanyilo. Umwene ali kika kwa Israeli ukuti ilisiku lya lubango lwabo lyāli kifuki, kangi umwene ali kika ku Igupti, ukuti ilisiku lya bumalikisyo bwabo lyali kifuki. Nongwa, abēne bāmīllilwe panja pala mu Nyānja Imfwāno, pankyenipo, ababwīte bōsa aba Farao. Abene baali kubumalikisyo bwa maka gābo agābwīte, kangi unsololi aali kimanyilo kya bumalikisyo bwakikolo.

86 Inogona isya ikyene, mumo u Kyala ayīlile ubukulumba, kangi ubupepe buki Umwene ikubombamo. Naloliloli, linga absitakumanyila babagīle ukupilikisya ikyēne, abamanyili babagīle. Ameni. Linga abatumwa mu fibwina fya ndipa fya Igupto bābagīle ukupilikisya ukuti yula āli nsololi ukufuma kwa Kyala, kangi isala yāli pa kiboko, bo bwīngipo buki kabagīle akāya ka Farao ukumanya ikyēne? Loli ulo lo luko ulu lutikumanya ikyene, ulo lo luko ulu lukupondwa ikyene, bwila.

87 Akabalilo kako Mōse aalimile, ikuketesya ukukinda amadirisha gala, ku bana bala ba Israeli bikukinda, kwa Israeli...kwa Farao, abene baali batumwa kangi imbwa, kwa Mōse, abene baali basaligwa bala ba Kyala. Ilibangeli liyobile, ukuti, “Mose aasalile,” alinkutendeka ulusalolwake mwene, “ukukubilwa ulufuyulo lwa Kristi, ukufyūsyā ulwēne ukuya bukabi bukulumbapo ukukīnda ifyakwīkyēla fya butulwanongwa, kabuno umwēne nu lupyānikisyo mpaka ku kyābupi.” Mōse āmēnye ukuti abēne bakāli bakanya ndipa mma; abēne bāli bāndu nu lufingo.

88 Mwēne, umwēne āmēnye iki umwēne āli. Umwēne akābagīle ukubabūla abēne. Abēne bikufimbilisigwa ukukibona ikyēne, bēne. Umwēne āmēnye, mwēne, iki imbōmbo yāke yāli, uku—uku bōmbigwa. Umwene amenye ukuti Kyala ansusisye umwene pa nongwa iyi, loli umwene alinkutoligwa ukubabula abene. Kangi akabalilo kosa aka abene bāli bafwamaso ku kyene, umwene akāsetulagamo siku mwene pabwelu, mpaka abene bikukyagania ikyene. Polelo, abene bakētīle ikimanyilo kila, kangi abene balinkukyagania ikyene.

89 Umwene alinkuti, “Une ngumpa Israeli ikimanyilo. Ega ingili iyi; yikusanusya iyene ukuya njoka. Abēne batisakupilika ku ikyo, polelo bīka ikiboko kyāko nkipāmbaga kyāko, kikwābila ikyēne pānja, ibūmbulusya gwīmwēne ukufuma ku bukoma, polelo abēne bisakwītika ikyēne. Kangi polelo, linga abene batisakupilika ikyene, ega a misi ukufuma mwa Nailo pāsī pala, onelela ikyene pa kisu ikyumu, kangi a misi gosa gisakuyaga lilopa.” Kila kyāli kimanyilo kya kīsu. Abāndu bisakwītika ikyēne. Akabalilo kako, abene aba bitendekisye ukwambilila ikyene bisakwītika ikyene akabalilo kako abene bikukibona ikimanyilo kya Kyala kikwenda, loli ikisu kikufimbilisigwa ukuya nakyo ikindukimo ikikindane. Popāpo, Umwene ikupa ikyene kyōsa i kimanyilo.

⁹⁰ Kyala ābōmbile u mūndu, u nyāmbala umwīyīsyē, u nsololi, ukuya kimanyilo kya bumalikiyiso bwa kayilo ka kikolo kala pāsi pala. Kyala, tutumila uswe uyūngi yula. Fyusyila mmwanya uswe uyūngi yula. Linga abāndu ba Kyala bābagile ukubūka ku kwīputa kuli bo ikyo, Umwēne āngāli ikumfyūsya umwēne mmwanya. Ikyene kyo, a bandu bikufimbilisigwa ukufika nu nsigo gula. Abene bikufimbilisigwa ukusumuka. Abene bikufimbilisigwa ukusyagania. Abēne bikufimbilisigwa ukumanya lyo lisiku nki uswe tukwītūgasyāmo, kangi ko kayilo kākī ko katusyūngutīle uswe, bo bakāli abēne ukusumukamo siku mmwanya.

Ugwe kwisakukīndililāga mulamula nkyēni itolo ngati ugwe bwīla gwābōmbile. “Mbagisēnie ukuyēnga i nyūmba imbya ikyīnja iki. Une mbagile ukuya ni ligali ilinunupo ukukīnda abaJones. Une mbagile ukubōmba *iki*.” O, fingi fiyo pa *iki*! Akabalilo kako umwe mukusyagania, sikaya ni mbombo. . . Isyo syo syosa silikanunu. Loli ugwe kufimbilisigwa ukusyagania, nkundwe, ukuti ikindu kyosa iki kisakupyutigwa.

Yeso alinkuti, “Komma ukuntula umwene uyu abagile ukugoga umbili,” i bomu lya Russia. Komma ukuntula umwene uyu ābagile ukusanusya u mbili ugu mu lufumbi lwa butēke bwa kisu, mu maminiti manandi, “lōli ntīla Umwēne uyu abagile ukusanusya umbili injila yila nu kukutāga u mōyo gwāko mu gehena.” Ikyo kyo ikyēne.

⁹¹ Mumo ne nāyobelāga ku ngānga, panja nkipatala akabalilo kākō u māma gwāngu āli kula, umwēne āyobāga isya mūmo u sayānsi āyīlile ubukulumba, ukubōmba pa findu ifikīndāne fya mbili, nukubīka u nkota mu gwēne, nukukēta nongwa ya fiki ugwēne gubagile ukugoga akambakasya kamo, nu kupoka ubūmbi bwa luyūngu. Une ndinkuti, “Ikyo kyo kinunu. Ikyo kyo itolo kinoge.” Une ndinkumpilikisya umwene pa kabalilo. Loli une ndinkuti, “Dokotala, ikyo kyo kinunu. Une ngupalisya ikyo. Ikyo kyo kinunu fiyo. Une—une naloliloli ngupalisya kwa Kyala panongwa ya ikyo. Lōli, kēta, ugwe kutāga ubūmi bwāko bōsa pa kugela ukukyāga ikindukimo pa kipeligwa. Lōli nongwa ya fiki komma akabalilo kamo kikwīnogōna isya Ywāni āpelīle ikyēne, Ywāni ātēndīke ikyēne, Ywāni yo Mpeli gwa ikyēne? Kyala yo Ntendekesi gwa ikyēne.”

Bo bukulumbapo bulinga yo Mpeli ukukīnda i kipeligwa iki Umwēne ātēndīke! Nongwa ya fiki uswe tukubīka ulusisimikisyo lwīngi fiyo pa kipeligwa, akabalilo kako uswe tutikwinogonaga isya Mpeli Uyu āpelīle kumwanya na pasi, kangi āpelīle umbili nu bumi? Umwene abagile ukubongotola ikyene akabalilo kalikosa Umwene ikunyonywaga, panongwa yakuti ikyene kyo Kyake.

⁹² Iki kikwisa ukuya kindu ikinunu fiyo, ukubomba pa mbili gwa bundu. Uswe tukupalisya ikyo. Abēne babagile ukusāmīsyā

i kisige, ukufuma ku mündu yumo ukubūka ku nnine; ukwēga utugoye utunini utunāndi tula, kangi ukwēga i kisige ukufuma mu mbako ya mündu nu kubīka ikyēne pamwanya nkati mu mbaka ya mündu uyūngi, kangi u nnyambala yula abagile ukukéta ukufuma ku kisige kila. Ikyo kyo kinu kinunu.

⁹³ Ukwene kwalisibile ukuya, linga u māma, akabalilo kako umwene ayaga pakupāpa u mwāna, kangi u—u mwāna akābagile ukupāpīgwa, umwēne āli—umwēne ātēndigwa bo lula, ukuti umwāna ākābagile ukupāpīgwa, bōsa-babili, bāfwāga. Uko ko kutalusya. Loli ugwe kipala ukupilikigwāmo siku isya ikyene, ikyene kyāli kikindane, lumo nasiku. Loli umwisyugu abene babagile ukumwega u mama yula ukufuma pāpo umwene ali mbwitugasye bwa kuya nu mwana, kangi līnga i . . . akabalilo kāko u māma napōpe akāli kifuki mu—mu kabalilo ka kupona, umwēne . . . abēne babagile ukwēga u māma yula ku kyūmba nu kumpa umwēne akanini akasililisyā, nukusōsyāpo u mwāna yula, ukuya nu bupāpīgwe bwapaliposa, ukwega u mwāna. Uswe tukupālisya ikyo.

⁹⁴ Mbula une ikipāngānio kimokyene. Ugwe kwīmika u mpopi pānja pala pabuyobumo, pa lupāngānio lwa mīsi ulu nkāya, kangi kētēsya iki kikuboneka ku mpōpi unnywāmu. Ugwe kupufula ugwēne pānja.

Lōli, pōpe, uswe tubagile ukutumulako i kilūndu, ukutumula u lukōngi, kangi, ni kīka kya Kyala, Umwēne isakukilania i lilopa lila injila iyīngi, nkabalilo ka sekondi, nu kubopesya ilyēne ukusyūngutīla injila yimo iyīngi ukupoka ubūmi bwa mundu yula. Ngimba ywani abagile ukubomba ikyo? Mbula une.

⁹⁵ Tumula ilipīpa lya lilopa, tumula ulukīndi ulunywāmu pānja apa pabuyobumo mu mīsi, akabalilo kāko agēne gikutūyanika ukufuma ku mpopi. Ngimba ikyēne kisakubōmba fiki? Gela ikyēne kamokene nukusyāgānia iki kikuboneka. Yikayapo ni njila iyīngi iyakulanisya. Ikyēne gikufūmbilisigwa ukupufula ukugomokela ku mpopi.

Linga Kyala akātēndike i njila kuli ililopa ili ukukilanisania lyēne, mbimbibi, ukugomekela kumkwēne ku ndūmbūla kangi ugwe uli mfwāno. Akabalilo kalikōsa ugwe kwīngisya ulōbe lwāko, ubwēne bwāli bufwe, mbimbibi. Akabalilo kalikōsa ugwe kutumula pabuyobumo, ikyo kyālīgwiile lōsa ilipīpa lya lilopa pamo ikīndukimo, ubwēne bukuyaga bufwe, mbimbibi. Tumula u lōbe lwāko, ugwe kuyaga mfwano. Ikyo kyo kyosa. Ikyēne kikupūtāga itolo ukugomokela mu ndumbula yāko kangi. Ikyēne kikukugogaga ugwe. Lōli Kyala . . .

⁹⁶ Lilino, uswe tukwinogona ikyene kyo kinunu. Uswe tukwinogona ikyene kyo kinunu. Kangi uswe tukupālisya mūmo sayansi yābōmbīle, abēne babagile ukupinya imipīpa gila nukukyūnga igyēne ukufuma ku kusōk'ililopa. Ikyo kyo kyōsa kinunu. Lōli Ywāni āli yo Yula Uyu ātēndekīsye kila?

Muketile? Uswe tukukēta kyōsa pamwanya pa kipeligwa nukwibwa u Mpeli gwa ikyēne. Muketile? Uswe tukukēta ifindu ifyakipeligwa, nukwibwa i—i kindu ikyamwambepo. Ikyo kyo iki uswe tukubomba.

⁹⁷ Lilino, abasololi ba Kyala, abene bo. . . abene bali ni Lisyu Lyake. Iyo yo nongwa abandu bikwitika abene.

Iyo yo nongwa Kyala āyobīle kwa Mōse, Umwēne āyobīle kunyuma kula mu Bwāndilo, mwīngi, mu Kusōka, injila yōsa ukukīndilīla, “Linga alipo yumo pakati pa umwe, uyu gwamwambepo, pamo nsololi. . .” “Lilino ngimba uswe tukumanyaga bulebule ifindu ifi?” Umwene alinkuti, “Akabalilo kako umwene ikuyoba ikindukimo kangi ikylene kikwisa ukuboneka, ikuyoba ikindukimo ikingi, ikylene kikwisa ukuboneka, polelo itika ikylene.” Muketile? Ikyo kyo kimanyilo.

⁹⁸ Polelo Umwene ikupa i Lisyu Lyake, komma ku balongosi, komma ku balagili-abagāsi, loli ku basololi. Khrushchev akaya kimanyilo ku kīsu. Umma, nkulumba. Hitler akāli kimanyilo ku kīsu. Loli pa buyobumo, kubuyobumo, u Kyala alinayo unsololi ugwakwiŷyisa ikugulila pa sala yila. Umwene yo kika. Umwēne yo kimanyilo iki kīsa kukemela i kīsu kangi isakupoka i Kipānga. U nsololi!

⁹⁹ Eliya aali kimanyilo mu lisiku lyake, unsololi Eliya. Ku i. . .

Umwene aali yo nsolo- . . . umwene aali kimanyilo kya Lisyu lya Kyala, bulongi ku Igupti kangi lubāngo kwa Israeli, linga abene baalondaga ukummwitika umwene.

¹⁰⁰ Ilisiku ilyabonangi lila ilya Eliya, akabalilo kako Israeli gvesa abūkile nyuma kwa Kyala, abene bagomokile ku butulwanongwa. Abēne bālibwībwe ulubātiko. Abēne bālibwībwe isya kuya balōngosígwe na Kyala, kangi u Yehova unkulumba uyu āligwīle i Nyānja Ingeseŷu, kangi ābatwēle abēne pānja pa Igupti, kangi u nsololi unkulumba ngati Mōse nkati mmyābo. Abēne bālibwībwe ikyēne.

Uswe tukwibwa ikylene. Umwe baMethodisti mukwībwa Yohani Wesley. Umwe baLuteri mukwībwa Martin Luteri. Umwe baBaptisti mukwībwa John Smith. Bīngi ba uswe tukwībwa Charles Finney, unkīnde gwa bōsa ba bēne.

¹⁰¹ Ikyēne kiyobīgwe ukuti malongo-mahano-na-bahano-na-babili mwa mia ba bapīndūki ba Finney bākolēlile losa. Malongo-mahano-na-mabili-na-bahano-na-babili mwa mia ba baMoody bāgomokīle nyuma mu kyīnja kimokyēne. Kangi ikya Wesley, ikibugutila kya bwikemo, ikylene kyali kingikingi ukugomokela-nyuma. Loli Finney āli na malongo-mahano-na-mana-na-bahano-na-babili mwa mia. Unnini, unnāndi, unsekele, u miana gwakipala panja pa kigemo nukukēta ukukilania ikilundilo kila, bo *lula*, kangi abanyambala balinkusilika, panongwa yakuti umwene alitugesye mmatēngēle ilisiku limo mpaka u Mbepo Mwikemo alinkwega ukunkolela

umwene. Umwene abombile. Umwene ali kimanyilo ku bumalíkisyo, ukufwana ifyinja bamia babili ifi fikindilepo, ulwa lusasanio lula ulu Wesley na bala báli nalo, nu bulongi bukwiisa nkyēni.

¹⁰² Umwēne āli kimanyilo, yila ingulilo ya butulanongwa. Kangi mumo Eliya ābagile ukwima pala, gwabukifu nu gwakwīyūla, pa mwene, nayumo nu mwene, loli umwene āli kimanyilo kya Kyalā.

Abāngi ba bupūti bōsa bābūkile na Ahabu, mu njila ya bulililino. Abēne bāfikilepo ukuya balililino mu ngulilo yila. Lōli mūmo ugwaiyolo Ahabu, pamo, ugwaiyolo Ahabu, na bōsa bwa bukabi bwāke ubukulumba, kangi ikyēne kyātwēle kyōsa kya kipānga mu Kikatoli- . . . , pamo, komma Kikatolika, lōli kifuki i kīndu kilakila, mu bwīputa-fifwāni. Ābatwēle abēne mu buyo būbo abēna báli mwālwe-mwālwe. Bamo bābagile ukwīpūta injila *iyi*, kangi itolo ubwābūke, “Ugwe ubagile ukubōmba kalikōsa ugwe kulonda.” Kangi ukufika mu lukō lula ulwa bwitugasye.

¹⁰³ Kangi mumo fikuti u Eliya ālimile pala, nkifu, na ISI SYO IKUTI U NTWA. O Kyalā, tupapo uswe abanyambala bo bala. Umwēne akātīlāga ukumbula Yesebeli isya kayīlo kāke. Umwēne akantīlāga Ahabu mma. Umwēne akātīlāga ukuti umwēne āli nsobi. Umwene ālimile nu bukifu, nukusegelela kwa Ahabu, nukuti, “Nayimo ni ndungwa yitisakugwa mpaka une njikolelege iyene.” Ameni.

¹⁰⁴ Ngimba umwene aali fiki? Ikimanyilo ku ngulilo iyabutulwanongwa yila. Ngimba Israeli aketile ikyene? Umma. Abene balinsekile umwene, balinkummugila umwene.

Umwēne ālagwīsyē ukuti kula kwisakuyaga u lūmu, ukuti kula āngālī kukuya—kula āngālī kukuya lutamio, njala, bususilwa. Kangi umwene āsolwīle nubukifu, imile pa mwene, na ISI SYO IKUTI U NTWA. Alinkuti, “Ntwa, abēne babagogile bōsa ababwānalōli mya. Abēne babagogile bala bōsa mya. Une ne mwene ntiga uyu asyele, uyu imile ni Lisyu Lyako.” Ngimba u lutamio lwa fiki? I Lisyu lya Kyalā. Eliya ālōndāga ukwitugasya ni Lisyu. Umwene āli nsololi gwanaloliloli.

¹⁰⁵ Abasololi abangi bāyobile, “O, ena, ikyene kitikupela ubukindane ubunywāmu mma. Yehova atikupasya, umwe mumenye.”

Yehova nalōli ikupāsya. Ikyene kibagisenie ukuya Lisyu Lyake. Kangi Eliya ālimile nubukifu pa Lisyu lila, na ISI SYO IKUTI U NTWA. Kyalā ālīmpēle umwene isyakubutitu panini, i lisiku limo. Umwene alinkuti, “Une ndinabo maelifu mahano-na-mabili, Eliya, aba ugwe gwe nketi ku bēne, panja apa. Abene bakaya nubukifu ubwakufwana ukwisa panja nukwiyobela ikyene. Abene bikwifisa ukusyungutila mu sīngi. Loli, palema, mu ndumbula syabo, abene bo babombambombo Bangu. Abene bakafugama ilifundo kwa Baalim. Abene bikutiila ukubomba

ikyene. Loli, une ngukupa ugwe ikimanyilo, kangi ugwe uli kimanyilo. Ima panja pala, kangi ima pa Lisyu Lyangu. Une ngukupakikisyaga ugwe. Bapapo abene ikimanyilo.” Aleluya!

Kyala, tutumilaga uswe ikindukimo bo ikyo, ywani ikuyaga kimanyilo kya Lisyu Iya Kyala. Kangi u lufingo lulilōsa Kyala āfīngile lwisakutūligwa mu mūndu yula, 'nongwa yakuti umwēne yo kimanyilo, i kimanyilo iki kībibīgwe.

¹⁰⁶ O, abene binogonaga, panongwa yakuti Ahabu aali mwalafyale unkulumba kangi ifisu fyosa filinkuntula umwene, kila kyali kinunu ukufwāna. Loli Eliya aali kika kya Lisyu. Uyo yo nsololi ugwabwanaloli, ikika kya Lisyu. Polelo akabalilo kako umwene ayege kika kya Lisyu, abene balinkusita ukumwitika umwene. Abene bakalinafyo ifyakumbombela umwene.

¹⁰⁷ Umwene aali kimanyilo ku mfwilwe, akabalilo kako Kyala antumege umwene ukufuma pa Kyamba Karmeli, ukufuma pa...kumwanya ku kisoko Keriti. Alinkutuma umwēne pāsi pala, ukufuma kukulīsigwa na bakihōbe, kangi akasōko kala kalinkūma lōsa. Umwene alinkubuka kula ku nyumba ya nkikulu umfwilwe uyu. Bo buyo buki undumbilili ukubukako! Loli umwene alinkubuka kula panongwa yakuti Kyala ālimbulile umwene ukubuka.

Loli Umwene alinkubuka kula, alinkuti, “Une nundagile umwene ukukulyesya ugwe.”

¹⁰⁸ Umwene abagisenie ukuya kika. Umwene abagisenie ukuya kika. Akabalilo kako, umwene ali panja pala, ali nu bufu ubwakufwana ukutendeka akasyesye kala, kangi umwene nu ndumyana gwake alinkulya akene. Akapake akākufwāna uku...Kangi utufuta twākufwāna nkipake, ukutēndeka akanini akapīmba, ukubūka na kēne. Umwene alinkuti, “Une ndi panja apa ikusala imbabu sibili.”

¹⁰⁹ Pa lula ulwalutēnde, ulupyāno, ulwamūlo ulubūnju akabalilo kāko unkāngāle ugwambuha-nkisyo umwīnitu, gwa nywīli-syambuha sikusuluka pāsi pa nyuma yāke, alinkwenda panja pala, kangi untu gwake ugwakipala gukumulika, akwīgemekēsya pa kipata, alinkuti, “Ndwalila une utwisi utunini,” kangi alinkuti, “palubafu, ndwalila une akamomosela ka kākulya nkiboko kyako, akasyesye.”

¹¹⁰ Umwene alinkuti, “Une ngaya nu bufu ubwakufwana. Une ndi panja apa lilino, ukusala imbabu sibili, ukutendeka akasyesye akanini kuli mwanundumiana gwangu. Une ndinako itolo akākufwāna ukutēndēka kamokene kuli umwēne na une. Uswe twisakulya akēne nu kufwa.”

¹¹¹ Umwene alinkuti, “Komma ukutila, kabuno, ISI SYO IKUTI U NTWA.” Uyo yo nnyambala uyu uswe tukulondigwa. Akāli mma, “Lilino, ikyene *lumo* kikuboneka, kalumbu. Ikyene *kibagile* ukwisa ukuboneka. Une ngamanya.” Umma, umma. Eliya āli nsisimikisye. “ISI SYO IKUTI U NTWA. Indeko yila

yitisa kumalika, napamo akapake kala ukukamuka mpaka ilisiku ili Kyala ikutumaga ifula pa kisu.” Ameni. Mwaketa lelo umwe. Ikyyo kyabagile ukuya kimanyilo kyakufwana nu mwene.

¹¹² Umwene ikwimilila ikipanga umwisyugu. Bo Eliya asyele nu mwene pa kabalilo kanini. . . Umwene ali nu ndumiana unnini. Umwene alinkuya mbine. Ububine bwake bwali bunyali fiyo mpaka gukalimo nu muyi nagumo gwasyele mu mwene. Umwene alinkufwa. Polelo umwene alinkubomba fiki? I kipanga kitalile kiketile ifimanyilo ifyo. Loli, fiki, mbimbibi linga ulutamio lukwisa, mbimbibi umwene ikulonda ukuleyela i kipanga kuli ikyene. Umwene alondaga ukundeyela Eliya. Umwene alinkuti, “Ugwe nnyambala gwa Kyala, lilino ugwe gwisile kuno kukukolela imbibi syangu ku bukumbukilo bwangu nukwega ubumi bwa mwanundumiana gwangu.”

¹¹³ Eliya alinkwega u mwannundumi ana yula, alinkubuka mmwanya mu kyumba kyammwanya kuko umwene agonaga mmwanya mula, alinkundambalika pa kitala kyake mwene, ukwibalula mwene pamwanya pa kene, alinkuti, “Ntwa Kyala!” Aleluya! “Tuma gomokesya u moyo gwa ndumiana uyu.” Kangi u mwana yula alinkusumuka.

¹¹⁴ Umwene alinkukega akene ukugomokela pasi. Unkikulu yula alinkuketa u mwana, kangi polelo alinkuketa kwa umwene, polelo umwene amenye ikindukimo kyali pala. Umwene alinkuti, “Na iki une mmenye ukuti i Lisyu lya Kyala lili nkanwa mwako.” Ameni. Umwene ali kika ku mfwilwe yula. Akabalilo kako umwene aketege a maka ga Kyala, Uyu ikupela ukuya mumi pamo abagile ukungoga, ukufyusa u mwana gwake ku bumi, umwene alinkuti, “Na iki une mmenye ukuti ugwe gwe nnyambala gwa Kyala.” Umwene amenye ikyene.

Ifikolo umwisyugu fikuseka ku kyene, mumo abene babombile akabalilo kala. Abene balinkutoligwa ukwitika ikyene. Loli unkikulu yula amenye mbukindane. Umwene ali kimanyilo lula, kabuno umwene ali kimanyilo, ukusyusa unfwe gwake ukugomokela ku bumi. Polelo abasololi bo bwila fimanyilo fya Kyala.

¹¹⁵ Akabalilo kako Eliya polelo akolile ku bubonesyo, alinkuti, “Linga Kyala yo Kyala, mbombela-imbombo Umwene. Linga Baala yo kyala, mbombela-imbombo umwene.”

Ngimba ikyyo kikabagila ukuya lisiku ilinunu kwa Eliya umwisyugu? Linga indyali yo kyala, mbombela-imbombo ikyene. Ngimba uswe tulinakyo fiki mu ndyali? Ngimba uswe tubombile fiki? Uswe tukaya nakyo nakimo loli ikibugutila kya bubole. Uswe tukaya nakyo nakimo.

Loli uswe tutagile kilikyosa, kifuki mwangu aligwesa uswe tuli nabo, ukwisila ifisu. Apa, undungu ugu gukindile, ukutaga i fisu fibili pamo fitatu ukongelelipo ku kikomyunisti. Uswe tukusongesy'isongo a bandu nu kwega i hela syabo, nu kutuma

iyène ukukilania kula ukulyēsya abāndu bala bābo bikusanukila ku kikomyunisti mbimbibi bo abēne bikufikapo ukwiyēnga mōsa. Ikyene kyo busyobi. Uko ko kotalusya.

¹¹⁶ Uswe tukwikōléla ukuya Bakristi. Unko uswe tuyege bo baKristi, polelo, komma ukwisila mu kulyesya abene ifindu bo ulo. Ikyo kili ni kinini fiyo ikyo kyo—ikyo kyo. . . U mūndu gwapalipōsa unnunu-ndūmbūla isakubōmba ikyo. Ikyo kyo bwīputipūti. Ubo bukaya bupoki.

Abāndu bīngi fiyo bikwēga ubupūtiputi nu bupoki fifuluganikēne mōsa. Ubwīpūti ko kulyēsya abafwīlwe na balondo, na fyōsa bo ifyo. Ubo bo bupūtiputi. Lōli u bupoki ko Kupāpigwa ukupya, ukuya mpāpigwe kāngi. Ikyo kyo kikīndāne. Ubwīpūti, Gwamuhamadi ko bwīputipūti. Bulipo ubwīpūti bwīngi.

¹¹⁷ Lilino, pamwanya pa Kyamba Karmeli, ilisiku lila akabalilo kako umwene ikukolela ububonekesyo, kangi umwene alinkunkōlela Ahabu na maelifu ga bapūti aba bālingile ku tempeli ya fipanga-fipāgūke fyābo, umwene alinkubakolela abene pamwanya pa Kyamba Karmeli, alinkuti, “Isaga kuno. Nyagaga une apa. Une ngwimikanaga ni kibugutila kyosa.” Ngimba umwene ābombile fiki? Umwene āli na ISI SYO IKUTI U NTWA. Umwene akātilaga mma. Umwene alinkuti, “Paga ingambako. Bikapo pa Baalim. Unko u Kyala uyu ikwamula nu moto ayege yo Kyala.”

¹¹⁸ Polelo, i lisiku lyosa, mpaka . . . ukufuma ku lubunju mpaka ifyakulya fyakunamayolo, abene balinkunyela pa kigemo. Abene balinkwikēka bene. Abene balinkuywega. Abene balinkulata. Eliya ālyēndile ukugomokela nu kubūka, alinkuti, “Ywēga pamwanyapo panini. Lumo umwene abukile pa bwendo bwa kuloba iswi, pamo ikindukimo. Umwene yo ali pānja ikufwīma, pamo ikindukimo.”

Namanga, umwēne āli na ISI SYO IKUTI U NTWA. Umwēne ālikutisīgwe. Umwēne āli ni Lisyu lya Kyala.

Nkundwe, kalumbu, ngimba kyo kiliku iki unnyambala aligwesa ikufūmbwa ukukinda ulufingo lwa Kyala? Kyala aayobile Umwene ikubombaga ikyene. Umwene yo Abrahamu. Umwene alinkumpela Kyala ukubomba isi Umwene ayobilepo. Umwene aamenye ukuti Kyala aabagile ukubomba ikyene, panongwa yakuti Kyala aayobile lulo.

¹¹⁹ Polelo umwene—polelo umwene alinkubakolela abene ukwisa kumwanya kula. Kangi polelo abēne balinkwikēka bēne, nu kuywēga nu kukūta ilisiku lyōsa, mpaka ku likemo lyakunamayolo. Polelo, Eliya, ketesya mumo umwene ābombile ikyene. Ikindu kyakwanda iki umwene ābombile ko kubūngulusya mabwe kalongo na mabili palikimo.

Kyala akaya mtapulanie. Fipanga-fipāgūke fikutapulania ifipanga, lōli komma Kyala.

Yumo alinkuti, “Ngimba ugwe gwe Nkristi?”

120 “Une ne gwa Baptisti.” Polelo ikyo kyo kikaya kikinda ukuyoba ugwe gwāli ngulube.

121 Yoba, “Une—une ne gwa Methodisti.” Ena, ikyo kyo kikaya kikindapo ngulube, kangi, kwa Kyala.

122 Une nguyoba, “Ngimba ugwe gwe Nkristi?” Ukuya Nkristi, ugwe kufimbilisigwa ukuya ngati-Kristi, kukyūnga u Bwakyala mwa ugwe, na Mbepo Mwikemo, bo aagwiile pa Lisiku lya Pentekosti. Komma ikitima kimo, lōli une ngusanusya u Pentekosti ugwanaloliloli. Muketile? Kutalusya.

123 “Une ndi gwa Pentekosti. Une ndi gwa Oneness. Une ndi—une ndi gwa butātu. Une ne . . .” O, mwe! Ikyo kikaya kangi mma ukukīnda ukuyoba ugwe gwāli kindukimo ikīngi. Kitikusanusya a kandu kamo kwa Kyala. Ikyo kikupāgulānia.

124 Ikyo kyo iki kyābonīke pāsi pala nkati mwa bēne bapūti. Lōli Eliya ābūngēnie amabwe kalongo na mabili palikimo, ukunāngisya ukuti Kyala yo Kyala yumoywene pamwanya pa bōsa ba abēne, alinkubūngulusya agēne lōsa palikimo.

125 Popāpo, akabalilo kāko umwēne āgatwēle agēne palikimo bo lula, umwēne alinkugoga i ngāmbāko nu kulāmbalika iyēne mmwanya pamwanya pa kigemo, pa mbābu. Umwēne alinkuti, “Lilino, ukuya nsisimikisiyi kukayapo nakumo ukusyōba mu iki, būka kanyēgēle une amapīpa kalongo-na-mabili ga mīsi.” Kangi umwene naloliloli āyubīke mmisi imbabu sila. O, Aleluya! Umwene ālondaga ukunangisya ukuti Kyala āli Kyala. Panongwa yakuti, fiki? Umwene ali na ISI SYO IKUTI U NTWA. Umwene ali nsololi. Umwene ali ni Lisyu lya Kyala.

126 Polelo momumo abene—abene bābombile i lisiku lila, linga abene bikuyoba ukuti abene bisakukusanusya ugwe ukufuma ku kipanga, abene bisakubombaga *iki*, i *kingi*, linga ugwe gōsīgwe mu Ngamu ya Yeso, kangi fyōsa ifindu ifikīndāne bo ifyo: butoyofu. Ikyene yo ISI SYO IKUTI U NTWA.

127 Mundu unganigwa, ikilo kimo, alinkuyoba kwa une, ikwīsa ukubika amaboko gabo ukusyungutila une, kangi alinkuti, “Nkundwe Branham,” alinkuti, “Une ngulonda ukukulalusya ugwe ikindukimo.” Alinkuti, “Linga ugwe ubagile itolo ukupepusya panandi, ifindu ifi fifyo ugwe kuyobelapo.”

Une ndinkuti, “Fiki?”

Alinkuti, “Fyōsa ifi ulōsyo.” Alinkuti, “Ifipanga fya Chicago na fyōsa fikukulōnda ugwe fiyo ububibi fiyo, lōli abēne bikutīla ugwe kwisa kuyobapo kila.”

128 Une ndinkuti, “Naloliloli, une nguyobapo ikylene. Naloliloli, une ngukiyobaga ikylene.”

Alinkuti, “Ena, ikyo kyo kindu kyene iki abene balinakyo ukulwana na ugwe.”

129 Une ndinkuti, “Polelo abene bakafika ukukindana na une. Une ngāli Yula uyu āyobīle Ikyene. Kyala āyobile Ikyene. Une ngusasania aligwesa gwa bēne ukwisa ukusisimikisya Ikyēne kisóbi.” Muketile?

130 Alinkuti, “Ena, ugwe uketile, ugwe—ugwe ubagisenie ukwitikisania nukutendeka ubwinitu.”

Ikyo kyo kindu kilakila iki abene bālonidaga umwene ukubomba. Ameni. Kyala atikupepusya. Umma, nkulumba. Umwene atikupepusya.

Umwene alinkuti—umwene alinkuti, “Lilino, Nkundwe Branham, une ngulonda ukukulalusya ugwe i kindukimo. Ngimba u Gwandumi gwa Ntwa...” Alinkuti, “Uswe twesa tukwitika u Gwandumi gwa Ntwa. Ngimba u Gwandumi gwa Ntwa akubulile ugwe Iki?”

131 Une ndinkuti, “Une ndikupasya iki u Gwandumi gwa Ntwa abagīle ukuyoba. Linga Ikyene, u Gwandumi gwa Ntwa, Umwene isakuyoba *Ikyo*. Lōli linga Umwēne āyobīle ikindukimo ikikīndāne, Umwēne akāli Gwāndumi gwa Ntwa.” Une ndinkuti, “Kisitakupasya iki u Gwandumi, pamo kilikyosa ikingi kyāyobile, Pauli āyobīle, ‘Palema nalinga u Gwāndumi ukufuma ku Mwanya ikulūmbilīla i nongwainunu yiliyosa iyingi kwa umwe, ndeke umwēne ayege ngunigwe.’”

132 Bāndumi na aligwēsa, kimo ikyamumbili ikindukimo ikyakwītutumula, ukuyoba isya Bāndumi. Joseph Smith, Bringham Young, kangi utubugutila utukindanekindane mosa, utwa ba Adventisti na filifyosa ifingi, abēne bikukēta uluko lōsa lwa findu bo ifyo, lōli ikyēne kyo bwīla kikukīndana ni Lisyu.

133 Lōli, Kyala ikutūla i Lisyu Lyāke. Iyēne lyo Lisyu Lyāke. Une ndinkuti, “Ilyene lyo Lisyu lya Ntwa. Naloli. Fyosa ifi une mmanyilemo siku kyāmanyisigwe kwa une nu Mwene. Une ngābukilēmo siku ku sukulu ya bunyakyala pamo sukulu. Iyene yikufumila ku Mwene.” Lōli une ndinkuti, “Kali ikyēne kyāli kikīndāne. . . Linga ikyēne kyāli kikikīndāne na Kila, une āngāli ndikwītika Umwēne. Panongwa yakuti, ilyo lyo Lisyu lya Kyala, lyo likwanda. Kilikyosa ikingi kikuyaga butungulu.” I Lisyu lya Kyala, itugasya ni Lyene.

134 Popāpo, Eliya, akabalilo kāko umwēne āmalisīsyē, umwēne alinkubūndāsya-na-misi ifisīnga fyōsa fila mōsa mwālwe, na mapīpa ga mīsi kalongo-na-mabili. Alinkōnelela ifyēne pa mwanya pa pala. Umwēne alinkusōkāmo panja pala, itolo ukuya kanunu bo umwēne ābagīle ukuya. Fiki? Kyala akabagila ukusyōba. Kyala ālimbūlīle umwēne. Umwene alinkuti, “Ntwa Kyala gwa Abraham, Isaki, na gwa Israeli, unko ikyene kimanyigwege i lisiku ili ukuti Ugwe gwe Kyala, kangi une ne gwambombo Gwako. Kangi une mbobile iki ku bulagili Bwako, panongwa yakuti ikyene yo ISI SYO IKUTI U NTWA. Une mbobile iki panongwa yakuti Ugwe gwaalimbulile une

ukubomba ikyene, panongwa yakuti ikyene kyo kufwana ni Lisyu Lyako. Unko ikyene kimanyigwege lilino ukuti Ugwe gwe Kyala.”

Kangi u Moto gwa Ntwa gulinkúgwa, gulinkulya i likemo, ifisínga ifibúndale-na-mísi, gulinkumyānda amalyālábwe, na filifyōsa ifíngi, nu kwēga kilikyōsa mya. Polelo Israeli alinkukúta, maelifu mahano-na-mabili, “Unko Kyala ayege Kyala.”

¹³⁵ Eliya, bo bumogi buki ukukēta akanini kala, akakāngàle akaboneke-kōnywa, akasekele umbili mōsa gwanginya lōsa, akangili akanini kala nkiboko kyake, akapake ka mafuta katulikigwe pa lubafu lwake, akayabo ka kipapa kya ng’osi kieniabeteligwe ukusyungutila umwene. Fiki, abene āngàli bambikaga umwene mu jela umwisyugu linga umwene ikwenda pa lukindi; loli abene bikubitikisya abakikulu ukufwala ibundu; loli abene naloliloli bakābagile ukubomba ikyo, muketile, bo *ulo*, ukusōka panja.

¹³⁶ Polelo, polelo, loli apa abene biku-. . . apa umwene alinkwisa, ukukilania pala, ukukilania ikyamba, pa ngili iyi. Lilino, Kyamba Karimeli akaya kanini—kanini akabuyo kasitakandu kītūgēsye panja pakatikati pa lulangalanga mma. Ikyēne kyo kyāmba ikinywāmu. Ikyēne kikubopa, mu luko lwa busēndāme bo *ulu*, kangi kikubopa ukufyūka ku bwa pamwanya, kangi kikukēta panja ukukilania i nyānja. Kangi Eliya na Gehazi alinkutumula injila yosa ukufyūka, pa mwanya. Kangi Eliya āgwile pa kisyo kyake pala, nu kwanda ukukúta kwa Kyala, ni nyuma yake yisyumbutusigwe ku Bwingilil’ilisuba, ukubuka ku lisuba. Ifyinja fitatu ni myesi ntāndātu, komma nukugwa ni ndungwa nayimo yāgwile. Umwēne alinkuyoba kwa Gehazi, “Buka kakēte nu kubona kalikōsa, i libīngu panja pamwanya pa nyānja.”

Imile pa kyamba iki, ukuketa panja injila *iyō*, alinkuti, “Une ndikukibona ikindu nakimo.”

¹³⁷ Umwene alimile palapala pala. “Kyala, linga abandu aba bapindwike, linga abandu aba bagomokile kwa Ugwe, linga abene bītendekisye ukusōkāpo ukufuma ku butoyofu bōsa ubu nukugomokela ku Lisyu Lyāko, polelo Ugwe gwe Kyala, ukwamula i Lisyu Lyako.”

¹³⁸ Unko une njobe ikindu kilakila umwisyugu. Ega ifipānga-fipāgūke ifi nu kubongotola ifyēne lōsa, ībwa ubukīndāne bwafipānga-fipāgūke ifi, kangi unko abāndu bīse ukugomokela ku Lisyu Iya Kyala, ku lukīndi bwa bugolosye. Une nisakusisimikisya kwa ugwe aliko Kyala uyu akāli abagīle ukwāmūla nu Mōto.

¹³⁹ Unko a bāndu bakōlèle pa Kyala. Unko. . . ? . . . bakōlèle kuli u mūndu. Unko a bāndu bakōlèle kuli u nsololi. Kyala isakumbika umwene pa buyo. Une ngusasania ifikolo ukubomba

ikyoy. Ukugwa pa kisyo kyako nukukolela pa Kyala, ukuntuma u mpoki, kangi ketesya iki kikuboneka. Itolo bōmba icyēne akabalilo kamo, Kyala isakwāmúla. Kyala akabalilo kōsa ikubōmba.

¹⁴⁰ Alinkugwa pāsi nukuyoba, “Kyala, unko icyēne kiyege umwīsyūgu. Abāndu aba akabalilo kamo bālwana na Ugwe. Abandu aba babongotwile ukubuka mu luko losa ulwa fipanga-fipaguke panja pala. Loli, umwisyugu, Ugwe usisimikisye Gwimwene. Ugwe gwe Kyala. Kangi abandu balinkuti, ‘Sopa panja Baalim.’ Kangi une ngogile maelifu ga baputi. Abene bali panja pa njila lilino, Ntwa. Fyōsa ifilwānanafyo fikīndile, utwabānde utunini utu twātupāgulāga uswe.”

U m’Methodisti ikulōnda ukwīsa ukwīpūta nu m’Baptisti; u m’Baptisti ikulōnda ukwīsa nu m’Pentekosto; ababwānalōli mu ndūmbūla pāsi pala, bala abasūbiligwa maelifu mahano-namabili. Loli abene bakabagila ukubomba icyene. Linga abene bikubomba, abene bikusosigwamo panja pa fipanga fyabo. Bamo mwa bene batikupasya. Abene bikwīsa, mulimosa. Uko ko kutalusya.

¹⁴¹ Lōli unko abēne bōsa balilatulaga ukusalana kula nu kwīsa palikimo, nukuyoba, “Uswe twisakwībwa fyōsa ifi apa ifimanyisyo na bakatekisimu, na filifyosa uswe tukubala ukufuma. Unko uswe tugomokele ku Lisyu lya Ntwa.” Ketesya iki kikubonekaga pala. Kyala isakusumusyaga abene nsololi, Umwene naloliloli isakutwalaga, ikyo kisa kutwala Ikyene palapala ku bene, linga abene bitendekisye ukwambilila Ikyene. Ikyakwanda, abene bikufimbilisigwa ukwiputa. Kyala ikugulila.

¹⁴² Ngimba icyene kikaya kihesya ukuti Kyala ikulonda abandu ukuya ni kiyabo mu kyene? Akabalilo kako Yeso āketile panja pa mfunjo, Umwene alinkuti, “U mfunjo go gutonīle. Abakusukulika bo banandi. Umwe īpūta u Ntwa gwa mfunjo,” yula āli Mwēne. “Umwe īpūta kwa Ūne, ukuti Une ngutumaga abasukulika nkati ku mfunjo Gwāngu.” Kyo kiyabo kimo ugwe kufimbilisigwa ukubomba. Kyala ikugulila ku Kipanga Kyake ukunkolela Umwene. Umwene bwila abombile icyene. Kyala ikugulila umwisyugu ku bandu ukunkolela ugwambombo Gwake kukabombo. Kangi u gwambombo akabagila ukwingila mu mbombo mpaka abandu bikwiputa.

¹⁴³ Israeli akābagile ukufika nkati mwa mbombo pāsi pala, ni fimanyilo ni fiswīgo, mpaka abene balinkugwila pa kisyo kyabo nukwiputula umbāngi. Kyala āli mbāngi Gwake. Kyala ali nu nsololi itulike pamwanya pala mu lulangalanga, ālinkyūngile umwēne kula kuli ifyīnja malongo mana, ikugulila kuli abēne ukufikapo mbutalusye, u kwīpūta. Loli akabalilo kako abene bali kanunu nu kwānda ukwiputa, polelo Kyala alinkutuma umpoki.

Kyala ikubombaga ikindu kilakila umwisyugu, linga abandu babagile itolo ukwisa palikimo, ukwisa ku kwiputa. Umma ndaga.

¹⁴⁴ Umwene aali kimanyilo ku basololi abasyobi bala kangu kwa Ahabu, ukuti umwene aali ntumigwa gwa Kyala. Umwene aali nsololi gwa Kyala. Polelo, umwene yope ali kika kwa Israeli, ukuti umwene abagile ukwígála kumyānya pamo ukwígúla imyānya, akabalilo káko umwene ānyonywága. Umwene naloli āli.

Mbula une yumo abagile ukwígála imyānya, nāngìsya une yumo uyu abagile ukwígúla imyānya, panja pa Kyala. Kangu i Lisyu lya Kyala, pamo, i Lisyu lya Kyala lili na basololi.

¹⁴⁵ Mikaya, i kimanyilo kwa Yehosafat. Mikaya āli kimanyilo kwa Yehosafat, ukuti Kyala ikukyūnga u nsololi ugwabwānalòli pa kiboko.

¹⁴⁶ Lilino kētésya. Umwene āli na basololi bamia bana, Ahabu ābōmbile, kangu umwene ākōlile pānja basololi bamia bana bala. Kangu nu bwitikisano bumu abene bālimbūlile umwene. Kangu napāpo, pāsi mu ndumbula ya Yehosafati yila, u nnyāmbāla gwa Kyala, umwene āmēnye kyālipo i kīndukimo ikisobi. Umwene āmēnye kyālipo ikindukimo kyāli kisobi. Umwene alinkuti, “Ngimba ugwe ukaya nayo nayumo uyungi?”

¹⁴⁷ “Ukufuma pa bamia bana bimile pala?” Umwene alinkuti, “Aba bo basololi bosa, basololi ba Yehova.” Balipo a—baMethodisti, abaBaptisti, abaPresbeteri, aba Bumobwēne, o, mwe, mwe, Bābutātu, na lōsa u luko ulukīndāne. “Uswē tulinoba abēne bōsa apa, kangu nu bwitikisano bumu abene bikuyoba iki kyo kisu ikikulumba ukukinda iki kili. Uswē tukaya nako nakamo akakutētemesya.” Bo yu ndumiana nnini ikukub’ulufi ku mapumba, umwe mumenye, akabalilo kako umwene ali nu lutende. Komma ugwe ukupasya isya ikyo.

Alinkuti, “Loli ngimba ugwe ukaya nagwe yumoywene kangu?”

Alinkuti, “O, ena, alipo uyungi yumo apa, loli,” alinkuti, “Une numbengile umwene.” Muketile? Alinkuti, “Umwene akabalilo kosa ikuyoba imbibi isya kisu iki. Umwene akabalilo kosa ikuyoba ikindukimo ikibībi kisakuboneka kwa uswe.”

¹⁴⁸ Yehosafati alinkuti, “Une—une ngulonda ukumpilika umwene.” O, ena!

Ngimba umwene ali fiki? Ikimanyilo. Kisitakupasya isya balinga ifibugutila pamo ikipaguko, Kyala akaali ali nu nsololi uyu ikwimila ni Lisyu.

¹⁴⁹ Yehosafati āmēnye ukuti Ahabu āgunigwe, panongwa yakuti yula u nsololi gwanaloliloli, Eliya, āfumile pakuya kimanyilo ku fikolo, alinkuti, “Imbwa sisakumyānda ililopa lyako, ukwisa kuno.” Uko ko kutaluya. Umwene āmēnye ukuti Yesebeli nu

mwēne bāli ni kyēne ukwīsa ku bēne. Umwēne āmēnye ikyēne kyābōmbile. Muketile?

¹⁵⁰ Kangi Mikaya, Mikaya alinkuti . . . Abene—abene balinkwisa pala ku mwene nukuti, “Lilino, une ngukubulaga ugwe, linga ugwe kulonda ukubuka ku kibugutila ikikōnge, une ngukubulaga ugwe iki ugwe kubomba. Ugwe itolo itikisyaga ukuti bōsa abalumbilili bangi aba bali batalusye. Muketile? Ugwe umbule umwene, ‘Bukaga mmwanya.’” Kangi alinkuti, “Ugwe itikisania itolo.” Alinkuti, “Une ngukubulaga ugwe iki uswe tukubombaga. Uswe tukupelaga . . . Uswe twisakukeeta ukuti ugwe kwīsa mula nkipānganio kyītu, linga ugwe itolo kubōmbāga ikyo, muketile, linga itolo ugwe itolo kwisa kulekako pa finini fya fīndu ifi apa ifi ugwe kuyobelapo. Ugwe itolo nāngisya, būka, itikisania na bēne, būkàga nkyēni ba bēne.” Haa-haa! Ngimba umwe mubagīle ukwinogonela u nsololi ugwabwanaloli gwa Kyala ikusōkāpo ukufuma ku Lisyu lya Kyala? Ngimba umwe?

“Ena,” abinitu aba bāyobile, “loli, uswe twāyibwēne imboniboni,” abasololi bamia bana aba. “Uswe tumenye. Uswe twe basololi. Uswe tumenye, kabuno uswe twe basololi.”

¹⁵¹ Mikaya alinkuti, “Une ndikwīlamwa lōli iki umwe mwāyibwēne imboniboni. Une ndikwīlamwa ikyēne napanandi, iki umwe mwākibwene, i mboniboni, lōli ikyēne kikaya kyākufwana ni Lisyu lila.” Ameni. Alinkuti, “Une nāyibwēne imboniboni, nīne.” Ameni. O, kisa! Umwēne āli kimanyilo. Umwēne āli kimanyilo. Umwene alinkuti, “Une nāyibwēne imboniboni, kangī une nālimbwēne Israeli, ngati ng’osi, sibalaniīle pa kām̄ba, ukuya nu ntimi nayumo.”

Kangi uyu unkulumba unkētēsi, bishopu, alinkwēnda kula nu kunkoma umwēne nkanwa. Alinkuti, “Ngimba u Mbepo gwa Kyala abukege kugu akabalilo kako Umwene asokilemo mwa une?”

¹⁵² Umwēne alinkuti, “Ugwe kwisakukēta akabalilo kāko ugwe uli mm̄nyololo. Ugwe kwisakukēta.”

Umwene, Ahabu alinkuti, “Mbika umiana yula mm̄nyololo. Nswila umwene u nkati gwa busulumanie, kangī mpapo umwene amisi ga busulumanie, ukunwa.” Alinkuti, “Akabalilo kāko une ngugomokela ndutēngāno,” alinkuti, “polelo une nisakumpakikisya umwēne.”

¹⁵³ Ugwaiyolo Mikaya aalimile pala na ISI SYO IKUTI U NTWA. Umwene alinkuti, “Linga ugwe kugomokela napanandi, Kyala akāyobīle kwa une.” Hum! Ikyo kyo ikyene. Ngimba umwene aali fiki? Umwene aali kimanyilo, ukuti abasololi ba Yehova, abasololi ba Kyala, bikusyala ni Lisyu lya Kyala.

¹⁵⁴ Ugwe uli nayo unsololi uyu ikuyoba ugwe ubagiile ukōsigwa mmapalo ga “Tata, Mwanundumiana, Mbepo Mwikemo,” ikyene kyo nsololi gwabutungulu. Linga ugwe kuyoba aliko

u nsololi pakati pa ugwe, uyu ikuyoba, “Balipo aba Kyala batatu,” umwene yo nsololi gwabutungulu. Likayapo i Lisimbo nalimo ilya ilyene. Uko ko kutalusya. Loli unsololi ugwa Kyala ugwabwanaloli isakusyala ni Lisyu lila. Kangi linga imboniboni yake yikulwana ni Lisyu lila, umwene akaya nsololi gwabwanaloli ukufuma kwa Kyala.

¹⁵⁵ Nakumo, mwi Bāngéli, aligwesa alyosigwemo siku mmapalo ga “Tāta, Mwanundumiana, Mbepo Mwikemo.”

¹⁵⁶ Kēta Pauli, pamwanya pala mminyololo, a kanini, akaniongala-mbulō akaYuda, akākipāla, kalāmbalēle pamwanya pala ukutāga ifyīnja malongo mabili, mminyololo gwa Roma. Umwēne āsīmбіle abakalata aba. Lilino, ngimba umwe mukwinogona fiki abakikulu undumbilili inogonaga isya Pauli, akabalilo kako umwene ayobege, “Unko abakikulu bala bikyungege kimyemye mfipanga. Une ndikubitikisya abene ukuyoba”? Une ngwinogonela abene bābagile naloliloli ukubomba pa mwene.

Ngimba ugwe kwīnogōna bala ababishopu bīnogonāga fiki, bala ababishopu, akabalilo kāko umwēne āyobile ifīndu fyōsa ifikīndāne ifi, “Sōkāko ku fīndu *ifi* apa, kangi *iki* apa, fyōsa *ifi*, *fila*,” Pauli ukubabūla abēne? “Yo ywāni u miana uyu, mulimōsa, u miana uyu alambalele pamwanya pala mminyololo?” Loli umwene alyaagene na Yeso. Umwene aamenye ifi umwene aayobaga.

Kangi ukufuma ku kabugutila kalakala kala, ukufuma pa bufwe bwa Pauli, abēne kubumalikisyo bābūmbīle, ukufuma ku kipāmbō kila kya babishopu ni fyapamwanya, ku Lukomano lwa Nicene, kangi kila kyabūmbile ni kipanga kya Katolika, ukusōkāko ku Lisyu lya Kyala. Pala alinkwisa nkati ugwāko “Tata, Mwana, Mbepo Mwikemo.” Une ngukānikana aligwesa, paliposa, ikisu kilikyosa, ukutobesya ikyene.

¹⁵⁷ ISI SYO IKUTI U NTWA. Ulosyo ukubōmbēla amapalo ga “Tata, Mwanundumiana, Mbepo Mwikemo” bo butungulu. ISI SYO IKUTI U NTWA. Une ngulagila aligwesa gwa umwe, pamwanya kuno pamo pa tepi, uyu akalyosigwe mu Ngamu ya “Yeso Kristi,” ukōsīgwa kangi mu Ngamu ya Yeso Kristi.

¹⁵⁸ Pauli, mu Imbombo, 5:9, pamo, 19:5, alinkuti, “Ngimba umwe mwāmbilīle u Mbepo Mwikemo ukufuma pāpo umwe mwālītīke?”

Abene balinkuti, “Uswe tukamanya mma kali aliko yumo u Mbepo Mwikemo.”

Alinkuti, “Polelo ku fiki umwe mwālyōsīgweko?”

¹⁵⁹ Abene balinkuti, “Uswe tosīgwe,” loli komma mu lōsyo lwa Kikristi.

“Tāta, Mwanundumiana, kangi Mbepo Mwikemo” akaya lōsyo lwa Kikristi mma. Nayumo u Nkristi alyosigwemo siku

bo ulu, mwi Bangeli pamo kuli bamia ba fyinja ukufuma mwi Bangeli. Ikyene kyo kimanyisyo kya Katolika, kang'i komma i Kimanyisyo kya Kikristi. Nāngisya une mu i Bāngéli. Ikyene kyo—ikyene kyo busyobi. Ikyene kyo kubomba kwa misyétano.

Une ndikusanusya ukuyoba abāndu aba bōsígwe bo ulu bali mu njila yila. Kyala ali nabo a bandu bingi panja pala umwisyugu uyu akamanya kanunupo mma.

¹⁶⁰ Loli, i sala yisile, uswe tukufimbilisigwa ukugomokela ku Lisyu linga uswe tukugulila Kyala ukubomba mu lisiku ili mumo Umwene aabombile akabalilo kala.

¹⁶¹ Une ndinkuyoba kwa mama gwangu akabalilo kako umwene afwaga, bo umwene akafwa. Une ndinkuti, “Māma, akabalilo kako une nāli Nkristi, ukuya ndumiana, une ngwanda ukulondalonda nukusyagania. Une nāmēnye āliko Kyala, ukufuma ku mboniboni isi umwe mumene, ni findu ifi fyābonike mōsa ukusuluka ubūmi.” Une ndinkuti, “Polelo une ndinkusyagania i kipanga kya Katolika kyātile, ‘Uswe twe kipanga. Kitikupela ukukindana kulikosa iki i Bangeli likuyoba. Uswe tukwitika Ikyo ukuya kanunu mosa, loli, uswe twe kipanga. Iki uswe tukuyoba, Kyala ikupinya ku Mwanya.’ Kangi popāpo, polelo, abēne bikubōmba ikyēne injila *iyi*. Ugo go mbili gumogwene. Abaluteri bāyobile, ‘Abēne bo basōbi. Uswe tukwītika ikyēne injila *iyi*.’ Aba Baptisti bikuti, ‘Abene bo bosa basobi. Uswe tukwitika ikyene injila *iyi*.’ Kangi balipo abamia ba mibili igyo.”

Fiki, ugwe gwābagile bulebule ukuya nu lwītiko? Kyo kiliku kya bēne kyo kitalusye? Kilipo i Kindu kimokyene ikitalusye. Une ngākimenye Ikyene akabalilo kala.

¹⁶² Une ndinkuti, “Māma, une nāgomokile ku i Bāngéli nukusyāgānia mūmo bala abatumigwa bākwānda, lo luko luki ulwa kipanga abēne bāli nalo, mūmo abēne bāmanyisyāga, kang'i ifindu ifi abēne bābōmbile. Une nābōmbile itolo katikati i njila abēne bābōmbile ikyēne, i njila i Bāngeli lyāyobile, kang'i une ndinkufyāga ifyakukōnga filafila.” Ameni. Nhobokela ubuyobelo, lōli i—i busisimikisye bwa litapa ko kulya kula. Ikyo kyo kyabwanaloli. Ndikuya ni fyakukōnga filafila abēne bālinafyo. Ena.

¹⁶³ Popāpo, ugwe ukabagila ukuyēnga ulwītufyo mu kindukimo silipo i njila bamia bahano-na-bana ingīndāne, iya kubūka injila *iyi* kang'i injila *yila*.

Polelo une ngusyagania, kula mwi Bangeli, ukuti Yeso āyobile, Mwene, “Linga u mūndu aligwesa isakwēga i Lisyu limolyene, pamo ukwāndūla Ilyēne, mwa Būku uyu; aligwesa uyu isakukōngelēla kalikōsa ku Lyēne, pamo ukwēga kalikōsa ukufuma mu Lyēne; kilakila kisakwēgigwa, ikyo kiyabo kyāke ikya Būku gwa Būmi.” Anāngisye umwēne āli ni ngamu yāke pala, umma ndaga, lōli yisakwēgigwaga mōsa. O!

164 Uswe tukufimbilisígwa ukugomokela ku Lisyu ili. “Kumwanya na pāsi fisakumalikaga, lōli i Lisyu Lyāngu litisakutoligwamo siku.” Ena, nkulumba. “Unko ilisyu lya mūndu aligwesa liyege busyóbi. Lyāngu liyege bwānalóli,” alinkuyoba Yeso. Unko uswe tusyāle ni Lisyu. Ena. O, mwe! Ena.

165 Yehosafati amenye ukuti Kyala ikwima nu gwanalōlilōli, unsololi gwabwanaloli uyu ikwimila ni Lisyu Lyake kangi atisakuleka Ilyene. Umma, nkulumba.

166 Umwene alimile palapala ni Kyene. Abamia bana abakulumba ukulwana nu mwene, nisololi syabo, bope. Lōli ikyāke kya Lisyu lya Kyala, ni kimanyilo kilakila ni fīndu.

Kangi une nguyoba, umwisyugu, iki uswe tukulondigwa umwisyugu yo nnyambala, u nsololi, sumuka mmwanya pakati pitu, uyu isakusyāla ni Lisyu lya Kyala kisitakupāsyā iki aligwesa uyungi ikuyoba, pamo kilikyōsa ikipānga-kipāgúke kiyobíle.

167 Mikaya akāli nu lwitikisanio nalumo. Mōse akāli nu lwitikisanio nalumo. Noa akāli nu lwitikisanio nalumo. Nayumo gwa bēne, itolo, ālimo siki nu lwitikisanio. Ikyēne kyo kyōsa ukulwāna na bēne. Loli abene bo fimanyilo mmasiku amabibi pankyeni pa Kyala ikutuma u bulongi. Kangi Kyala ikwima ni Lisyu Lyake kangi ikulonda i Lisyu Lyake likyungigwe na bandu Bake. Ntufye u Ntwa.

Lilino, ukwisa ku kwīgala, ku maminiti manandi itolo lilino. Lilino pilikisya kifuki.

168 “Aalipo unnyambala uyu atumiigwe ukufuma kwa Kyala uyu ingamu yo aali Yohani,” ikimanyilo-nsololi. Bo Yeso akāli ukwisa ku kisu, ukwifumusya Mwene, Umwene ātumile u nsololi pankyeni pa Umwene. Ngimba Umwene ābombile ikyene? Umwene alinkutuma unsololi, u Eliya ugwa Ndwitikano Ulukulu, āsololigwe ukwisa mmaka ga Eliya ugwa Ndwitikano Ulukulu. Umwene ayaga pakuya kimanyilo-nsololi ukuti Yeso isaga, ukuti kukuyangapo u Mesiya ikwisa.

169 Kangi Yohani alinkusooka ukufuma ku matengele, umwene ali kika ukuti Mesiya ali pa nsebwe Gwake. Akabalilo kako Yohani ābonekile, Israeli abagiile ukumanya, na basololi babo.

Kula ko kūko abāndu bikupōndwa ikyēne. Abēne batikwitika abasololi bābo. Abēne batikwitika. “Uswe tutikwitika iki Peteri āyobíle kyāli kanunu mōsa, pa Lisiku lya Pentekosti.” Abene batikwitika ikyo kyo kitalusye. Abene batikwitika iki Pauli āyobíle, ikindu kilakila iki Peteri ābombile. Alinkuti, “Linga u Gwandumi ukufuma ku Mwanya ikulumbilila ilisyu lililyosa ilingi, ndeke umwene ayege ngunígwe.” Abene batikwitika ikyo. Muketile? Abene batikwitika ikyene.

Kangi abène bakālike abasololi bābo. Linga abène bābagile ukumanya, abène angali bamenye ukuti Yesaya āyobīle, “Lisakuyapo ilisyu lya yumo likukúta ndulangalanga, ili lisakutendekesya injila pankyeni pa Ntwa.” Abène bābagile ukumanya ikyène. Umwène āli nsololi, u nsōka gwa basololi. Umwene ababulile abene, loli abene balinkusita kwitika ikyene. Umma, umma. Umwene alinkuti, “Aliko u Mesiya ikwisa.”

¹⁷⁰ U nnyāmbála uyu āli nnyāmbála ātumígwe ukufuma kwa Kyala. O, bakundwe! Umwène akāli nabumo ubukōngésigwe. Kyala ālimpèle umwe u bukōngésigwe, akatimo akanini, itolo mūmo Umwène ābōmbile Eliya. Kyala ampèle umwene ubukōngésigwe bwāke. Umwène akakabile ubwēne ukufuma ku kipāngānio kyandyāli kimo. Umwène ālūmbilīle i Lisyu, āsyéle pa Lisyu lya Kyala, kangi Kyala ālimpèle umwene akatimo kanini. Eliya āsyéle pa Lisyu lya Kyala. Kyala ālimpèle umwene akatimo kanini.

¹⁷¹ Unnyambala uyu akaali nu lwitikisanio mma. Umwène akāli nu bukōngésigwe nabumo, nalumo ulwītikisanio, akālīngile nakimo ikipānga-ikipāgūke, akasūmile kuli nakimo kangi akātīlāga nakimo. Yula āli Yohani. Nongwa ya fiki? Umwène āli nnyāmbála ātumígwe ukufuma kwa Kyala. Iyo yo nongwa umwène ālīmīle. Umwene aali yo Eliya imile pala, ukusisimikisya ku bandu ukuti u Mesiya isaga. Umwene alinkuti, “Une ne masyu ga umwene aga gikukuta mmatengele, mumo āyobile u nsololi Yesaya. Tendekesya ukwagana nu Ntwa.”

¹⁷² Bala aba Farisai na baSaduki baliimile panja pala nu kutatikana isya jāsi syaabo ni findu. Palapala bo abène bātatikanāga nu kūmana isya ikyène, palapala mu kati mwa bēne ikwisa Mesiya, ikwēnda.

¹⁷³ Yohani alinkuti, “Kéta, pala Umwene alipo.” Aleluya! Nketesya umwene. Umwene ālīnnangisye Umwene. “Pala Umwene alipo. Umwene imile palapala pakati pa umwe lilino.”

Kifuki akabalilo kala, kumwanya kulinkulūndūma. Yeso alinkwenda ukubuka mmisi. Kangi Yohani alinkusisimikisya ubuketi, ukumbona Mbepo gwa Kyala, bo yi ngungubiya, ikusuluka. A Masyu gikukuta, “Uyu yo Mwanundumiana Gwangu unganigwa mumo Une ngwikyela ukwitugala mumo.” O, mwe, mwe!

¹⁷⁴ Yohani alinkuti, “Lilino une mbagisenie ukusuluka. Umwene isakufyūkaga.” O, yo nsololinki, ikimanyilo kwa Israeli! Ena, nkulumba.

¹⁷⁵ Umwene āli nnyambala ātumígwe ukufuma kwa Kyala, palema nalinga ugwise āli mputi. O, ena. U gwise, Sakariya, āli mputi. Ngimba umwe mwāsyāgēnie? Kyala akālītikisye u nsololi yula ukuya mfuluganike mya na fila ifipāngānio. Ugwise angali ammwegile umwene kula ku sukulu ya bubalakyala, ku *Kyakuti-*

na-kyakuti kipanga-kipāgúke ikikulumba, ukumpela umwēne undumbilili unkulumba, umwe mumenye, nu kumanyisa umwēne mōsa lōsa, kangu ukumpa umwēne ikilūndiko kyōsa kya findu umwēne ābagile ukuyanafyo. Lōli Kyala akābagile ukundeka umoyo gwāke umbwāpuligwe. Ngimba umwe mukupilikisa? Umwēne akābagile ukundeka u nyāmbāla yula ukuya mfuluganikane lōsa ni fipāngānio. Umwēne akālīgile ku kimo kya fyēne, nakimo ikiyabo, Farisai, Sadukai, pamo abaHerodi, pamo kilikyōsa ikyēne kibagile ukuya. Kyala akābagile ukwītikisa ikyēne.

¹⁷⁶ Umwene ali nu bupapigwe ubuhesya. Umwene ali mwana unswigisye. Umwene ali nsololi. U bāba gwāke āli mpūti, lōli Umwēne akābagile ukwītikisa umwēne ukuya mfuluganikano na fyōsa ifya basyōbi bābo, ubwīpūti bwa kiFarisai ni findu. Ngimba Umwene aabombile fiki? Umwene alinkummwega umwene panja mmatengele nukummanyisa umwene ndulangalanga.

¹⁷⁷ Ko kumanyisyanki! Ameni. Umwene alinkummanyisa umwene ukwisila mu kwendelamo. Ikyo kyo kinunu ukukinda-fyosa, ukumanya Kyala. Akabalilo kako umwene āsōkaga panja, umwene āmenye katikati iki ubutumigwe bwake bwāli. Kyala āsisimikise ubutumigwe bula.

Ngimba Umwene ko kugu kūko āsisimikise ikyene? Pa kisoko. Lilino, linga ugwe ubagile ukutendeka kibili na kibili. Muketile? Pa kisōko!

Alinkuti, “Une ne lisyu lya yumo ili likukūta ndulangalanga, “Tendekesya injila ya Ntwa, golosya injila Yake.”

¹⁷⁸ Yohani, u nnyāmbāla ātumigwe ukufuma kwa Kyala. Kyala akabagile ukundeka umwēne abwāpuligwe ni kyēne. Umwene amanyisigwe umwene mmatengele, ukwisila mwa Kyala. Umwene alinkummanyisa umwene komma mmasukulu gabo, komma mbufundakyala bwabo. Linga Umwēne ābagile, umwēne āngāli ikumanyisigwa lōsa ni findu ngati ugwe kwisa ukufuma ku sukulu umwīsyūgu, u luko lōsa lwa masukulu. Komma itolo u m’Presbeteri, m’Baptisti na m’Methodisti, loli i sukulu sya kiPentekosti, itolo nububibi, silisyōsa sya sila isukulu sya bufundakyala, sikubatala abēne pānja pa pala. O!

¹⁷⁹ Ukwisa Kwake, ukumbula u Mbepo, gwa Yesaya. Ukwisa, ukwisa kwa Yohani, kwāsololigwe mu Lisimbo. Yesaya 40:3 āyobīle, “Une nisakutuma untumigwa Gwāngu pankyeni pa Une, tendekesya injila,” pamo, yula āli Malaki 3. Alinkuti... Malaki 3 āyobile Umwene ikutumaga u ntumigwa Gwake pankyeni pa Umwene. U nsololi, u nsololi gwabumalikisyo, āyobīle isya umwēne. Ikindu ikyābumalikisyo iki kyāyobīgwe isya umwēne. Kumbukilaga, Buku gwa bumalikisyo ugwa Lwitikano Ulukūlu āyobīle ukuti Eliya ikwisaga ku bana ba Israeli bo kukāli ukuboneka kwa Mesiya.

¹⁸⁰ Ngimba umwe mwitendekisye? U Būku gwa bumalikisyo mu i Bāngéli, u Busetuli, ikutunāngisya uswe ukuti kwisa kuyāngako ukugomokelāga kwa umwēne mu lisiku lyābumalikisyo, ku kipanga kya Bāpanja, ikimanyilo. Mūmo abene bikupōndwa ikyene! Umwene asololigwe ukwisa kangi, bo fikāli ukwisa ubukulumba kangi Ukwisa kwakibili kwa Ntwa. Mu Kapatu-... Mwa Malaki untu gwa 4, mu Busetuli yope, untu gwa 3, ikutubula uswe ukuti umwene isakuyaga apa mmasiku gabumalikisyo. Yula yulayula, uyu ikwīmāga pakati pa bāndu, nu ntimo unnīni ugu Kyala isakumpa umwēne, umwene ikwisaga mmasiku ga bumalikisyo. Kyala ayobile mumo. Umwēne isakuyaga kimanyilo ku kikolo kya Bāpanja iki, ukuti akabalilo kāke kakayapo kāngi mma.

¹⁸¹ Kangi, kumbukilaga, akabalilo kako umwene ikuboneka pa buyo, akabalilo kali kifuki. Unko uswe twipute kuli Kyala ukuntuma umwene. Akabalilo kali ku kiboko.

¹⁸² Mbimbibi itolo bo ubutumigwe bwake bwamalike, Mesiya ālibonisye Mwene. Mbimbibi itolo bo uyu unkulumba yumo isakwīsa mmasiku gabumalikisyo, isakumalīsa ubutumigwe bwāke, u Mesiya isakwibonesya Mwene. Ikyene kikuyaga lululo. Akabalilo kali kifuki, polelo uswe kinunupo tukusumaga. Ugwe kinunupo iputa.

¹⁸³ Ikimanyilo Kyāke ikipegīgwe-na-Kyala ku ngulilo iyi kisakusimikisya ga ku iki umwēne ali. Aligwēsa isakumanya ikyēne. Kyala isakusimikisya ikyēne. Umwēne isakunāngisya ifimanyilo ni fiswīgo ngati fikabōmbigwāmo siku pa kīsu, ukwisila mu kyēne. Une ndikusanusya ukusenyenda, ukuyugania, nukuyoba mu ndimi. Umwene isakutūligwāga ni Lisyu lya Kyala, bo unnyambala uyu āli. Fiki? Umwene asololigwe ukwisa, mwa Malaki 4 nu Busetuli 3, polelo umwene ikwisaga. Kakayapo nakamo aka kisa kummwimika umwene; umwene ikwisa. Amen. Umwene isakuyaga apa. Amen. Unko abāndu bagwīle pa kisyo kyābo umwīsyūgu nukwanda ukukūta kwa Kyala, kangi kētésya iki kikuboneka. Umwe mwisakumbona umwēne ikunāngisya mmaka. Ena, nkulumba.

¹⁸⁴ Ukufwana ni Lisimbo, i Ndumi-kimamnyilo yake yisakuyaga “ukusanuka.” Ngimba ikyāke kisakuyaga fiki... Ngimba fyo fiki uswe twisa kumanya umwēne ukuya? Ngimba bo bulebule uswe twisa kumanya ikyēne yo ntalusye yula?

¹⁸⁵ Umwe mumenye, Israeli ālalūsīse kila akabalilo kamo, kula mu Kukumbusya-indagilo, untu gwa 20... ilinandi lya 20, une ngwitika ikyene kili. Umwene alinkuti, “Ngimba uswe twisakumanyaga bulebule ukuti uyu ikuyaga yumo ntalusye?”

Ngimba uswe tukumanyaga bulebule? Kyala ikutubula uswe twisakummnya umwene. Ngimba umwene ikubombaga fiki? “Umwene isakusanusya indumbula sya bāna ukugomokela ku Ndumi yapentekosti iyapabwandilo ku bwandilo.” O, mwe!

¹⁸⁶ Ikimanyilo iki kikubebeligwa, ikimanyilo ikyanaloliloli, kangi abene bikukipondwa icyene. Abene akabalilo kosa bikubomba.

¹⁸⁷ Ukugomokela ku Kipanga icyabwanaloli, i Ndumi iyabwanaloli! Umwene isakwimaga pamwēne ukulwana ni kipanga-kipāgūke, nubukifu kangi kisitalutende, na ISI SYO IKUTI U NTWA. Umwēne atisakulekako ni kipānga-kipāgūke nakimo. Umwēne isakuya nakimo icyākubōmba na kilikyōsa; ukukwāba ni ngoye nasimo kuli nakimo. Umwene isakutalulāga panja pa Lisyu, ISI SYO IKUTI U NTWA. Kyala ikusisimikisyaga ubutumigwe bwake ni fika ni fiswigo, ukukulumba ukusetula kwa Lisyu, kangi ukutwala panja ku bandu. Lyo lisiku liki lili kifuki! Ngati. . . Umwene isakwimaga bo yu Peteri na Yohani alinkubomba, panyuma, pa Lisiku lya Pentekosti.

Ukufuma pa Pentekosti, ukuti abene balisusigwe nu Mbepo Mwikemo, bosigwe pala, abene balinkwima mu mbulongelanongwa bwa Sanhedrini. Abēne bālimīle pala nu bukifu bōsa ubu bwābagīle ukwīmigwa. Akabalilo kāko, abēne balinkuti, “Uswe tukukānisiyāga umwe ukumanyisya mu Ngamu ya Yeso, kangi mma.”

¹⁸⁸ Umwene alinkuti, “Ngimba isyene ndalusye kwa uswe ukupilikisya kwa ugwe, pamo Kyala? Lōnga umwe pakati pamwibene.” Basitakumanya, basitakumanyila. Amenī. Abēne bāli basololi. Abēne bāli basololi bapakīgwe na Kyala. Abēne bāli fimanyilo fya Mbepo Mwikemo. Abēne bāli basololi. Abēne bāménye.

¹⁸⁹ Abene bāli itolo bo yu Yohani. Abene bāli pamwanya pala ku Pentekosti kangi abene bākyaģīle ikindukimo.

Abēne bakāli ngati babīngi ba balūmbilili bītu umwīsyūgu, abakwībona-pabēne, ukwitūfyā isya kyo kipāngānio kikulumba nki uswe tulinakyo, balinga uswe tulinabo mu fibugutila fyītu. “Uswe twimile ukuya kipanganio ikikulumba. Uswe tukubomba imbomba ingulumba isya ntumigwa.” O, kisa! “O, uswe tuli ni filundilo ifinyāmupo ukukinda fyosa ifya ifyene.” Ngimba icyēne kyāli fiki? Ikyēne kyo bukwābe bwāndyāli. Une ngulōnda ukupilikisya kifuki, amakōnge mabili, maminiti matatu. U bukwābe bwāndyāli.

¹⁹⁰ Naloliloli une njobile ikindukimo, amaminiti manini aga gakindilepo, umwe mumenye iki une nguyoba. Ikimanyilo iki kisololigwe. Une nkileke kyene icyene, ukukilambalika icyene mbupagato bwako. Muketile? Ena, komma mwebene apa, loli bala babo bisakupilikaga. Ikyene kili mu bupagato bwako. Bomba ni kyene kilikyosa iki ugwe kulonda. Ugwe iputa, kangi ketesya Kyala ikwendaga pa buyo. Nketesya Umwene ikufwanikisya i Lisyu Lyake. Umwene ikugulila.

¹⁹¹ Akabalilo kako ama bomu ga atomiki, kangi abandu bikutila; kangī aba ku Pentagoni, abene batikumanya

isyakubomba; ni fimanyilo fyakubutitu mmyanya, ifya nyângäbya isi sikubebeluka, na filifyosa ifi Kyala asakikisye: Akene ko kabalilo ka Eliya, (umwene ali ku buyo bumo), ukufyuka pa buyo.

¹⁹² Unko a bändu, unko akatĩmo akanini kala, bala abanini abasyāle aba Kyala isakumpa umwēne, unko abasyale abanini bala babūkēge ukubilikila panja kwa Kyala, kangĩ kētēsya iki kikuboneka. Pisakuyapo ukubonekela pabwelu kwa kikolo. Pisakuyapo a maka aga abēne bakakētāmo siku pabutasi. Ulutamio lwa icyēne lo, kabalilo aka, ukwēne kukuyaga kwĩlile fiyo ku bēne akabalilo kala. Ififigo fisakuyaga fĩgaligwe. Polelo, kumbukilaga, uswe tuli ku kabalilo kabumalikisyo. Iputa.

¹⁹³ Kēta umwisyugu iki uswe tukukōlēla ubutumigwe. Ngimba uswe tuli nafyo fiki? Lilino, bo tukwigala, une ngulonda ukuyoba iki. Ngimba uswe tulinakyo fiki? Uswe tukāya nakyo nakimo. Bamo mwa balōngōsi bĩtu abakulumba ukukĩnda, abalũbilili bĩtu abakulumba ukukĩnda; yumo mwa bĩtu abalũbilili abakulumba āyobile, “Linga une mbagile ukubāga malongo mwa mia ba abapinduke bangu aba bibānilile lōsa, ikyinja kimokyene, une nguyaga gwakupalisya fiyo.” Akabalilo kāko, pōpe kubutali kunyuma ukukinda Finney, āli na malongo-mahano-na-mana-na-babili mwa mia ba bēne.

Pauli āli na mia-yumo-ukōngelelāpo bamia, abamia ukōngelelāpo bamia. Yumo apokigwe, kangĩ, umwene aalisusigwe fiyo, nkundwe, umwene aabukile nukumbula umunduyumo uyungi; umwene aalimbulile umunduyumo uyungi; kangĩ umwene aalimbulile umunduyumo uyungi; kilinkubuka mma maelifu-elifu. Fiki? Abēne bāli nakyo ikindukimo. Abēne bāli pa Lisyu.

¹⁹⁴ Umwisyugu, uswe itolo tukwinogona isya filundilo ifinywamu. Ngimba icyene kyo fiki? Ikyene kyo kipanganio kya ndyali. Linga uswe tukwisa, undumbilili yumo unkulumba uyu isaga nkaya, fiki kikwisa pakwanda? Ikibugutila kya bandu. Linga bosa aba Methodisti, Baptisti, Presbeteri, bosa abene, abēne bikwāta akalāndiko akanini ako, abēne, “Aba babagile itolo ukulũbilila *iki*, kangĩ umwēne akabagila ukulũbilila *kila*, kangĩ umwene akabagila ukulumbilila *iki*, loli umwene abagile ukulumbilila *kila*,” ngimba ugwe uli nakyo fiki?

¹⁹⁵ Kangĩ abēne bikufyūka kula, abakikūlu. Une nguyoba isya baPentekosti. Abakikulu bikubuka nkati mula, ku kigemo, abene bikumilisya ukupepeka.

¹⁹⁶ Une bwila ngulwana nu kukōlela kwa kukigemo. Mbagile itolo ukuyoba icyene. Une ndikwitika mu fyēne. Nakimo ikĩndu bo iki mwi Bāngeli. Ngimba u mũndu aligwēsā abagile bulebule ukwīsā pēne pāpo Kyala ikunkōlēla umwēne? Ugwe ukābagila ukunkyūnga umwēne kubutali. Ugwe utikufimbilisigwa ukukolela kalikosa. Kyala ankolile umwene. Ukukōlela kwa

pakigemo yo bwinogonelo bwa Methodisti. Uko ko kotalusya. Ukukòlela kwa pakigemo, abene bikòlaga abene, bikuti, “Yohani, ugwe umenye, u mama gwako áfwile akabalilo katali aka kakindilepo.”

197 “Oo-oo-oo, ena, nkündwe, oo-oo!” Ulo lukaya lupĩndũko.

198 Apa, ikĩlo ināndi isi sikĩndilēpo, uswe twāli ni kibonesyo mu Louisville, ukufwāna nu nkĩkũlu átwāligwe nkati mu bokosi, alinkulambalala pala pa kigemo kya busikali. “Abamia ba bāndu,” alinkuti, “bopaga ku kigemo.” I Nongwainunu yikaya kyākutilisya. Iyēne yikaga kwĩpilika ukwakupelelēla-kisa. Iyēne yo lupĩndũko lwa butobesigwe.

199 Kētēsya ingomano isi, aba abalũmbilili bakulumba, kāngi namōpe mu butumigwe bwāngu ubwakwĩyisya, komma ukusōsyāpo une. Utubalilo tumo une ngwipilika ukuya gwasoni, ukusōka panja. Uko ko kotalusya. Ngimba uswe tukubombaga fiki? Ima nu kutendeka ukukòlela kwa pakigemo nukubapepeka abēne. Ukubaleka abalĩndwāna pamwanya pala, kangi bōsa bikutafunya imipulya-gyākutafunya, bikuyoba, “Muketile? Muketile? Une ngubũka. Uu-huu.” Abakikulu aba bikwisa pala, ni nywili insengigwe ni fisyo ifipakigwe, Abapentekosti, nukubuka nkati, nukwisa panja, nukuyoba abene bayobile mu ndimi. Kangi nasiku ukuleka inywili syābo ukukula, kangi pōpe ukubōmba ikindu kilakila abēne bābōmbĩle. Ugwe kumbũla une ulo lo lupĩndũko? Ikyo kyo kyũgila kwa Kyala. Bāngēli lyāyobile, “Ubwēne bo butulwanongwa kangi bukuywēlũla kuli abēne ukutumula inywili syābo.” Ngimba unkkikulu abagile bulebule ni nywili insengigwe ukuntobesya unkkikulu uyu ali ni langi pa kisyo kyake? Kifwēne itolo kipilike ikyēne. I sala yikwisa, mpaka i ndwānga yilāmbalikigwe ku misisi gya mpiki. Kangi u mpiki ngwōsa ugu gukutwāla pānka komma ikipaso ikinunu go gukutumuligwa pāsi.

200 Ngimba kitamisye fiki? Ikyēne kyāli kisobi, nongwa yakuti abĩtu abalilino, abakòleligwa-lũlo balũmbilili panja apa, ikilũndilo ikinywāmu kangi bakwĩtũfya, ifibugutila bamenye nakamo akakufwana na Kyala ukukinda u Hottentot ikubomba isya kilo kya ku Igupti, akabalilo kako ikyene kikwisa. Abene bikubuka pamwanya pala . . .

201 Bule linga abandu bala pa Pentekosti bābagile ukubũka mmwanya pala nukuti, “Lilino, Yeso átulagile uswe ukuti uswe tukufimbilisigwa ukubuka kumwanya kuno nukwitugasya mpaka uswe tukwambilila a maka ukufuma pa Mwanja. Lilino, bakundwe, uswe twāli apa amasiku lwele na limo, tutalile. Unko uswe twĩtikĩsye ikyene, nu lwitiko. Lilino, uswe tulinagwe Mbepo Mwikemo. Úswe tukusōka panja, panongwa yakuti uswe tufumile ukuya apa. Uswe tubōmbĩle iki Yeso átabũlĩle uswe ukubōmba”? Bukālĩmo siku nu bwendelo nabumo.

202 Unko une mbabũle umwe ikindukimo. Une mmenye iki kili pa tepi, lōli apa icyēne kikwisa, mulimosa. Pilikisya. Une ngukubulaga ugwe ikindukimo. Ikyene kyo soni. Abandu ukugela uku. . . Une ngālītikēmo siku ukuti u Mbepo Mwikemo āli “kuyugānia.” Une ngitikagamo siku ukuti u Mbepo Mwikemo āli “ubuketi bwa kuyoba mu ndimi, pamo ikukuta, pamo ukulalata.” Fila fyo fyakitima fyakunyenemusya. Une ngwītika u Mbepo Mwikēmo abagile ukubōmba ikyo. Lōli u Mbepo Mwikēmo yo Bwākyala ubwītūgāsye. Une ngwitika ikibugutila ikikulumba ikya bandu aba bikwiyobela ukuya na Mbepo Mwikemo, bakamanya ikindu kimokyene ikya Umwene. Ugwe kwagana na Kyala.

203 Bulebule, i Lisiku lya Pentekosti, abene balinkuti. . . Lilino, bo ba Baptisti umwisyugu, aba Presbeteri na Methodisti, Une ngusuma, “Ngimba ugwe kwitika ugwe uli ni. . .?”

204 “O, ena, uswe tukwitikisya Ikyene, nu lwitiko.” Nu lwitiko, nakimo. Ikyo kikaya Ikyene mma.

205 Ukwene ko kupalamasigwa, ugwe gwiganile ukukēta ilisuba, ugwe kwīma nukukētēsya ilisuba likusuluka pāsi, nukukuuta, kangī amasosi gikusuluka pāsi, uyu akaya Kyala, ikyo kyo kitima, ukufuma ku kindukimo iki kili mwa ugwe. Ugwe kupilika isya muntu yumo ukuya mbine, pamo umundu yumo ikufwa, ugwe kukuuta nu kulila. Ikyo kikaya Kyala mma. Ikyo kyo bwīpilike bwa bundu. Mūmo Kyala. . .

206 Une mbabwene abandu pa lukino lwa mpila, ukuya bahobofu fiyo abene bakutabula imilomo gyabo, kilikyosa ikingi. Komma ukumbula une.

Uswe tuli mu lufūmbwo lwa luyigo, ubupoki. Kangi aba kiPentekosti bikwisa ukusyūngutīla, bikwēga abāndu ukusasanigwa, nu kubabūla abēne, “Akabalilo kako abene bikuyoba mu ndimi, abene balinagwe u Mbepo Mwikemo.” Kangi bamo mwa bēne bikwitūgāsya uluko lōsa ulwa būmi, ukufuma pala.

Pilikisya, nkundwe. Pa Lisiku lya Pentekosti, icyene kikāli lūlo mma. Abene bakāsūbīlēmo siku pa ndimi yiliyosa pamo kalikosa. Bo abēne bāli kula, bikwīma mbuyo bumobwēne, mu bwitikisano bumo, Kyala alinkusuluka pāsi, naloli, pakati pa bēne. Abēne balinkukēta, pa aligwēsa gwa bēne, indapi sya Moto, kifuki ngati *ulo*, sītulike pamwanya pa ntu gyābo. Kyala āli pala. Ikyēne kikāli, “Itikisya icyēne nu lwītiko, pamo ikitima kimo.” Abene baalisusigwe na Mbepo Mwikemo, kangi polelo baasookile panja nukwanda ukuyoba mu ndimi. Loli, ikyakwanda, abene baalyagene na Kyala.

Ikyo kyo iki kyo lutamio umwīsyūgu. Abāndu bikunyenemusigwa kangī bikusasanigwa, ikitima, kangī icyēne kikaya Mbepo Mwikēmo. U Mbepo Mwikemo yo Bwākyala ubwakwitugasyamo. Amasyu gāko go Masyu Gāke.

Ngubabūla umwe, iki uswe tukufūmbwa umwīsyūgu, ko kukōléligwa.

207 Abandu bikubuka nkati, abakikulu bo bala, bukaga nkati, ukuyobela mu ndimi, ukugomokela panja. Kangi ugwe kubuka ku mabuyo gabo kuko abene bāli ni fipanga fyabo. . .

208 Une ngunyonywa Billy ālitugesye apa. Une itolo nālyambilīle kalata ukufuma pási kubuyobumo, i lisiku ilinga, kūko u nkikulu yumo āyobīle, “Une ndi gwa kimo, ikikulumba. . .” ikibugutila ikinywamu ukukinda fyosa ifya kiPentekosti, ikibugutila kya Butatu. Abene balinkuti, “Bosa abakikulu bitu, Nkundwe Branham, bosa bikutumula inywili syabo. Une nali ni nywili indali indītu.” Umwene alinkuti, “Une akabalilo kosa nāsiganile isyene, panongwa yakuti une ngwitika ikyene kyāli kya Ntwa.” Alinkuti, “Une ngafwalamo siku ifyakupakapaka. I kipanga kyitu kikumanyisa ukuti ikyo kyo bubombelo bwaīyolo.” Alinkuti, “Abēne bikumbūla une, akabalilo kāko une nāli ni nywīli syāngu syaniēngigwe mu kitumbugwa, ku nyuma, balinkuti, ‘Kētēsya, ugwe uli ni tāyāla ilyōke pa nyuma,’ kangi fyōsa bo ifyo. Balinkuti, ‘Ugwe upīmbile ilyōke—ilyōke ilitāyāla pa nyuma ya mutu gwāko.’” Kangi alinkuti, “Kubumalikisyo, undume gwangu alinkuti, ‘Nongwa ya fiki ugwe utikutumula inywili syako nukuya bo aligwesa gwa bene?’”

Lilino une ndinagwe u kalata ikugomokela ku mwēne.

Umwene alinkuti, “Ngimba ikyene kili momumo? Une mbilike yimo mwa matepi gako, u losyo lwa Kikristi lula luli mu Ngamu ya Yeso Kristi.” Lilino, umwe mumenye iki umwene ikuyaga pakubuka. Bule umwe? Umwene alinkuti, “Mbula une, Nkundwe Branham. Une ngwil’injala. Une ngulonda ukumanya iki une mbōmbīle.”

209 Une nguyaga pakuyoba, “Isoni pa yula ungomokela-nyuma undume gwa ugwe. Na kila ikibugutila ikisita-Kyala iki ugwe kwīputa nakyō, sōkamo pakati pa bēne.” Kutalusya. Kyala akabagila ukwanduka. Akabalilo kako Kyala ikuyoba kalikosa, Umwene ikusanusya ikyene. Une ndikupāsya balūmbilili balinga abagomokela-nyuma aba bikulōnda ukulekako, ukuya ni kipāngānio ikinywāmu pamo i ikibugutila. Uswe tukulondigwa ababupoki. Abanyambala aba bisakwīma nukuleka abakasi bābo ukubōmba bo ulo, Une ndinako akasūbilo kanini mu fyakumbonekela fyako ifya kuya Nkristi. Kutalusya. Pinduka, pamo pyūtigwāga! Mwe, bununu!

210 Buka nkati bo lula, ingila ifipānga, ifipānga fya kiPentekosti, gomokela panja kangi nasiku ukwānduka na panandi; syāla i kindu kilakila, nasiku ukusōkapo pa kayabo. O, kisa! Ngimba ikyene kyo fiki? Balilino baYesebeli. Alipo itolo u nkīkūlu yumoywēne mwi Bāngēli uyu āpakil’ilangi i kisyo kyāke, kangi Kyala ālindēsīsyē umwēne ku mbwa. Balilino baYesebeli bikukwāba abaAhabu bābo ukusyūngutila

pa kolala, aligwēsa unnini unnyāmbàla ugwakikikùlu uyu isakundeka unkasi gwāke ukubōmba ngati ulo, bikufwala ibundu ni findu, kangi bikusooka panja apa pa lukindi nu kufwala i diresi ikuboneka ngati umwēne yo mfinyisigwe nkipapa ngati māla kibikigwe-nkipapa bo lula. Nu kubūka. . . Une ndikuyoba ukuti ngusunga'mma. Ubu bukaya buyo nabumo ukupul'isunga. Ili lyo Lisyu lya Kyalala. Ilyēne lyo lyābwanaloli. Kotalusya. Ukwēnda ukukīndāmo mu lukīndi, ni diresi ilifyēnye fiyo, afwēle, mpaka umwēne ikutoligwa ukwēnda. Polelo, u nyāmbàla yumo ukutēndēka ubuyobelo isya umwēne, kangi ugwe kulōnda ukulwāna nu mwēne. Ugwe kulōndigwa ukufūmbwa ulugego lwāko ukukomigwa-na-mapi, uko ko kotalusya, panongwa ya kundeka umwēne ukubōmba ikyēne. Ikyene kikubonesya iki ugwe upeligwe nakyo. Uko ko katikati kotalusya.

²¹¹ Iki uswe tukufūmbwa yo Nongwainunu. Kyalala, fyūsyā yumo pa buyo uyu yo ali kulakula ukugomokela ku Lisyu. Kyalala āyobile ikyēne kikaya nukuya kīndu ikīfyūsi kuli u nkikūlu nukwīsa ku kipānga nu kwīpūta ni nywīli syāke situmuligwe. Kangi u nkikulu uyu ikutumula inywili syāke, yo. . . unnyambala ali nu bwabuke ubupelelesye ukwisa ku kusōka-pabwēgi ukufuma ku mwene. Umwene yo nkikulu nsitalugindiko. Ili Bangeli liyobile lulalula. Umwene yo nkosyasoni ku ndume gwake. Umwene lumo akasimanya isyene. Unkikulu aligwesa uyu isakufwala i bundu yo nkosyasoni. Umwene lumo akaamenye ikyene. Nkikulu, une ndikugela ukufulasya ugwe. Une ngugela ukubapoka umwe ukufuma ku nyanja ya moto, kangi gehena. Pinduka!

²¹² “Ena,” ugwe kuyoba, “Une ndinagwe Mbepo Mwikemo.” Polelo kubōmba bo ulo, na Kyalala itugasigwe nkati mwa ugwe, u Kyalala yulayula uyu āyobile kuli ugwe komma ukubōmba ikyēne?

²¹³ “Ena,” ugwe kuyoba, “Une njobile mu ndimi.” Une ngetile imisyétano gikuyoba mu ndimi. Une ngētīle, mu Africa, kikunwa ililopa ukufuma ku mutu gwa mundu umfwano, nu kuyoba mu ndimi nu kukōlēla pa mōhēsi. Une mbukilemo ku bugonelo bwa balosi-bakikikulu na balosi-bakinyambala, kuko abene bayobela mu ndimi nukusanusya ikyene. Une nakibwene ikisimbilo kili pa kigemo nukusimba mu ndimi inhesya, kangi unnyambala ikwisa ukusyungutila, ukusanusya ikyene. Ikyene kyāli kyabwanaloli. Komma ukumbula une isya ndimi. Uswe tuli nafyo fingi fya ikyene lilino.

Lōli, une ngwitika ukuti Kyalala ali nu lulimi ulusitakumanyigwa. Une ngwītīka ukuti Kyalala ikuyoba mu ndimi inhesya, lōli komma ukusūbila pa ikyo. Pauli āyobile, “Palema nalinga une nguyoba nu lulimi lwa bandu na Bandumi, kangi ngaya nayo u Mbepo Mwikemo, une ngaya nakimo tāsi. Palema nalinga une mbagile ukuguta ifyāmba. . .”

214 Abandu bingi bikugela ukuyoba, “O, *uyu* yo nnyambala unkulumba gwa Kyala. Ugwe kufimbilisigwa ukuketa ifika ifikulumba.” Fiki, imisyétano gikubumbulusya. . .

Imisyétano gikusòka panja nukubōmba ifindu bo ifyo. Une mmenye abalosi aba bikubūka pānja, ni fīndu bo fila, ali na epuloni ukusyūngutīla umwēne bo *lula*. Abēne bikubīka i hela nkati. Umwēne ikwēga inywīli syāke ukufuma ku nyuma ya ntu gwāke, ukuniēmba isyēne mu lilopa nu kusopa nkati. Kangi abandu bala bo bandu banaloli-ndumbula, bikwitika. Ikyene kikaya nnyambala yula mma. Ikyēne kyo bāndu bala bikwitika abēne bikusegeléla kwa Kyala, ukwisila mu ndósi yula.

215 Ngimba Yeso akāyobile, “Bingi bisakwisa kwa Une mu lisiku lila, nukuyoba, ‘Une nāli ni sasanio sya bubūmbulúsyó?’” Ikyo kikaya kimanyilo mma. Ikyene kyo kimanyilo ukuti uswe tuli ku bumalikisyo. Ngimba Yeso akāyobile, mwa Matai untu gwa 24, ukufwana ilinandi lya 24, lyópe, 24:24? Kangi Umwene alinkuti, “Abasololi abasyóbi bisakufyūka mmasiku gabumalikisyo nukunāngísya ifimanyilo ifikulumba fiyo mpaka fikuti abēne bābagīle ukusyoba a Basaligwa balabala linga ikyēne kyāli kyakubōmbígwa.” Loli a Basaligwa bimile pa Lisyu. Abene bamenye iki ikika ikyabwanaloli kili.

216 Ngimba abagīle bulebule u nnyambala, uyu ikubomba ifindu ifi, uyu ikupīka u Lwitiko lwa Kyala, ukuyoba ukuti umwene yo nsololi ukufuma kwa Ntwa? Bulebule nkisu abagīle u nnyambala?

Umwene abagile ukuya nsololi, mumo bala bayilile kula ntubalilo twa Ahabu na Yehosafati, akabalilo kako Mikaya aalimile pala. Lōli abēne bāli nagwe yumo pāsi pala uyu ālimīle pa Lisyu, Eliya. I Lisyu lya Ntwa lyāsīmbigwe, ukuti Ahabu ikwisaga ku bumalikisyo bwāke, kangi imboniboni ya Eliya yāli na kila.

217 Kangi unnyambala aligwesa, unnyambala aligwesa uyu ikwikolela mwene gwāmwāmbēpo pamo nsololi, ikufumusya ukuti Ilisyu lililyosa ilya *Iki* lyo lyabwanaloli. Abagile bulebule umwēne ukuya gwa Butatu? Ngimba umwene abagīle bulebule ukōsya mu ngamu ya “Tāta, Mwanundumiana, kangi Mbepo Mwikemo,” nukuyoba ukuti umwene apakīgwe na Mbepo? Abagīle bulebule umwēne ukumanyisya abāndu ubusobi bula, kangi pōpe ukuya mpakīgwe na Mbepo? Ikyēne kikabagila ukubōmbígwa. Ikyēne kyo kimo ikisitakubagila.

218 Une ngusyagania ukuti ikyo kikaya kifumuke. Loli uswe tutikulonda ukuya mfumuke. Ugwe kulonda ukuya gwabwanaloli.

Lilino, Yezebeli na bāAhabu. Ena, nkulumba.

219 Fiki, nongwa yafiki abene bikubomba ikyene? Nongwa ya fiki abakikulu bikubomba, bikukyūnga inywili syabo sisengigwe, kangi bikufwala ifyakupaka-paka, nukusoka panja

nukufwala ibundu akabalilo kako abanyambala bikukinda, ni findu bo ifyo, abanyambala babo bikubombela ikylene? Panongwa yakuti abene bakaya nayo unsololi gwabwanaloli pa kigemo kyabo, ukubabula abene u Bwanaloli. Abene bikubabula abene, “Ena, ikyo kikaya kikindane. Ikyo kyo kili kanunu. Ugwe utikufimbilisigwa ukubomba na *ikyo*.” Ugwe!

220 Ilyene lyo Lisyu lya Ntwa. Ili Bangeli lyäyobile, “Unkikulu aligwesa uyu isakufwala umwenda ugu gubagilile unnyambala yo mwiko pankyeni pa Kyala.” Kyala atikusanuka. Umwene abagile bulebule ukusanuka nukuya Kyala? Umwene yo nsitampaka.

221 Abene bikulondigwa unsololi gwabwanaloli uyu ikubabula abene ukuti ikyo kyo kimanyilo kya bumalikisyo. Ilibangeli liyobile ukuti abene bikubombaga isyene. Yesaya, untu gwa 5, äyobile abakikulu babagile ukubomba ikyo mmasiku ga bumalikisyo. Katikati. Popäpo, pala abene balipo.

222 Loli abene bikuyoba ukuti abene balinagwe unsololi pa kigemo, ukutila Ilisyu lya Kyala. Komma...Umwene ikutila ikilundilo.

Unko uswe twipute Kyala ukututumila uswe u Lumuli ulwabumalikisyo lula, sila u Lumuli lwa kunamayolo, ukututumila uswe yula yuyo Umwene äfingile ukubomba, ku Kipanga ikisaligwa, uyu ikubabulaga abene iki kyo Bwanaloli, ukwima pa Lisyu lya Kyala. Unko a baYezebeli na baAhabu, polelo abene bisakubapagulania abene. Uko ko katikati.

223 Kumbukilaga akabalilo kako abakikulu bikwanda ukubomba bo lula. Lilino itolo gomokela kunyuma akayabo kanini, akabalilo kako abene balyandile ukutumula inywili syäbo nu kubombela bo ulo. Akabalilo kako abakikulu bikwanda ukubomba bo ulo, ukwene ko kabalilo kala kangi tubalilo tula ukuti Eliya mmasiku ga bumalikisyo isakuboneka pa buyo ni kimanyilo kya kabalilo-kabumalikisyo, ni kimanyilo kya kabalilo-kabumalikisyo mumo ukwene kwayilile mmasiku ga Loti. Muketile? Ikimanyilo kya kabalilo-kabumalikisyo; akabalilo kako abakikulu bikwanda ukubomba bo lula. Abene bikubombela bo ulo lilino. Akene ko kabalilo kala aka u Eliya ikuguliligwa ukubonekela pa buyo, ukusanjula nu kukolela, ukukemela nu kuswanyulania pasi, kotalusya, ni kimanyilo kya Kyala kunyuma yake, kikwenda nkyeni. Umwene atikukolelaga nakimo i kipambo ikinywamu lilino. Ili Bangeli lyäyobile, “Ulutende mma, katimo kanini, ubwene bo bununu bwa Täta gwinu ukubapaga umwe i Kitangalala.” Uko ko kotalusya. Uko ko katikati kotalusya.

224 Umwene ikufimbilisigwa ukuya mpikigwe na bösa löli ka katimo akanini, namanga umwene yo ngati Eliya na ba mia bahano-na-babili bäke, kangi Yohani nu ntimo gwäke unnini. Ena.

225 Umwe mukukēta kũko uswe twĩmĩle umwĩsyũgu? Uswe tukufĩmbilisĩgwa ukugomokela ku Pentekosti ugwapabwāndĩlo. Uswe tukufĩmbilisĩgwa ukugomokela ku fĩndu fya KƳala. Uswe tukufĩmbilisĩgwa ukugomokela. Nkundwe, kalumbu, komma ukusyōbĩgwa mu fyakubonekela fyĩnu. Uswe tuli—uswe tukugũlĩla isala yila.

226 Komma ugwe ukwega itolo, “Une—une ngusubila-mumo. Une ngwitika, nu lwitiko une ngwitika Ikyene.” Komma ugwe ukubomba ikyo. Umwe mukwagana na KƳala, kisyo ku kisyo, kangĩ umwe mwĩsusigwe na Mbepo, kangĩ polelo umwe ketesya iki kikuboneka. Kangĩ linga imbepo yila mwa ugwe yikulwana ni Lisyu ili, polelo ugwe leka imbepo yila payene. Buka ukēge i. . . Īputĩla KƳala ukupa ugwe u Mbepo Gwāke, polelo.

227 Akabalilo kāko u Mbepo uyu ikufyũka mu lisiku lwabumalikisyo, Ikyēne kisakuya busóke ukulwāna na bēne, bala bābo bo basyōbi. Muketile? Panongwa yakuti, Yohani alinkuti, “Komma ukwinogona ukuyoba nkati mmyitu ukuti uswe. . . ukuti umwe ‘tulinagwe Abraham ukuya tāta gwitu.” Uswe tulinakyo i. . . Uswe twe. . .

“Uswe, abatāta bitu bāli baMethodisti, baBaptisti, baPresibeteri, pamo baPentekosti.” Komma ukwinogona ukuyoba, umwe, “KƳala,” kangĩ umwe uli bāna kwa Abraham, kabuno KƳala abagile ukufuma ku mabwe aga ukufyũsa abāna kwa Abraham. Komma ukwĩnogona pakuti ugwe gwe m’Pentekosti, ukuti ugwe kuyaga pakuya gwākulēyĩgwa. Nakamo napanandi. KƳala yo gwākubagila ukufuma ku mabwe aga ukufyũsa abāna kwa Abraham. Uko ko katikati kotalusya. Ena, nkulumba.

228 Yoba itolo i Lisyu lya KƳala, mu bwānalòli bwa lisiku lyabumalikisyo. Ubusololi bwake bo. . .

229 Linga umwe mukubombaga, unko une itolo ngomokele kunyuma apa itolo i miniti, unko une mbanangisye umwe mumo uswe tubagĩle ukusyagania. Une ndinago a Masimbo mingi gasimbigwe pásĩ apa. Une nagomokelaga ku Gene. Une ngulonda ukubala limo kwa umwe. Ukufuma, unko uswe, ukwanda, unko uswe twege. . . Unko uswe twēge Kukũmbũsya, unto gwa 18, kangĩ uswe twisakusyāgānia, itolo i miniti. Itolo ukuti, bo uswe tukāli ukwĩgāla apa, ukuti une mbagile ukubala i Lisimbo ili kwa ugwe. Mwa Kukumbusy’indagilo, untu gwa 18, syosa silikanunu, kangĩ unko uswe tukete lilino. Īlinandi lya 20 lya ntu gwa 18, Kukumbusya, 20:

Lòli u nsololi, uyu isakusakikisya ukuyoba i lisyu mu ngamu yāngu, ili une ngālindagile umwēne ukuyoba, pamo ikyo kisa kuyobaga mu ngamu ya bakyala abangi (bĩngi), yópe nu nsololi yula isakufwaga.

Uko ko kutalusya. Mwambepo abükife. Umma ndaga. “U moyo ugu gukônánnga, ugwène gwisakufwa.” Uswe tuli nagwe Kyala yumoywene, komma “Bâkyâla.”

Kangi linga ugwe kuyoba mu ndumbula yako, Ngimba uswe twisakumanyaga bulebule i lisyu ili u NTWA a . . . litalile likayoba?

“Twise kumanya uswe bulebule? Bisakuyapo bingi fiyo ba bène, uswe twisa kumanya bulebule? Uyu yumo ikuyoba *ikyô*, uyûngi ikuyoba *iki-ngati*. Ena, yumo ikuyoba *iki*, kangi uyungi yula âyobîle *kila*, na fyosa bo ifyo.” Lilino kêtésya. Uswe tumenye.

Akabalilo kako unsololi ikuyoba mu ngamu ya NTWA, linga ikindu kila kitikukônga, pamo ukwisa kukuboneka, ikyo kyo kindu iki u NTWA akayôba, loli u nsololi yula ayobîle mwakusakikisya: ugwe utisa kuya gwâkuntîla umwène mma.

²³⁰ Linga Kyala akâyobîle ikyène, polelo komma ukutîla isya ikyène. Ikyène—ikyène kyo kili kanunu môsa, itolo kindililága nukwibwa isya ikyène. Muketile?

²³¹ Lilino keta iki uswe tukupilika umwisyugu. Ikimanyisyo kya Batumigwa, ikimanyisyo kya Methodisti, ikimanyisyo kya kiBaptisti, ikimanyisyo kya baPentekosti, i kimanyisyo, kimanyisyo, kimanyisyo. Ngimba ikimanyisyo kyo kimanyisyo kiliku? Ngimba ko kugu ugwe kukyêga ikyene? Une ngukanikana aligwesa ukunsosolela une Ikimanyilo kya Bafundigwa mwi Bangeli. Une ngwitika kikayako ni kindu bo ikyo.

Linga abatumigwa bâli ni kimanyisyo kilikyosa abene bätulikigwémo siku, apa ikyene kili: “Pinduka aligwesa gwa umwe, kangi yaga môsigwe mu Ngamu ya Yeso Kristi ku busyûle bwa mbibi syînu, kangi umwe mwisakwambililaga ikikungilwa kya Mbepo Mwikemo. Kabuno ulufingo luli kwa umwe.”

Ngimba umwe mutikukibona kuko uswe tuliko, binangu? Uswe tuli mbwitugasye ububibi. Ngimba ikyene kyo fiki? Ikimanyilo ikyabwanaloli iki kikubebeligwa.

²³² Lilino, umwe mwe banyambala na bakikulu, mwe bingi ba umwe, kangi umwe mwe bana ba Kyala. Komma ukukibebela ikyene. Kumbukilaga ukuti uswe tubagisenie ukuya nafyo ifindu ifi. Ifyene fibagisenie ukuboneka mu lisiku ili, mu sala iyi iyi uswe tulimo nu bumi. Iyi yo sala, bo itolo u Kwisa kwa Mesiya, kubagile ukuyapo ukufumusya kukwîsa ukufuma kwa Kyala.

Unko une mbale ikyo panongwa ya umwe. Unko uswe tugomokele kwa Malaki. Ukwene ko kwabumalikisyo bwa Lwitikano Ulukûlu, kangi pilikisya iki Umwene ikuyoba mwa Malaki. Polelo uswe twe . . . Pilikisya iki itolo pa kabalilo.

Lilino, linga umwe mukukētésya, Malaki 3, ikuyoba ukuti Yeso áyobíle isya Yohani ikwisa:

Kéta, une nisakutuma untumigwa gwāngu, kangi umwēne isakutendekesya injila pankyeni pa une: kangi u Ntwa, yūyo umwe mukundōnda, mbimbibi isakwisa ku tempeli yāke, yōpe untumigwa gwa lwítikāno, yūyo umwe mukwīkyēlāmo: kéta, umwene isakwisaga, ikuti u NTWA gwa kilundilo.

²³³ Uyo aali Yohani, ikufumusya ukwisa kwa Yeso. Kangi Umwēne ālisíle ku tempeli, katikati iki Umwēne áyobíle, u Ntumigwa gwa lwítikāno, u Gwāndúmi uyu āli na... ndulangalanga na ba—na bafūndígwa, pamo na Israeli. Ngimba umwe mukwitika Umwene aali Ntumigwa yula? Ena Umwene alinkuti, “Une nisile ukufuma kwa Kyala, kangi une ngubuka kwa Kyala.”

²³⁴ Lilino, nongwa ya fiki Pauli āpegígwe u bubine? Ukunkolelela umwene pāsi.

Ukufuma pāpo Yeso āfwíle, nukusyilígwa, nukusyūka kangi; ukufuma pa kabalilo katali, Pauli ālyāgéne nu Mwēne, kisyo ku kisyo, pa nsebwe ukubūka ku Damasko. (Umwene alinkuti, “Une nisile ukufuma kwa Kyala, kangi nukubuka kwa Kyala.”) Pauli alinkukéta mmwanya. Lwālípó u Lumuli ulunywamu pala, yilayila i Mbanda ya Moto. Ngimba umwe mumenye iki une nguyobapo? Yilayila i Mbanda ya Moto. Kangi Pauli alinkuyoba ku Mwene, kangi Umwene alinkuyoba kwa Pauli. Abandu balinkusita kumpilika Umwene. Abene balinkusita kumpilika Umwene. Loli Pauli alimpilike Umwene. Umwēne alinkuti, “Sauli, Sauli, fiki ugwe kumfwīma Une?”

Umwene alinkuti, “Yogwe ani Ugwe, Ntwa?”

²³⁵ Umwene alinkuti, “Une ne Yeso. Lilino sumuka kangi bukaga mu lukindi lukukooleligwa Ukutalula. Ikyene kisakubūligwága kwa ugwe ukufuma pala ukubūka nkyēni. Une ndinayo unsololi ikwisa apo ukukubula ugwe ikyakubomba, ugwe uketile. Kangi mumo ku . . .”

²³⁶ Pauli āsulwíke pāsi, ālyōsígwe, nukukōleligwa pa Ntwa, ālyāmbilíle u Mbepo Mwikemo.

Kangi Pauli alinkuti, “Une nāli na kanini akabonywafu ka mbili, aka kāpígwe kwa une, u mōhési, u ntumigwa gwa mōhési, uyu *ikumbūsania* une,” ikyo kyo ngati, “ulupūlo ukufuma ulupūlo.” Umwēne āyāngako kanunupo, kangi polelo ukukyēga ikyēne, ukuntika umwēne kāngi. Alinkuti, “Une nalālwisyémo u Ntwa katatu kosa, ukukēga akēne kubutali na une, lōli u Ntwa alinkuti, ‘Pauli, ilipyana Lyangu lifwene.’” Polelo alinkuti, “Pene papo une ngufyusiyga pamwanya . . . pa bwisule bwa busetuli.”

Umwēne āli nafyo fingipo, ukwisila mu busetuli, ukukīnda Peteri, Yākóbo, Yohani, pamo aligwesa gwa bēne. Umwene

alimbwene Umwene ukufuma pápo Umwene asokilepo ukuya lumo ifyinja fibili, pamo ukongelelapo, imile mu Mbanda ya Moto, ikuyoba ku mwene. Bo bunywamupo buki umwĩsyúgu, ifyĩnja maelifu mabili, kangi Umwēne akāli mūmi! Amení.

²³⁷ Alinkuti, “Kwapēgīgwe kwa une, ukupāgulako une āngali ngufyūsígwa pamwanya, nguyoba, ‘Lilino, nkundwe, une ndi pamwanya pa umwe mwesa. Muketile? Une—une numbwene Umwene ukufuma pápo Umwene asyusígwe ukufuma ku bafwe, kangi une nāyobile ku Mwene. Une ne. . .’ Ukupāgulako une njege fyūsígwe pamwanya pala, kyālipo ikindukimo kipīgwe kwa une, ukungyūnga une gwakwiyĩsya.” Ena.

²³⁸ Umwene yo yuyo ababulile abene ukōsigwa-kangi, kangi, mu Ngamu ya Yeso. Alinkuti, “Linga u Gwandumi ukufuma ku Mwanya. . .”

²³⁹ Umwene alinkuti, “Une ngābukile kula ku sukulu syabo, kulikosa kuko abene baaliko.” Alinkuti, “Une ngābūkile kula ku Yerusalemu mbimbibi itolo, kangi komma ku fyĩnja kalongo na fina.” Alinkuti, “Une nāsulukile ku Igupto, kula ku Asia kula.” Kangi umwene alinkuyobesania nu Ntwa, āli pási pala ukufwana ifyinja fitatu, ukubala u Lwitikano Ulukūlu, ukuketa ikylene kyosa kikufwanikisania. Akabalilo kāko umwēne ikugomokela, mu fyĩnja kalongo-nafina pankyēni pāke, alinkwāgāna na Peteri na bala, kangi āli ni Nongwainunu yilayila, ōsyaga injila yilayila, kangi ukubōmba ikindu kilakila. Amení. Umwene āmenye ikylene kyāli kitalusye. Ena, nkulumba.

²⁴⁰ Pilikisya kwa Malaki lilino, ukukilania apa, Malaki 3. Lilino, linga umwe mubagile, nyitikisyaga une itolo mbelelesye iki panongwa ya umwe. Une ngwitika. . . unko uswe tusanukile nubupepe fiyo lilino kwa Matai untu gwa 11, kangi kēta linga une. . . Une mbagile ukuya nu busobi ubu, une ngwinogona une ndinakyo ikyēne, Une mbagile ukukēta ikyākwānda ukukibona ikyēne. Matai 11. Unko uswe tukēte. Ukwānda pa:

Kangi ikyēne kyālisile ukuboneka, akabalilo kāko Yeso ātēndekīgwe u bumalikisyo bwa bulagili bwāke bwa bafūndīgwa bāke kalongo na babili, umwēne alinkusōkapo ukufuma pala ukumanyisya nu kulūmbilila ntwāya twābo.

Kangi. . . Lilino akabalilo kako Yohani. . . āpilike ukuti umwene āli. . . mu minyololo imbombo sya Kristi, āli. . . minyololo i mbōmbo sya Kristi, umwēne alinkutuma babili ba bafūndīgwa bāke,

Kangi alinkuyoba ku mwene, Ngimba ugwe gwe umwene uyu abagile ukwisa, pamo ngimba uswe tukulondesyaga kuli unnine?

Ikisige kya Yohani ikya ngwāsi kilinkukīngīgwa pamwanya, ukusuluka mula mu minyololo. Muketile?

*Yeso ālyāmwile kangi alinkuyoba ku mwene, Buka . . .
nangisya Yohani kangi i findu ifi fifyo umwe . . .
mukupilika kangi muketile:*

“Yohani yo nsololi. Kangi linga umwene isaku—umwene isakupilikaga iki, ifya ifi fikubombigwa, umwene isakumanyaga Uyu une ndi.” Muketile? Umwene āyobīle:

*Abafwamaso bikwāmbilila ubukētelo bwābo, . . .
abalemale bikwēnda, abābukōma bikusukigwa, . . .
a bāmapūli bikupilika, kangi a bafwe bikusyūsigwa
mmwanya, . . .*

“Kangi ifipanga-fipāgūke fyosa fili palikimo”? Ikyene kitikuyoba bo ulu, bule ikyene? Umma. Ikyene kitibomba. Ilyene kilinkuyoba:

*. . . a balemale bikwēnda, a bābukōma
bikusukigwa, . . . a bāmapūli bikupilika, kangi abafwe
bikusyūsigwa mmwanya, kangi abalōndo bali ni
nongwainunu yikulumbilīgwa ku bene.*

Pala kilipo ikimanyilo. Ketesya:

Kangi bo abēne balinkusōkàpo . . .

*Kangi nsayigwa yo umwēne, uyu yo akaya . . .
gwakusobeligwa mwa une.*

Lilino ketesya: “Nsayigwa yo uyu akaya gwakusobeligwa mwa Une,” mmasyu agangi, pamo, “gwāsōni na Une. Asayigwege uyu atisakuya ni soni na Une.” Muketile?

*. . . bo abene bikulaga, Yeso alinkwanda ukuyoba ku
filundilo ukufwana na Yohani, Fyo fiki mwābūkīle
umwe pānja mu lulangalanga ukukēta?*

Ketesya unsololi uyu lilino:

*. . . Fyo fiki mwābūkīle umwe pānja nkati mu
lulangalanga ukukēta? U lutete luyūganigwe nu
mbelo?*

Komma Yohani. O, umma. “Umwe ngulilo ya njoka mu līsu,” umwene alinkuyoba ku fipanga-fipāgūke fila, “ywani abasokile umwe ukubopa ukufuma ku bugāsi ubu bukwisa? Komma ukwanda ukuyoba, ‘Uswe tuli’ ku iki kangi kila, panongwa yakuti Kyala abagile ukufuma ku mabwe aga uku fyusya abana.” O, nkundwe ikyēne kikāli lutete luyūganigwe nu mbelo, nu mwēne.

. . . U lutete luyūganigwe nu mbelo?

*Pamo kyo fiki mwābūkīle umwe pānja ukwa
kukēta? U nyāmbāla afwīkīgwe mu myēnda imitōfu?
(Ikufimbilisigwa ukusanusya imyenda gyake kabili
pamo katatu akabalilo kosa umwene ikulumbilila?)
kēta, abēne aba bikufwāla imyēnda imitōfu, igyākufwāla
bali mu nyūmba sya banyafyāle.*

Abene bo balumbilili aba bikusōka panja nu kufipa u bāna, umwe mumenye, kangī—kangī bikwegesya abakeke, kangī—kangī bikubūka ku sukulu nukutēndēka ubuyobi bwaminogono, kangī, umwe mumenye, fyōsa ifindu ifyākikīkūlu ifi. Muketile? Muketile? Umwēne atikusyūgusya ulūbo lwa fiboko-fibili pānja apa pa lukīndi lwa kunyēni. “Ngimba ugwe kubukaga panja ukukēta, u miana yumo bo yula?” Umwene āli...Umwene ikubasuma abene.

Loli ngimba fiki ifi mwābūkile umwe panja... ukuketa? Unsololi? (Pilikisya.) ena, kangī Une nguyoba kwa ugwe, kangī ukukinda unsololi.

Ena, nkulumba. Ngimba umwene āli fiki? Yoba, “Umwene ali nkinda nsololi?” Umwene āli nsololi, *ukongelelapo*. Umwene āli ntumigwa gwa ngulilo yila.

...ngimba fiki umwe mwābūkile panja...uku kēta? Unsololi? ena, une nguyoba kwa umwe, kangī ukukinda u nsololi.

Kabuno uyu yo umwene, ...yuyo ikyene kisimbigwe, Keta, une ngutuma untumigwa gwangu pa kisyo kyangu, ...uku tendekesya i njila pankyeni pa une.

Keta ukukilania kuno mwa Malaki 3. “Keta, Une ngutuma untumigwa Gwangu pa kisyo Kyangu.”

²⁴¹ Kētēsya. Lilino, Malaki 4, unko une mbale iki. Umwene isakwisaga kangī.

...kēta, i lisiku likwīsa, ili lisakupya bo ng’ānjo; kangī bōsa abītūfyē, ena, ...

²⁴² Ikyo kyo umwīsyūgu. Une ngwēnda pāsī pa lukīndi nukukēta abāndu aba. Ugwe ubagile ukuyoba ku bene, kangī abene bikukuseka ugwe, ukukūgīla ugwe. Une ngwinogona, “Ngimba ikyene kyo fiki?”

I lisiku ilīngi, une nēndāga mula, ukusuluka, ulubafu lwa lubīngilo ukusuluka apa. Une nayobaga ku bandu bamo, kangī abene itolo balinkuti, “O,” ndinkukīndilīla ukwēnda.

Kindukimo itolo kilinkuyoba kwa une, “Abēne bo mīndu gya atomiki, lululu ukuya malīto gabalanisīgwe pa mfu. Baleka abēne pabēne. Ugwe uyobile u lutengano lwako. Itendekesyaga nukusōka panja pa apa.” Aleluya! Une āngali ngālōndigwāga ukuyoba ikyo, une ngusakikisya. “Iyēgāga gwīmwenē ukwītēndekēsya. Funga u nsana gwāko. Une ngukukōlēla ugwe.” Iyo yo nōngwa une ngugūlīla.

Namanga, kēta, i lisiku likwīsa, ili līsa kupya bo yi ng’ānjo; ena, bōsa a bākūwītūfyā, ...kangī bōsa aba bikubōmba mbubībi, bisakuyaga bo fikōngōti: ...

Ikyo kyo katikati iki kisakuyaga. Ngimba kikiboneka fiki akabalilo kāko i kikulumba...bamo mwa umwe balimi;

akabalilo kâko u mōto unsito gukutika u ngūnda gwa ngano, akabalilo kâko umwēne ali itolo kikōngōti? Umwene itolo ikulambalikaga umwene ukuya bukupame, ni lyoto kunyuma. Ikyo kyo iki kisakubombaga, akabalilo kâko kila, akabalilo kâko umwene ikutika.

. . . i lisiku likwisa ili lisa kubōkya abēne mōsa, ikuti u NTWA gwa filūndilo, ukuti ilyēne lisa kuleka abēne nagumo unsisi pamo ulusāmba.

Patisakuyapo nakimo kisyēle kya bēne.

Lōli kwa umwe mwe mukutula i ngamu yāngu i Lisibu lya bugolofu likupānda nu bubūmbulusyo mu mapiko gāke; . . . umwe mwisa kubūka pānja, nu kukula ukuya bo ngwāta mu kibaga. (Uyo yo Fyīnj'elifu.)

Kangi umwe mwisa kukanyangila pāsi ababībi; namanga abēne bīsa kuya malīto pāsi pa njayo sya malūndi gīnu mu lisiku lila ili Une nisa kubōmba iki, ikuyoba u NTWA gwa filūndilo.

Ukusōka panja, mu Fyinj'elifu. "Ilīto lya babibi."

Kumbukila . . . u lulagilo lwa Mōse umbōmbi gwāngu, uyu Une nālindagile . . . umwēne mu Horebu kuli gwēsa Israeli, ukuya i ngomelesyo kangī bulōngi.

Lilino, pilikisya kifuki lilino.

Keta, Une ngukutumaga kwa umwe Eliya unsololi bo likāli ukwisa i lisiku ilikulumba lila kangī ilisisya ilya NTWA:

²⁴³ Lilino, ikyo kikabagile ukuya Yohani. Ikyene kikaabagile, panongwa yakuti ikisu kyapasi angali kibongotoligwe akabalilo kala. Lōli apa Umwēne āyobīle, mwa Matai 3, Umwēne ikutuma u ntumigwa pankyeni pa Mwēne. Kangi Yeso alinkuti, "Uyo yo Eliya uyu ayaga pakwisa, ukutendekesya injila pankyeni pa Une."

"Lōli bo likāli ilikulumba ilipufulilo ilya atomiki ukutika, Une nīsa kutuma kwa umwe Eliya u nsololi."

Kangi umwene isakusanusya indumbula sya batāta ku bāna, kangī i ndumbula sya bāna ku a batata, kisita apo une ngwisa nukutika ikisu ni kigune.

²⁴⁴ Kusolola, mu lisiku ili.

Lōli lilino ugwe kuyoba, "O, yula Eliya, yula āyāga Yohani." U ntumigwa gwa lwitikano āli Yohani, naloliloli. Uko ko katikati kotalusya. Yeso āyobīle lūlo, kangī āsisimikisye ikyēne papapa apa, "Uyo yo yūla Une nāyobaga ngapo." Lōli, umwe muketile, ikyēne kikābagīle ukuya Eliya uyu ayaga pakwisa. Muketile? Ikyēne kikābagīle ukuya. Panongwa yakuti, umwe muketile, linga ikyēne kikubōmbāga, polelo ubusololi bwāli busobi; ikisu kikābongotoligwe kunyuma

kula. Muketile? “Loli bo ilisiku ilikulumba nilibibi lila ilya Ntwa likaali ukwisa, Une nisakutuma kwa umwe Eliya. Kangi umwene isakupyanyikisyaga,” ketesya ukwisa kwake ukwakwanda, “indumbula sya batata ku bana.” Ikyo kyo iki umwēne ābōmbīle, ikyākwānda, ātwēle i ndumi ya kabalilo akapya, ukwisa kwa Kristi lilino, ukukwāba abaiyolo abatāta abalulagilo ukusōkākō ku lwītiko lwalulagilo, ukubuka mu lwītiko ulupya ulu lwāpāpigwe itolo.

Polelo akabalilo kāko umwēne ikwīsa akabalilo kakibili, “Kangi indumbula sya bāna ukugomokela ku batata bakipantekosti, i Ndumi yapabwandilo.”

²⁴⁵ Lilino buka ukukilania apa mu Busetuli 3, kangi umwe mwisakukibonaga ikyene palapala pala kangi. Polelo, ikyene kisololigwe. Uswe tuli nkabalilo ka bumalikisyo, nkundwe gwangu. Uko ko kutalusya.

²⁴⁶ Bo abasololi bamia bana ukulwana na Mikaya, abēne bikuyoba uswe tuli . . . Uswe tuli mu lisiku ilyabumalikisyo lila, uswe tumenye. Nsololi gwabusyōbi, ukunāngisya ifimanyilo ifisyōbi, bikwīngila ifipānga-fipāgūke. Abene bikuyoba, “Isaga nukwingila. Unko uswe twīngile. Ugwe isaga nukwingila ikipanga kyitu. Twalaga ubwinake bwako. Uswe twīgwīke ulubūnju ulu kuli ugwe ukusāmīsyē ubumbakasya bwāko ukufuma kipānga *kila* ukukilania ku kimo *iki*.” O, butoyofu. Ngimba bo bununu buki ubumbakasya bwako bukukubomba ugwe? Linga ugwe ukuya ni kilingo Kumwanya, ibwa isya ikyene. Abasololi abasyōbi bisakunāngisyāga ifimanyilo fyābusyōbi.

²⁴⁷ Lōli, kēta, abasololi ababwanaloli, abēne bisakusyālāga ni Lisyu lya Kyala. Ifimanyilo ifyabwanaloli fisakutwalaga panja i Lisyu lya Kyala ilyabwanaloli ku Kipanga ikyabwanaloli, kangi i Kipanga ikyabwanaloli kisakwambililaga i Lisyu nukusangaluka pa Lyene. Akabalilo kāko untimo unnini, ugu gwisakupīgwāga mmasiku ga bumalikisyo, ugu gwisakuyaga nsyāle gwa Bāpānja, ugu gwisakupīmbigwāga.

²⁴⁸ Akabalilo kako Yeso aalisile, pakalilo—kakali loli itolo banandi fiyo pala aba balitike. Akabagutila akanini ka Yohani kāli ko kāko aka kālītike. Yeso ābēgīle abēne ukufuma kula ukukīndilila, ātēndīke a bafūndīgwa ukufuma mu bēne nu kukīndilila nkyēni. Akabalilo kāko Eliya . . .

²⁴⁹ Akabalilo kako ukubongotoka kukwisa, akabalilo kako akabalilo ka Noa kakwisa, umwene āli kika, kangi umwene alinkwega abandu mu ngalaba. Akabalilo kako Eliya isile, umwene alinkukwaba abandu panja pa bufuluganikano ubu abene baalimo. Akabalilo kāko Yohani ālisile . . . Bōsa abasololi bāli kimanyilo, kimanyilo, fimanyilo, kimanyilo.

Kangi Umwēne āfīngīle uswe i kimanyilo mu lisiku lyābumalikisyo. Mu masiku ga bumalikisyo pisakuyapo

i kimanyilo. Ikyēne kyo kimanyilo ikibebeligwe. Abandu batikukibona ikyene. Abene bikubuka itolo pamwanya pa ikyene, nukuleka ikyene kibukege. Nkundwe, kalumbu, komma ukwingila ikipanga. Unko une njobe iki, bo tukwigala lilino.

²⁵⁰ Linga itolo ugwe gwāli nu bwēndelemo bwa kitima kimo, kinyenyemusye kimo, komma ugwe ukwigēmekesya pa ikyo. Komma ugwe ukubomba ikyene. Kabuno umwe bandu. Umwe muli... Une nguyoba ku bandu. Une mbilike abene bikupangalula pa tepi kunyuma kula, itolo akabalilo kala. Une nguyoba lilino ku Kipanga. Muketile? Pilikisya, komma ugwe...

²⁵¹ Une nguyoba ifindu fingi fila utubalilo tumo, bo ulo, ukuti abandu panja mfsiu panja apa... Yaga na Kyala. Kētésya ku kimanyilo kyāko ikyabwanaloli. Ugwe kwisakukēta ikyēne. Ikyēne kisakuyaga mōsa ukusyungutila ugwe, lōli maelifu-elifu gisakwēnda itolo kifuki ni kyēne kangi komma ukukibona ikyēne.

Akabalilo kako Yeso ikwisa, abene balinkusita kummanya Umwene.

Abene bakāmwaganiaga Eliya. Umwe mumenye iki abene bātīle akabalilo kako Eliya āfyukīle mmwanya? Abene bakālītīke bula ubutoyofu. Abene balinkuti, “Ikyene kyo butoyofu.” A bāna palapala pala nkaya kala kene, kūko umwene itugasyaga... umwēne ālitūgēleko, ālūmbililēko, ābōmbile ifimanyilo ni fiswīgo palapala pala mu kisu kila, akabalilo kako pala palinkwisa ubukōlelo panja, “Uswē tukabagila ukummwaga Eliya; u Ntwa alimmwegile umwene mwa kafulafumbi,” abene balinkuseka ku kindu bo ikyo.

²⁵² Apa ikwisa Eliya... Elisha, ni fika filafila pa mwene, u luko lwa Kristi ni Kipanga Kyake. Apa ikwisa Eliya, sa-... Elisha, ifimanyilo filafila Eliya ālinafyo, ukwisa palapala pāsī, ukubomba ikyo, na kōpe ku bāna bābo abanini balinkōngile umwēne mōsa nu kuyoba, “Gwaiyolo gwakipāla ntu, nongwa ya fiki ugwe ukābūkile mmwanya ngati Eliya?” Muketile iki kyābonīke ku bēne a bāna abasitalugindīko?

Umwisyugu abene bikuseka nu kūgila. Komma ukupasya, nkundwe, ubulongi bukwelela mmwanya papapa lilino. Ikyene kisimbigwe pa kisyo kya gwa kiMerika aligwēsa. Uko ko kutalusya. Ubulongi bwītulike mmwanya, bosa ubugasi bwa Kyala Mwenemaka.

²⁵³ [Ubuyo busitakandu pa tepi—Nsimbi] “Abafuyuli ba bala bo banunu; ukuya nu luko lwa bunyakyala, loli ukukana a maka aga galimo: ukufuma ku luko ulu soka panja.”

²⁵⁴ Komma ugwe ukwēga ulunyenemusyo. Komma ugwe ukwēga i kitima kimo. Komma ukwēga kalikōsa mpaka umwe mukwāgāna na Kyala, kisyo ku kisyo, nukundeka u Mbepo gwa Kyala īsīle mwa umwe. Umwene isakwīsusyaga indumbula yako na maka, nu lugano, nu kupya.

255 Kyala, ndula une ukwaga ubuyo bwangu kula, ku buyobumo mmasiku amanandi aga gikukōnga, pala ukusyāla mpaka une ngukēta kūko ubwēndo bwāngu ubukōnge buli.

256 Uswe twāgūlīle akabalilo katali. Une nāgūlīle akabalilo katali. Une ngukūmbukila ngusēnga ulubingilo lwangu ku nyuma kula. Akabalilo kāko une nāyēngile inyumba iyi pamwanya apa, u Ntwa ālingōlīle une. Unkasi gwāngu ākūtīle panongwa yakuti umwēne akālōnda ukunndeka mama gwāke. Alinkuti, “Lumo umwene atisakupakikisigwāga.”

Kangi une ndinkwinogona, “Une ndinagwe u māma unkangale, nīne.”

257 Une nītūgasyāga pāsi kula, ilisiku limo, ngusēnga i līsu. Une nālitūgēsye pāsi. Itolo bo pabwēlu-swee, i Lisyu likwisa, lilinkuti, “Ipāgūla gwimwene, polelo Une nisa kukusayaga ugwe.”

Une ndinkuti, “Ntwa Kyala, mbela une ukuya nsangaluke apa. Ugwe kukēta iki une ngulwana nakyo.”

258 Fyosa ifindu fila fimalike lilino. Mama Broy ali mu Lwimiko; Mama Branham, yope.

“Buli kūgu ubuseme bwāngu, Ntwa?”

259 Bulongi bukutikaga i kisu iki, limo mwa masiku aga. Filipino ifikolo ifingi ifi fikapilikamo Inongwainunu. Galipo a mabuyo.

260 Kilikyosa iki ugwe kubomba, komma ugwe ukwībwa amasyu gangu. Komma ugwe! Unko iki kikitike, Kyala ega i kisimbilo kya kisulu nu kung’wāla ikyēne mu ndūmbūla yīnu, ukuti umwe mutīsa kwībwa ikyēne. Komma ukwībwa ikyēne! ISI SYO IKUTI U NTWA: Gomokela kwa Kyala, ni ndumbula syīnu syōsa, gomokela nyuma. Komma ukusūbila pa kitima, ulunyenenyemuso, pamo kalikōsa. N’dondesya Kyala na kyosa iki kili mwa ugwe, mpaka ikindukimo kikuboneka kwa ugwe, ukuti ugwe kulonda ukugolosya, ugwe kulonda ukuya nyakyala, ugwe kutila Kyala, ugwe—ugwe kulonda ukuya mūmi nubutalusye, bomba ikyo. Komma umwe ukwībwa ikyēne, panongwa yakuti uswe tuli nkabalilo ka bumalikisyo. Lilino, kumbukilāga, uswe tuli ku kabalilo ka bumalikisyo.

261 Kangi kumbukilaga iki, bo une ngwīgāla, ukwīputīla, mu miniti, komma ukwībwa, mbilika une, kipānga! Kangi linga i tepi iyi yikāli yikubuuka, mbilika une, kisu, pamo kūko iyēne yisakubūka: Pala pisakufyūka ikimanyilo, ikimanyilo ikyabwanaloli; lumo ikyēne kitalile kifyūkile kangi ikyēne kibebelīgwe, i kimanyilo ikyābwānalōli iki Kyala bwīla apēle, iki kyo kibebelīgwe.

Unko uswe twipute.

262 Yeso gwa Nazareti, mūmo i Lisyu ilikulumba lila lyāyobīle kula ilisiku lila, imilungu minandi igi gikīndīle, nīmīle pa lubafu, bo une ngukilania kula ku kisinga kila, ukusyungutīla ikipiki,

kangi u Mbepo yula uyu alinkusuluka pási pamwanya pa fipiki kangi alinkuti, “Yeso gwa Lwitikano Ulupya yo Yehova ugwa Lukúlu.” O Kyalá, pa Lyalabwe ili une ngwima. Ifisu fyosa fyo misanga yakwibila. Ifisu fyosa fyo misanga yakwibila.

²⁶³ Kuli ifyĩnja fimo malongo matatu, Ntwa, une ngũtile pãnja, ukukĩndamo nkikõga iki kuno, i Ndumi yila, une ngasemapo i inchi yimo ukufuma ku Yene, ukufuma kuko une nalyandile, itolo i Ndumi yilayila, ikindu kimokyene kilakila; ukukõlèla abãndu ukugomokela, komma ku lunyenyemusyo, lõli ku bwëndelemo bumo bwa kwãgana na Kyalá nukuya mpãpigwe mwa Mbepo Gwãke. O, kyo kiliku iki kisa kusyãla loli u bulongi? Abene aba bikukana i Ndumi yila, Ntwa, kakayapo nakamo aka kasyele.

²⁶⁴ Ugwe usisimikĩsyé pabwelu i Lisyu Lyãko, ukufumusya pabwelu ifimanyilo fya lisiku-lyãbumalikisyo, nukusisimikisya ikyène kisitakutolígwa, ukuti Ugwe gwe Kyalá, kangi ukuti uswe tuli apa. Kangi akabalilo kãko uswe tukupilika bingi abasasanianongwa mu fisu umwisyugu, bosa bikukúta panja. Kangi ikisu kyitu kulikulumba, kangi ifisu ifingi fikusosola, kangi—kangi ulutende lukugwa. Kangi akabalilo kãko uswe tukupilika abanyãmbála abakulumba aba, mpaka mu France, ukusakikisya ukuti u kipufulilo kyãkwanda kisakugwilága mu Louisville, Kentucky, ku bamia ba mamailosi ikyène kisakupyãgíla ikĩsu. O Kyalá, abene bãli nu lusako ukupilika, loli abene balinkusita.

²⁶⁵ Ifikalatasi fya nõngwa, utupãngo twa fipãnga, televizioní, rediyo, fipĩmbile ikyène. Kukayapo nakumo ukulèya. Polelo, Ntwa, Ugwe gwãyobíle, “Bõsa aba Tãta ambele Une bikwísága, kangi nayumo umundu abagile ukwisa pene papo Tata ikunkwaba umwene.”

²⁶⁶ Lilino, Tãta, une ngusuma ulwĩpúto ulu kuli nimwene. Apa une ndipo, ukufika ku nnyambala ungangale lilino, kangi une ngamanya a masiku malinga gasyele, Ntwa. Uswe luma tukaya nakyó mpaka na mwisyugu. Lõli kilikyosa iki kisyèle, Ntwa, kangi iki kisyèle mbũmi bwãngu, O Kyalá, ngimba ikyene kyakubagíla Ugwe ubagile ukwega ikyene nukubomba ikindukimo ni kyene, ku lwimiko Lwako?

²⁶⁷ Une ngwĩpũtila tãsi nimwène, Ntwa, ukuti Ugwe kwisakupaga kwa une ubwĩgãne Bwãko. Itikisya ubwigane Bwako bubombigwege, Ntwa, kilikyosa ikyene kibagile ukuya. Une ngulonda ikyene ukuyobígwa pa lisiku lila akabalilo kako une ngwisa ukwagana na Ugwe, “Ikyene kyãbombigwe kanunu.” Linga ikyene kyo kinywamu, pamo linga ikyene kyo kinini, kilikyosa kili mu ndumbula Yako ingulumba panongwa ya bumi bwangu, Ntwa, apa une ndipo.

²⁶⁸ Tuma u Gwãndumi yumo ni likalasulilo lya moto kangi suka imilomo gyĩtu nu kutukemesya uswe, Ntwa,

kuli icyābumalikisyo ikikulumba ikindukimo iki kyo kikwītēdekēsya ukutika i kīsu. Unko uswe tuyege masyu gikukuta mu lulangalanga lwa butulwanongwa, “Tendekesya ukwagana na Kyala.”

²⁶⁹ Akapanga akanini aka, abandu aba bikwisa, ilisiku ukufuma pisiku, nu kwendesya-magali abamia ba mamailosi, O Gwasyepwa nu gwalugano, kangī kisita kwibwamo siku i mbombo, u Kyala gwa Abraham, Isaki, na gwa Yakobe, Uyu afyusisye mmwanya Yeso ukufuma ku bafwe, kangī lilino Umwene itugesye ku kiboko ikitalusye ikya Lwimiko pa Mwanya, Kyala itūgēle mu mbili, sayaga abāndu aba une ngusaya mu Ngamu Yāko. Baliyaga abene bwila bikukumbuka nukumanya ukuti kilipo ikimanyilo, ikimanyilo kya kubumalikisyo. Une ngusuma ukuti Ugwe kubapaga abēne, nu kubapela abēne ukuya bakaba ba bāngi: pa mbombo syabo, kulikosa abene babagile ukuya, mu nguto sya ngindi, mbwīsūsūyilo mafuta, pamo kulikosa ukwene kubagile ukuya, ukuyobelapo mu lilūka lya kūlisya, ku ngulisya-lupyū. Kilikyosa ikyene kibagile ukuya, Ntwa, linga kilikyōsa kikusoka pa ndumbula syabo, abene baliyaga buketi. Baliyaga abene bumi bwa bunyakyala kangī ni myūmi imikesigwe mpaka abene bisakuyaga bakalata abasimbigwe bikubaligwa na bandu bosa.

²⁷⁰ Kyala, sayaga abakikulu bitu. O Kyala, une ngusūma ukuti Ugwe kwīsa kubītikisya abēne ukusuka ifisyo fyābo, bala bābo batikubōmba, ega i . . . kula u kwīpakapaka kwa Yesebeli ukusōsyapo pa bēne. Baleka abēne bayege nabo ubukifu bwa Bakristi, kangī u Mbepo gwa Kyala pa bēne, ugwakufwana, ukumanya ukuti abēne batikwītikisigwa ukufwāla gila imyēnda imibwāpufu igi abēne bikufwāla. Itikisya i nywīli syābo ukukula pānja, ngati bakīkūlu. Kabuno ukwēne kusimbigwe mu i Bāngēli, “Bupala mu bukētēlo bwa Ntwa ko kasāmba akanini kala aka kīsa kupona fyōsa i fīndu ifi fīfyo fikwīsa pānja mu lisiku lyābumalikisyo. Ikyēne kisakuyaga kyalwīmīko mmaso ga Kyala,” mūmo unsololi ayobīle-ngāni ikyēne. Kyala, tupaga ikyo.

²⁷¹ Kikayapo nakimo icyākōngelelāpo une mbagīle ukubōmba. Une ndātīle i lisyu lyāngu, kuli icyīnja ukufuma pa kyinja, Ntwa. Kangī pene papo Ugwe kwēnda lilino, kikayapo nakimo iki une mbagīle ukubōmba. Une ngusuma ukuti, ukuti Ugwe kuyaga. Kangī une mmenye Ugwe kuyaga, panongwa yakuti Ugwe ufingile ikyene mu Lisyu Lyako. Kangī apo po pāpo une ngwima. Une mbagīle itolo ukupa u buketi, Ntwa. Kangī nayumo umundu abagīle ukwisa pene papo Ugwe kunkwaba umwene; kangī bosa aba Tāta apēle bisakwisa. Une ndinabo ubusisimikisi, ukuti i Lisyu Lyako lisakupakikisya isya. Sayaga uswe, Ntwa.

²⁷² Kangī linga balipo abo apa aba bikusubila itolo pa bwipilike, lumō abēne baywēgīle, abēne, lumō abēne bali nu Mbepo Mwikemo, pamo . . . Uswe tukābagīle ukubala ikyo, Ntwa, panongwa yakuti uswe tukētīle abāndu ku ngino sya mpila,

bikuywēga. Uswe tukētīle abāndu ku fyākwikyēla fyankīsu, bikuywēga. Uswe twababwene abasangaluke fiyo mpaka abene bikukūta, panja pa kipālo, ukumoga, ni findu fyosa fila. Ikyo kikaya Ugwe mma, Kyala.

273 Loli ukwagana na Ugwe nu kuyoba na Ugwe, kangi Ugwe kuyobaga ukwāmula, ikyo kyo iki uswe tukulonda, Ntwa. O, une ngukusuma Ugwe, Kyala, ku miniti yimo iyi, ukuti Ugwe kutumaga u Mbepo Mwikemo nkyumba iki, ubuyo ubunini ubu, ubuyo ubwakwiyīsia. Bukayapo ubuyo bwakufwana ukuti Umwene īsepo. Lōli une ngusuma, Kyala, ukuti, mu njila Yāko gwimwene, ukuti Ugwe kwisakutuma Umwēne lululu lilino mu kyūmba. Sōnga imyoyo.

274 Bo mūmo une njobile pītāsipo, Ntwa, lumo Ugwe kubīka ibwe lyākutabania mu njila ya munduyumo, ukufwāna ni ngōlēlo syapakigēmo isi ukupepeka nu kubalāmba abāndu ukubūka pamwanya. Kangi akabalilo kāko uswe tukugomokela ikyīnja kyākilābo, uswe tukwāga abēne fiyōpo bāna ba gehena ukukinda abēne bāyīlile ukwānda itolo. Babagile bulebule abēne ukwīsa pēne pāpo Ugwe kubasōnga abēne nu kubatobesya abēne, u nkulumba Mbepo Mwikēmo?

275 Kangi une ngukusuma Ugwe, Ntwa Kyala, linga untulwanongwa unyāmbāla yula pamo nkikulu, ndumiana pamo ndindwana, ali mu nyumba iyi ulubunju ulu, ukuti Mbepo Mwikēmo isakwīsa na maka amanywāmu agakutobesya mpaka amāsōsi gīsakusuluka pāsi pa masaya gābo nu kutōnyēla mu moyo gwābo, Ntwa, ukuti ukufuma ku busolofu bwa ndumbula syabo abene bisakwitikaga nukwitikisya Kristi. Tupaga ikyene, Ntwa. Abene bikulondigwa i kigemo nakimo. Umoyo gwabo gwisakuyaga kigemo kyabo. Tupaga ikyene, Ntwa. Polelo abene bikwisa bandumbula-yosa kwa Ugwe, nukuyoba, “Une lilino ngulōnda ukōsīgwa mu Ngamu ya Yeso Kristi ku busyūle bwa mbibi syāngu isi Une mbindwikēko.” Tupaga ikyene, Ntwa. Bisusye abene na Mbepo Mwikemo.

276 Tupāpo uswe abasasania-nōngwa nkīsu umwīsyūgu, komma bala bābo bikupepeka nu kukwāba, nu kupela abāna bākipānga-kipāgūke. Kyala, fyūsyāga Gwīmwēne mmwanya abāna bamo. Yaganabo abāndu, Ntwa, ukwīpūta. Une ngwīnogōna isya nyūmba ya Korneli. Ikyēne kikābonikēmo siku ku Gwāpānja pabutasi, lōli abēne bapīkigag’ifindu nu kwīpūta. Kangi akabalilo kako unnyambala gwa Kyala yula, unsololi yula, alinkwima pala, “Kangi bo umwene ikuyoba amasyu aga, u Mbepo Mwikemo alinkugwa pa bene aba bāpilike i Lisyu.” Kyala, paga uluko lula ulwa lukomano. “Bo Peteri ikuyoba amasyu aga.” O Kyala, abene bālītendekisye. Abēne bāpīkag’ifindu. Abēne bāgūlilāga. Abēne bāli banaloli-ndumbula. Abēne bakāli itolo “gūlila,” abēne bāli “bikugūlīla mpaka.”

²⁷⁷ Abatumigwa bala balinkugulila mpaka Kyala ikusuluka pakati pa bene, kang'i abene balinkumbona Umwene nukuyoba ku Mwene. Abēne bābūkīle pānja ni ndūmbūla isi syākōsyāga ikīsu ku kikalasilo. Abēne bāli bakifu, nu kwīma nkati mu mabuyo kūko ikyēne kyābagile ukusanusya kuli abēne ukuya ni mitu gyābo gyēne ukutumuligwāko. Abēne balinkuti, “Ngimba ikyēne kitalusye kuli uswe ukupilikila kwa umwe, pamo ifibugutila fyinu, pamo umwe banyāmbāla bafipanga-fipāgūke? Pamo, ngimba uswe tukupilikilaga kwa Kyala? Mwikētele umwe ku kyene.” Kang'i kulakula ukutalula, akabalilo kāko abēne bābītikisye ukubūka, bābūkīle palapala panja nukwakulūmbilila i Ngamu ya Yeso Kristi kang'i. O Kyala, tupapo uswe—tupapo uswe ikyo, Ntwa.

²⁷⁸ Fyusya uyu yumo yula uyu Ugwe kuyobapo mu Masimbo, kwa uswe. Mpake umwene, Ntwa. Une ngunkolela kuli umwene. Ntuma umwene, Ntwa. O Kyala, indumbula syitu sikukūtila. Ntuma umwene, Ntwa, uyu isakugomokesyāga abāndu ku Lwītiko lwa ba tāta kang'i, yuyo isakubabika abēne kubutali ukufuma ku aba abāngaligwa abakipānga-kipāgūke, ukubuka mu bwēndelēmo bwanaloliloli na Kyala, bo mūmo bābōmbile pa Pentekosti, ikipanga ikyanaloliloli kang'i, kikupya, ni Ndumi yilayila, u Lwitiko lulalula, i Kimanyisyo kilakila, i Bangeli lilalila, u Kyala yulayula ni kimanyilo kilakila. Fyusyila uswe unsololi, Ntwa.

²⁷⁹ Bumbulusyaga ababine pakati pa uswe umwisyugu, Ntwa. Balipo bala apa aba bo bafūmbwe. Une ngubīputīla abēne, Tāta. Une njīle akabalilo katali, ngugūlila ulubunju ulu, kang'i balipo bala bītūgēsye apa.

Ikilo kimo, akabalilo kāko u ntumigwa Pauli ālumbililāga ikilo kyosa, u nnyāmbāla unkeke āgwīle ukufuma ku nyumba nukwigoga mwene. Umwene alinkubuka ukugona utulo. Umwene akāsanusyaga, loli umwene—umwene ābukile ukugona utulo. Kang'i umwene alinkugwa, kang'i u bumi bwake bwākindile. Kang'i u ntumigwa āliputīle, kang'i u bumi ukugomokela mwa umwene kang'i.

²⁸⁰ O Ntwa Kyala, balipo bīngi apa aba bagwīle mu bubine. Kang'i akabalilo kōsa uswe tugūlile pabutali ukukīnda a kabalilo ka kusātisya i kipānga, balipo bala bābo bo babine. O Kyala, unko a maka gala, aga—aga Mbepo Mwikemo uyu ikwisa pagwīmwe mu Mbanda ya Moto, Uyu ikwifumusya Mwene nukwipela Mwene ukumanyigwa ukuya Umwene yo ywani Umwene, kang'i uswe tukwitika Umwene, unko Umwēne asyūngutīle umūndu aligwēsa nkati muno lilino. Bumbulusyaga ababine. Isusyaga na Mbepo. Paga u lubāngo mu njila yiliyoosa, Ntwa, ulu uswe tufūmbilwe isya ikyēne. Sefusyaga indumbula syitu nu lwitiko, Kyala, nu lwitiko lwakusitakufwa, nu lwītiko ulusitakupepusyako ukuti uswe tuli nayo ISI SYO IKUTI UNTWA. Tupaga ikyene, Ntwa.

²⁸¹ Ikyene kyo bandu Bako, i Ndumi Yako, i Lisyu Lyako, ababombi Bako. Kangi u mōhesi akaya nako ukukolelela nakumo pa uswe. Umwēne akabagila nukubongotola uswe akabalilo kāko ikitēmbē iki kikubongotolígwa. “Kabuno linga ikitēmbē ikyamfu iki kyōnangike, uswe tulinakyo kimo kitalile kikugūlila.” Umwene akabagila ukutubōmba uswe ubufulasye nabumo, kabuno kilikyosa iki kyo ndugu gwitu yo ndugu Gwako, kabuno uswe tuli Bako. Uswe tugūlígwe nu ntengo, ugwa Lilopa ilipala ilya Yeso.

Polelo, umwe abōhési aba mupinyile abāndu aba nu bubine, une ngulagila ugwe, mu Ngamu ya Yeso Kristi, ukusōkamo mwa aligwesa gwa bēne. Ukuya ntumigwa gwa Kyala, ukwiwobela Ilisyu ili ukuya Bwanaloli, ugwe baleke abene. Ugwe ukaya nasyo inyābūke nasimo. Kilikyosa iki umwe mwiwobelagamo siku ukuya nakyo, kyālyōmolígwe pa Kalvari. Kangi umwe mukabagila ukubakola abene kangi mma.

²⁸² Lilino, Kyala, mpapo unnyambala aligwesa nu nkikulu, ndumiana pamo ndindwana muno, ulwitiko ukwitika ikyo. Ilisyu liyobigwe. “Linga ugwe kuyoba ku kyamba iki, ‘Samisigwaga,’ kangi utikwilamwa mu ndumbula yako.” “Ulwiputo ulwa lwitiko lukupoka ababine.” “Ugwe ulinako iki ugwe kusuma.” Uswe tumenye ikyo. Uswe tuli nu lusubilo lula mwa Kyala. Linga uswe tuli nu lwitiko lulilosa na panandi, linga Kyala ali nu bumi mwa uswe, uswe tukwitika ikyo. Kangi une mmenye ukuti ikyēne kyo lūlo, Ntwa. Popāpo, tupaga ikyēne, umwīsyūgu, panongwa ya bubine nu bupoki. Pamo, une mbagile ukuyoba, pamo mbagile ukuyoba, ubupoki ubwākwānda kangi polelo ububine. Tupaga ikyene, Ntwa, panongwa yakuti u moyo go gwantengo ukukinda umbili.

²⁸³ Loli bala bábo, utubalilo tumo, u moyo gwabo gupokígwe, kangi u mbili ugwaiyolo ugu gukali gukuya gwa Sétano, kangi umwene amenye ukuti umwene isakwegaga ikyene nkabalilo ka bumalikisyo. Umwēne isakusya ikyēne nu kutuma ikyēne ukugomokela mpaka imbani sya kīsu sisakwāfūla nkati nu kyēne nu kulya ikyēne mōsa. Lōli umwēne ātisa kupalamāsyāmo siku u mōyo gula, kabuno ugwēne go bukabi ubupala ubwa Kyala. Kangi ukukīndamo mu būmi bula, ngati ukufuma ku lyāni limo, ubwēne bukugomokéla kwa Kyala Yūyo ābupéle ubwēne; bwīsa kwīsa nkabalilo akakukōnga, nu mbili umpya ugu Sétano akabagilamo siku ukupalamasya. Nabōpe mma ubukusi bwa bukāngāle pamo kalikōsa akāngi fibagīlēmo siku ukupalamasya ugwēne. Ugwēne gwīsa kuyaga mbili umwīmīkigwe. Uswe tukulōndēsya kuli ikyo, Ntwa. Sayaga a bandu Bako lilino. Abene bo Bako. Kangi une ngubabika abene nkiboko Kyako. Une ngusuma iki mu Ngamu ya Yeso.

[Nkundwe Neville ikupa ulukasyo—Nsimbi] Lwīmīko!
Ntufye . . . [U nkundwe uyūngi ikupa ulukasyo.]

284 Ilyo likaya lisyu lyangu. Ilyo lyo Lisyu Lyake. O, iki uswe tukufumbwa, isala iyi—isala iyi uswe tulimo nu bumi! Ngimba umwe mutikupilikisya, binangu, ukuti Kyala atikwisa ku bafumuke abakulumba? Umwène ikwitügàla pakati pa fiyisye, i finīni, ifindu ifiyisye. Umwe lumo mutikusyägània ifi fikukindilila lululu lilino, iki kikwenda pakati pa kiyumba iki, iki kikwendela nkati mbandu aba lilino itolo.

285 Nongwa ya fiku u Mbepo äyobile, ukwändàna, “Bo Une ngäli ukubapela abène kalikōsa,” ukwīsila mwa Nkundwe Higginbotham, “kētésya i Ndumi iyi, kabuno une ndwele Iyène,” *ikindukimo ikingi* bo ikyo, “ukukusoka ugwe isya kindu iki iki kikwisa”? Kéta iki kyāboníke.

286 Ifindu fimo, a Masimbo une nsimbile pási apa, une ngapalamasisyemo siku, nukubuka ukwakufika mpaka na Bene. Une nalongosigwe panja pala nu Mbepo Mwikemo. Muketile? Gamo mwa Masimbo, une nukupalamasigwamo siku. Une ndinkusōkapo pa kindu ikīngi, palikimo. Kamokēne nkabalilo, ukupilika ikindukimo kikwisa, ukusanuka ukukilania nu kwāga kūko ikyēne kyāliko. Mbepo ikuyoba mbusanukilo bulibōsa lilino.

287 O, bāndu, yaga banaloli-ndumbula, yaga gwabwanaloli-ndumbula. Komma ukugela ukwīgēmekesya pa...Muketile, ugwe gwe—ugwe kulōndésya ikindukimo ikikulumba kangi kimulike.

Akabalilo kākō, abasololi bōsa, yópe Davidi äyobile, “Ku Kwisa kwa Ntwa, ukuti, ikyāmba kilikyōsa kyābagile ukutwāligwa pási, kangi i—kangi amabuyo ga pási gabagile ukutēndekígwa ukuya mmwanya.” Äyobile, “I fyāmba fisakunyēlanyēla bo tung’ōsi utunini, kangi amāni gōsa gisakub’amapi na maboko gābo.” Mulimōsa, ngimba fyo fiki abāndu bālīnogwīne ikyo kyābagile ukuya, akabalilo kākō u...Yeso ālisile?

Ngimba ikyene kyanusyaga ukuya fiki? Undumbilili ugwayolo ugwakwilambika, akaali nabo ubumanyili mma. Pa fyīnja fihano-na-fina mbukusi, alinkubūka mu lulangalanga, komma ukuya mmanyisigwe nu mūndu, lōli ukuya—ukuya mmanyisigwe na Kyala. Asōkile pānja, kangi ālimile na kayabo ka kipapa kya ng’ōsi kaniembigwe ukusyūngutila umwène, ni busyōya mōsa nkisyo kyāke, gwabusyōya mōsa ukukilania, kangi i nywīli sikusuluka pási pa likosi lyāke. Ukwītügàla pānja mu lulangalanga, ukufuma ku mapalalila, isyo syo mbāsi, amapalalila ga ndīsu nu lūki, akabalilo kako umwene itugasyaga mmatengele. Kangi ikwisa, ālimile mmatipa pa filoboko, nukufumusya ukwisa kwa Mesiya. Kangi u Mesiya alinkwenda palapala pási, u Nnyambala ugwapaliposa pakati pa bandu, kangi älyōsigwe. Kangi bōsa abasololi bāfumwisye

ikyēne ukuya kimo mwa findu ifikulumba ukukinda fyōsa ifi fyābōnikēmo siku, kangi ikyēne kyāli. Muketile?

²⁸⁸ Abēne bikulōndésya ikindukimo ikikulumba, ikindukimo ikimulike, ukuboneka. Muketile? U Mbepo Mwikēmo atikumulika. Ikyēne kikwāka. Ukumulika ko kya kīsu. Ukwāka ko kwa Kyala.

Aka pamwanya pa une, Ntwa, lo lwīpùto lwāngu. Nyīsyā une pāsī. Nyega une, mbūmba une nu kumbela une. Mbepo gwa Kyala gwabumi, enda nubupūpwe pa une. Mbūmba une, mbela une. Ndendeka une Gwako, Ntwa. Nyega itolo une.

²⁸⁹ Une ne itolo ne gwākwāgānia ukuti u Mbepo gwa Kristi ikwēnda ukusyungutila mu nyumba iyi apa ulubunju ulu. U Kyala uyu isakulongaga ikisu ali papapa apa lilino, itolo ukuya nsisimikisiyi bo une nimile pa kigemo iki. Pafumile ukuyapo kimo, fibili, fitatu ifisisimikisiyo fya ikyēne, ifya Lisyu, itolo katikati iki i Bāngèli lyāyòle. Ngimba umwe mupilike ikyene kikwīgāla ku kabalilo kala, ukufuma apo? Kimo, fibili, fitatu, kilikyosa ndubātiko lwamwambepo, kilikyosa mu lubātiko Lwammasimbo. O, igula indumbula syīnu nu kupilikisiya. O, ko kabalilo kaki, kyo fiki kyābagile ukuboneka pa kabalilo aka!

²⁹⁰ Abene baali nkyūmba kyapamwanya, bosa nu bwitikisano bumo, bikugulila. “Kabuno abene aba bikugulila pa Ntwa bisakongelelaga amaka gabo. Abene bikufyukaga mmwanya na mapiko bo ga swanga.”

²⁹¹ Komma ukubūka kukufyūka kula nukuyoba, “Ntwa, une nsulumenie isya mbibi syāngu. Lilino une ngwitikisiya nu lwitiko ukuti une ndinagwe Mbepo Mwikemo,” nu kwēnda ukusōka.

“Abēne aba bikugūlila pa Ntwa,” imilungu, amasiku, kilikyosa ikyēne kili, “bisakongelelaga amaka gābo. Abēne bisakufyūka na mapiko ga swanga. Abēne bisakubopa kangi komma ukukatala. Linga abēne bikwenda, abēne batisakusilikilika. Mmanyisiya une, Ntwa, mmanyisiya une, Ntwa, ukugūlila.” Gūlila pa Ntwa.

²⁹² Pamusi na pakilo, kingikingi, Anna āli mu tempeli, ukumilisiya ukwīpūta, pamusi na pakilo. Akabalilo kako abene balintwele Yeso nkati, umwene alinkwisa mula, mfwamaso, ukukinda mu nyumba, alinkwenda ukusyungutila. Unkikulu umfwamaso alinkubika amaboko gake pa Mwene nukunsaya Kyala. Panongwa yakuti, mu bufwamaso bwake bwamumbili, mwa mbepo gwāke, umwēne āgutigwāga na Mbepo, mpaka kūko Umwēne ālīmīle.

²⁹³ Pala, Simiyoni, ikugulila Umwene, ukugomokela ku buyo bwa lwiputo kunyuma kula, āmenye ukuti umwēne āli nu lufingo, mwa Mbepo Mwikemo, ukuti umwēne akābagile ukufwa; u nnyāmbāla unkāngāle, malongo-lwele, kifuki fyinja malongo-mahano-na-mana mbukusi. Kangi umwēne āli... ābabūlile abāndu pabwēlu, “Une ndisakukēta ubufwe mpaka

une ngukêta u Mesiya.” Kangi pa miniti yimo yilayila, u Mwanike unnini ugwaiyolo . . .

Ngimba âli fiki Umwêne? Komma umfumuke, bôsa abasikali bîmile ku butegelo akabalilo kâko abêne bâlintwèle Mesiya nkati, aniêmbeteligwe lôsa naloli kangi kanunu, kangi mmogi kangi anûngisigwe-kanunu, kangi gwalûma bo abâna banini bâbo bikwîsa ukusayiligwa. Lôli u mâma unnini uyu âyobîgwe nububîbipo, alinkuti, “Umwêne âli nu Mwâna, pânja pa bwegi ubwikemo.” Aniêmbîgwe mu mwênda gwankibaga, iyôko, imyênda gya ngambako ya mwîyôko giniêmbîgwe ukusyûngutila Umwêne, ikwênda ukukîndamo nkiyûmba, kangi aligwêsa ikuyûnga ubutalipo bwâbo ukufuma ku Mwêne.

Loli apa kakwisa kala akapambo akanini, akabunganie akanini kala. Anna, ukuya yumo. Simiyoni, uyûngi, ikwênda ukusuluka ukukîndamo ndukîndi, kisita kumanya akabalilo kâko umwêne isakubîka amâso gâke pa Akêne. Kangi afyusisye amaboko gake nukuti, “Ntwa, itikisya u gwambombo Gwâko asôkepo ndutêngâno lilino, ukufwana ni Lisyu Lyâko, kabuno amaso gangu gikuketa ubupoki Bwako.” Hum. Muketile? Nakimo ikikulumba, ikyakumwekuka. U kwâka; kangi palema nalinga ikyêne kikuyobeligwa mbubîbi, ikyêne kyâli kimanyilo.

²⁹⁴ Kangi, umwîsyûgu, i kimanyilo kikuyobigwa ububîbi. Ikyêne kikayanabo nabumo ubupilikisano. Ikyêne—Ikyêne. . . Ikyêne kikuyobeligwa u bubîbi, nu kukôlêligwa kilikyôsa. Loli ikylene kyo kika iki kikubebeligwa, ikimanyilo iki kikuyobeligwa u bubîbi. Ili Bangeli likuyoba isya ikyo, “Ikimanyilo, iki kikuyobîgwa u bubîbi.”

²⁹⁵ Unko uswe tukûmbuke iki bo uswe tukwênda ku nyûmba syîtu. Komma umwe nasiku ukwîtikisya i Ndumi iyi ukufwa ukufuma mu ndumbula syînu. Kilikyosa iki ugwe kubomba, komma ugwe ukubomba ikylene. Ugwe inogonela pa Iki, pamusi na pakilo. Kangi ipûta, pamusi na pakilo, kuli u Kyala ukufyusya u nketi Gwake lilino. Uswe twîtêndekisye, kabuno une ngwîtika, lululu, akabalilo kîsa kuyaga nakamo kangi mma. Uswe tukwîsa . . .

²⁹⁶ “Bulebule, akabalilo kaki ikylene kikuyaga, Nkundwe Branham?” Une ngamanya. Lumo umwisyugu. Ikyene kibagile ukuya kilabo. Linga ikylene kikaya umwisyugu, une ngulondesyaga ikylene kilabo. Kangi ikylene kibagile ukuya kyinja iki, ikyinja kya kilabo, ifyinja kalongo. Lumo ifyinja malongo matatu, une ngamanya akabalilo kako ikylene kikuyaga. Loli une nguyoba, ukufuma lilino ukukindilila, umwe mwîtendekesye iminiti yiliyosa.

²⁹⁷ Kangi komma ukwêga itolo ikindukimo mwalwemwalwe. Komma ukubômba ikyo. Komma umwe ukutusya, pamusi na pakilo, mpaka umwe muyobile kwa Kyala. Ikyûnga mwîbène ukufuma ku bûmilisi. Komma ukunyenemusigwa mu kitima.

Komma ukubōmba ikyo. Ikyo kyo iki kikutwāla ifindu fīngi fīyo ifyāfigili kangī fīkupela abāndu ukutīla ikyēne, muketile, yo nōngwa ya būmilisi bwafigili. Komma umwe ukwitikisya ikyo; komma na panandi. Ugwe ima palapala pala mpaka ugwe kuyoba kwa Kyala. Ukufuma pa fyōsa, ikyēne kyo moyo gwāko, kangī ugwe yula yūyo ikuyaga pakwītūgāla u Syēpwa kula ukukilania. Kangī ugwe usisimikisyege ukuti ugwe itolo utikuponia pakiboko nukuyoba ikimanyisyo, pamo—pamo kwitikisya ikindukimo nu lwitiko. Komma ugwe ukubomba ikyo. Ugwe yoba kwa Kyala. Unko Kyala ayobege kwa ugwe, kangī ketesya iki kikubonekaga kwa ugwe. Kētēsya ifinyonywo fyīnu nifyakuboneka, polelo ugwe kwisakumanya kali ugwe uyobile kwa Kyala pamo mma.

²⁹⁸ Kwa umwe mwe mwītike pa Mwēne ulubunju ulu. Kwa umwe, kangī une—une njobile isya kukōlèla kwa pa kigemo. Ngimba umwe mumenye mumo abene bābombile ikyene mu li Bangeli? “Na bu bwingi bwa aba balitike kwa Ntwa, na bu bwingi bwa aba balitike Untwa abalyōsigwe mu Ngamu ya Yeso Kristi ku buswe bwa mbibi syabo.” Linga ugwe ukayamo siku . . . Uswe tukālimo siku ni ngōlelo sya pa kigemo. Abene bakalinafyo siku a bandu ukwisa pala. Akabalilo kako ugwe kubomba ikyo, ugwe kwegā kilikyosa. Apa yo u miāna ikwīsa pa kigemo, ikuboneka-gwamatati, kangī ikufugama pāsī, panongwa yakuti umunduyumo āgelile ukumwēga umwēne. Ugwe—ugwe—ugwe ulunakyo kabili-kōsa ikikafu kila ukumwēgamo siku umwēne kāngi. Muketile? Kangī ngimba kyo fiki ugwe kubōmbaga? Ugwe kwēga kilikyōsa mu kyēne. Kangī Yeso aatile, “Bosa aba Tata ambele Une bisakwisaga kwa Une.” Syala ni Lisyu lila. Kyala isakubomba fyosa ifi fisyele fya ikyene. Uko ko kutalusya. Uko ko kutalusya. Kyala isakubōmbāga ifingi fya ikyēne.

²⁹⁹ Kyala abasaye umwe. Une ngusubila ukubabona umwe kangī ikilo iki, ngusūbila, aligwesa gwa umwe uyu abagīle. Une mmenye mwe bingī ba umwe mukufimbilisigwa ukusyala panja, ukusōkāpo. Une nguyaga pasī, ikilo iki, ukumpilika unkundwe gwangu, linga ikyene kikuyaga bwīgāne bwa Kyala. Une ndikulonda ukwegā indumi syake syosa-sibili.

³⁰⁰ Kangī—kangī Nkundwe Neville yo nnyambala unnyāfu gwa Kyala. Kangī une mmenye, une mmenye yūyo . . . Akabalilo kāko une ngumpilika umwēne ikulūmbilīla, une mmenye ukwēne kukwīsa ukufuma nukutalula ku ndumbula yāke. Une mmenye ikyo. Kangī Nkundwe Neville, do mūmo umwēne āyobīle ikilo kimo, ubuyobelepō bula, alinkuti une nātēndīke ubuyobelo, “Ilisiku limo une nisakummōsya umwene mu Ngamu ya Yeso.” Une nābombīle. Nongwa ya fiki? Une nālīmbwēne ubwanaloli-ndumbula kangī ubwanaloli mwa umwene. Une nāmenye linga umwene . . . ābagīle ukupīgwa ku mwene, nukumbona umwene . . . kangī umwene—umwene ābagīle naloliloli ukukibona Ikyene, amaso gake gisakwigukaga,

umwene ikwambilila Ikyene. Une nāgūlile, nu kukibūla i kipanga, “Komma umwe ukupasya, ukuti undumbilili gwa Methodistu yula ikwisa kanunu.” Kangi apa umwēne alipo umwīsyūgu, u ntīmi gwa kipānga, itolo ukuya mwīmikigwe mu mbōmbo mūmo umwēne abāgile, mu Ndumi. Umwene ikwitika Kyala. Kangi une mmenye, akabalilo kako une ngupilika ikindukimo kikufuma kwa Nkundwe Neville, Une mmenye ikyēne kyo kwanaloliloli, ukwisa ukufuma kwa Kyala, panongwa yakuti umwēne yo luko lula ulwa nnyāmbāla.

³⁰¹ Une ndāmbalike amaboko gāngu pa fifūnga apa ifi fipūtiligwepo. Ngusūbīla, aligwēsa gwa umwe āmbilile u lusayo ukufuma kwa Kyala. Ngusūbīla ukuti Kyala ali pa ndumbula syīnu.

³⁰² Uswe tutiku—uswe tuti kwīsa apa uku—ukuya nu lusayo ukufuma kwa Kyala, mbwīngi fiyo, bo uswe tukwīsa apa. Ilisiku lililyosa uswe tukutuya umūyi, uswe tuli nu lusayo ukufuma kwa Kyala. Iki uswe tukwīsa apa ukubōmba, ko kugolosigwa, ukutumulako, ukubūtako i ndūmbūla syītu, kangi ukufika pankyeni pa Kyala, kangi ukwitika Kyala ni ndumbula syitu syosa.

³⁰³ Kumbukilaga i Lisyu lya Ntwa. Kangi ukwībwa mma, nu kutoligwa mma, ukukéta ukukilania pa kimanyilo ikyabwanaloli ikutumigwa ukufuma kwa Kyala.

Kangi polelo une nguyaga pakusanusya ulukomano kwa Nkundwe Neville, unko umwēne ayobe kilikyosa umwēne ikulonda ukuyoba.

[Nkundwe Neville ikuyoba, “Une nsisimikīsyē, mwe, une ngubabūla umwe, une mmēnye ukuti Kyala āsisimikīsyē iki uswe twāgūlile mu bwākwānda bwa bubōmbèlo. Bo une ngukéta ukukilania i mbalilo ya fisyo, ulubunju ulu, une mmenye ukuti ikyēne kyo kili kanunu ukuti umwe mwāli apa, kangi ikyēne kyo kinunu ukuti une njīle apa, kangi une nābagīle ukuya apa, kangi umwe mwabagīle ukuya apa. U bubīngililo bwīnu bufwānikisigwe nubutalusye linga umwe mukufyūsya ubwēne ukuya lūlo. Iki umwe muli nakyo ulubunju ulu, umwe mubagile ukuya nakyo panongwa yakuti umwe mwāmbilile ikyene kya Kyala.]

[“Kangi mbimbibi uswe tukuyaga nu bubōmbèlo bwa lōsyō, ukukōnga iki. Kangi Nkundwe Willard Collins isakubōmbelāga mu bubōmbèlo bwa lōsyō, kangi uswe tulinabo babili pamo bīngipo abīgāne. Kangi uswe tukulonda ukukéta abīgāne mia-yumo panongwa ya lōsyō mu Ngamu ya Yeso Kristi, ulubunju ulu.”]

Ameni!

[“Umilisyā ukubonesya ulwitiko lwako mu bubonekelo pabwelu. Ulwitiko lukayamo siku mbōmbo. Ulwitiko,

lwakuyobigwa, lukaya lununu. Loli ulwitiko, lubonesigwe, lo lubatiko lwa i Bāngeli.”]

Ameni! Uko ko kotalusya.

[“Ukwisila mu lupilikilo, ulwitiko lubagile ukubombigwa. Alipaga Kyala kwa aligwēsa, ulubūnju ulu, aba bali apa, aba bikwīpilika ukubika lūlo ukubōmba, umwe muli isaga. Linga iki kyo i, linga iki kyo panini pānja pa lubātiko lwīnu lwa iki umwe mwābāmbike, pamo lumo umwe mwāli nu lulagilano mbimbibi ukutendeka, pamo ikindukimo, lunga umwe mubagile ukufwānisya ukukābisya ikyo, nukukīndāmo nkabōmbo ka bupilikilo, une ngwitika ukuya nkundwe gwinu ugwakwīyīsyā mwa Kristi, kangi ukuya mbomba-ntuli palikimo nu nsololi gwa Kyala, une ngwitika ikyene kikuyaga—ikyene kikuyaga busobi ubununu bwāko bosa, ukutendeka ulusalo lula lilino.”]

Kyala tupaga ikyene!

[“Kangi tupaga ukuti ugwe kwisaga, nukwega ubuyo bwako pakati pa bangi aba bo bakōsigwa, ukuti umwe mubagile ukuya mu mbalilo iyi, iyi yikutēndēka akatīmo akanini aka. O, ikyene kyo kinunu, bule ikyene? ukuya yumoywene gwa Bāke, kangi ukuya ukufwana ni Lisyu Lyāke. Tuli ima uswe twesa palikimo, bo uswe tukwītēndekīsyā ukusātīsyā.]

[“Pandungu ugu gukwīsa, Nkundwe Branham isakugomokelāga na uswe kāngi. Unko uswe tukumbukīle ubufumusyē bula. Umwēne āyobīle umwēne isakuyāga pāsi apa ikilo iki, lōli umwēne akāyobīle umwēne ikubūmbulūsyā. Loli, ikinyonywo kyangu kyo, akabalilo kosa, ukuti umwene ikubombaga. Kangi umwene atikulondigwa ukuya nu lutende nalumo ukufwana kūko une ngwima pa ikyo. Ikinonywo kyangu kyo kifuki naloliloli, mmenye ukuti i Ndumi kangi u—u bukōlēlo ubu umwene ali nabo, kyo kyakulondigwa ikikulumba ikya lisiku ilyabumalikisyo ili. Une ngupa ubuyo, akabalilo kosa.]

[“Une nguyobaga iki mu kuyapo kwa bandu nu mwene: une ne, nubuhobofu ngwisakupapo ubuyo, akabalilo kosa, mbubombelo bulibosa, ku Ndumi iyi yo une ngwitika, panongwa yakuti Kyala āyobīle ukwisila mwa babili ba uswe, ulubunju ulu, ukubonesya ikimanyilo kya iki. Kangi une nsāngalwike ukuya nu lusako ulwa kuya gwakubagila itolo ukuya yumo uyu abagile ukupa u buyo ku mwene.]

[“Kangi une mbagīle, ikilo iki, ukuti une ngusangulukaga, linga unkundwe gwitu, nu gwambombo kangi u nsololi gwa Kyala, āli fiyo ālīganile ukubōmba lūlo, une ukukīnda-fyōsa nubuhobofu nisakupa u buyo ku mwēne. Itolo kwēne ku lisyu lyāke, kilikyōsa umwēne ikwīpilika. Lōli, umwēne ayōbīle, kangi uswe itolo tukutūsyāga ubutumulo bwa kindu kyōsa mmaboko ga Kyala Mwenemaka.”—Nsimbi]

304 Ugwe ukaabagiile ukusumapo ikindukimo ikinyafu, kibagile ugwe, ukufuma ku nkundwe ugwanaloli? Inongwa iyi une... Muketile, binangu, une—une mmenye umwe munganile une. Umwe munganile Nkundwe Neville. Umwe munganile bandu bosa ba Kyala. Uswe tuganene yumo nunnine. Linga kâlipo a kabalilo aka uswe tukulôndigwa ukôngelelâpo ukuganana yumo nu nnine, ko lilino. Uswe tukufimbilisigwa ukuya kifuki fiyo palikimo, nkundwe, ukuti uswe itolo... Uswe tukundile ukuya banywamupo ukukinda bakundwe ba lilopa na bakalumbu. Ulo lo lugano ulu lukufimbilisigwa ukuya mu ndumbula syitu kuli yumo nu nnine, ulutende nu lugindiko, ulwapamwanya ukukinda. Kangi une nkiganile ikyo. Une nkiganile ikyo ikyanaloliloli.

305 Kangi apa, Nkundwe Neville, kangi Nkundwe Higginbotham, Nkundwe... Une ngwitika yula âli Nkundwe Funk, ikyène kikâpilikisigwâga nukuya bo umwène, uyu âpèle i ndumi yila kunyuma kula. Ikyo kîsile... isyène sikufumila kwa Kyala, indumi sila, mwinangu, isyène naloliloli syâbômbâga. Aligwesa uyu ali nu kumanyila-ngâni kwamwambepo amenye ikyo.

306 Loli apa po kilipo iki ikylene kili. Mu kwîsa, une—une nunganile Nkundwe Neville fiyo mpaka une ngwinogona iki, umwe muketile. Une—une ndikulonda ukuyoba nakimo pene papo une ndi nakyo ikindukimo ukufuma kwa Kyala ukukubula ugwe. Muketile? Kangi une nâli na iki—iki kikwisa pa ndumbula yangu, ukufwana a masiku mabili pamo matatu aga gakindilepo, kangi une ngâfikilepo ukukêta ikyène fiyo mpaka ikilo kyammayolo, ukubopa lôsa a Masimbo manini. Iyo yo nongwa une nisile ukutwala ikylene. Ikyene kyo ukufuma mmaboko gangu lilino. Umwe muketile? Kilikyosa iki ugwe kubomba ni kyene, ikyo kyo kili, ikyo kikuyaga, kwa ugwe, ugwe uketile. Loli ikylene kyo kisôkelemo nkiboko kyangu.

307 Lôli, Nkundwe Neville kangi une, uswe tuli itolo njila yila. Linga une ngwisa pasi apa, itolo uku—itolo ukuyoba utubalilo tumo, kangi ikindukimo bo ikyo, kangi Nkundwe Neville âli ni ndumi ukufuma kwa Kyala, une ângali nitûgesye palapala pâsi. Ena, naloli. Une ângali ngupa u buyo ku ndumi ya Kyala, bwila. Muketile? Iyo yo njila uswe tukubombela yumo nu nnine. Kangi iyo yo nongwa une nguyoba ukuti une ngwisa... Linga—linga Kyala atikumbapo une kalikosa, polelo, lumo itolo ukuyoba, kangi linga Kyala ikupa Nkundwe Neville kalikosa, kangi une ndi apa pa kigemo, Ndungu kulubunju, Ndungu pakilo, akabalilo kalikôsa ikyène kili, Nkundwe Neville âbagile itolo, umwène ângali ikuya mbwîngi bo bula ubwa nkundwe, umwene abagile ukwisa kwa une, nukuti, “Nkundwe Branham, une ngwitika ugwe ukuya gwambombo gwa Kyala, loli u Ntwa ambelile itolo indumi.” Ugwe kubombaga ikyo, bule? [Nkundwe Neville ikuyoba, “Ameni.”—Nsimbi] Ena, nkulumba.

³⁰⁸ Une āngali ngubomba kilakila ku mwene, linga umwene āyága pakuyoba. Une mbagile ukuyoba, “Nkundwe Neville, ngimba ugwe kunswaga une? Kyala ambéle une i ndumi. Une ngufimbilisigwa ukuyoba ikyene ku bandu, lululu lilino.” Kangi umwēme, Nkundwe Neville, ābagile ukusókàpo palapala pānja pa njila; lumo yumo gwa uswe, ukubūka kwa yumo uyūngi. Muketile? Iyo yo njila iyi uswe tukubombela. Kangi polelo linga uswe, linga une ndikuyaga ni kindu nakimo, polelo une . . .

³⁰⁹ Une itolo nunganile ukumpilika umwene ikulūmbilīla. Une nālimpilike umwene. Balinga bālimpilike umwene, ikilo kya Ndungu ugu gwakindaga? Indumi inunu fiyo, une ngukubula ugwe. Iyene yapinyiligwe mula, iki kyayobigwe ndubunju.

Kangi, bāndu, une ngubabūla umwe, umwe muli ni Lisyu lya Kyala ili umwe naloliloli mukufimbilisígwa ukuya būmi kanunu nukuya ntalusye.

Kyala akusaye ugwe lilino, Nkundwe Neville. 🐦

61-1112 I Kimányilo Kyābwānalòli Iki Kibebeligwe
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org